

حریزہ عدلیہ

درہنجی سنہ ۲۸ رجب ۱۳۳۱ - ۲۰ حیران ۱۳۲۹ - ۸۹ نمبر

پیشہ
قائمہ سہ ماہی

توجہات عدلیہ

بوکرہ تشکیل ایدیلن بتلیس ولایتی داخلندہ اخلاط قضایی بدایت محکمہ سی ریاستہ آلاصونہ بدایت محکمہ سی جزا دائرہ سی رئیس نوری و مدعی عمومی معاونلکنہ اورخانہ بدایت محکمہ سی مدعی عمومی معاونی محمد امین و موطنکی قضایی بدایت محکمہ سی ریاستہ قوچانہ بدایت محکمہ سی جزا دائرہ سی رئیس عبدالقیاض و مدعی عمومی معاونلکنہ قوالہ بدایت محکمہ سی مدعی عمومی معاونی محمد امین و خیزان قضایی بدایت محکمہ سی ریاستہ قوزانہ بدایت محکمہ سی جزا دائرہ سی رئیس علی سری و مدعی عمومی معاونلکنہ قره طوہ بدایت محکمہ سی مدعی عمومی معاونی خلیل صبری واروہ قضایی بدایت محکمہ سی ریاستہ پرہشورہ بدایت محکمہ سی جزا دائرہ سی رئیس حسن لامعی و مدعی عمومی معاونلکنہ مترویحہ بدایت محکمہ سی مدعی عمومی معاونی علی رضا و شیروان قضایی بدایت محکمہ سی ریاستہ غریبنہ قضایی بدایت محکمہ سی جزا دائرہ سی رئیس احمد فخرالدین و مدعی عمومی معاونلکنہ قواہ بدایت محکمہ سی مدعی عمومی معاونی مصطفی عاصم و غرزان قضایی بدایت محکمہ سی ریاستہ قرق کایسا قضا بدایت محکمہ سی رئیس جمال الدین و مدعی عمومی معاونلکنہ طرنوہ بدایت محکمہ سی مدعی عمومی معاونی محمد شفیق و صامسون قضایی بدایت محکمہ سی ریاستہ قره طوہ بدایت محکمہ سی جزا دائرہ سی رئیس محمود شفیق و مدعی عمومی معاونلکنہ

مكتب حقوق عثمانيدن مأذون قضاوت و پرواى قضائى بدايت محكمهسى رياسته قيرچوه بدايت محكمهسى
جزا دائرهسى رئيسى لامى و مدعى عمومى معاونلكنه و ولچترين بدايت محكمهسى مدعى عمومى معاونى
مصطفى نوري و چاقچور قضائى بدايت محكمهسى رياسته قره فرجه بدايت محكمهسى جزا دائرهسى رئيسى
اسماعيل ذكى و مدعى عمومى معاونلكنه مكتب حقوق عثمانيدن مأذون ديقران و وارطو قضائى بدايت
محكمهسى رياسته دلويته بدايت محكمهسى جزا دائرهسى رئيسى عبدالرحمن و مدعى عمومى معاونلكنه مكتب
حقوق عثمانيدن مأذون كيغورق و قلب قضائى بدايت محكمهسى رياسته پرشته قضا بدايت محكمهسى رئيسى
محمد سعيد و مدعى عمومى معاونلكنه اخته پولى قضائى بدايت محكمهسى مدعى عمومى معاونى محمد توفيق
ووان ولايتى داخلنده عاقلجواز قضائى بدايت محكمهسى رياسته قوايه بدايت محكمهسى جزا دائرهسى رئيسى
على رضا و مدعى عمومى معاونلكنه قوزانه بدايت محكمهسى مدعى عمومى معاونى عبدالعزيز و كواش قضائى
بدايت محكمهسى رياسته ملك بدايت محكمهسى جزا دائرهسى رئيسى عثمان نوري مدعى عمومى معاونلكنه
لغظه بدايت محكمهسى مدعى عمومى معاونى محمد حكمت و شتاق قضائى بدايت محكمهسى رياسته بابا اسكى
بدايت محكمهسى جزا دائرهسى رئيسى امين و محمودى قضائى بدايت محكمهسى رياسته پلنقه بدايت محكمهسى
جزا دائرهسى رئيسى عثمان كمال و مدعى عمومى معاونلكنه عثمانيه بدايت محكمهسى مدعى عمومى معاونى
محمد راغب و كوار قضائى بدايت محكمهسى رياسته و ولچترين بدايت محكمهسى جزا دائرهسى رئيسى خليل شرف
و مدعى عمومى معاونلكنه قيرچوه بدايت محكمهسى مدعى عمومى معاونى مذكى و خوشاب قضائى بدايت
محكمهسى رياسته اشتيب بدايت محكمهسى جزا دائرهسى رئيسى حسن حلمى و مدعى عمومى معاونلكنه
دلويته بدايت محكمهسى مدعى عمومى معاونى ابراهيم و ارچيش قضائى بدايت محكمهسى رياسته عورتحصار
بدايت محكمهسى جزا دائرهسى رئيسى احمد نسيب و مدعى عمومى معاونلكنه مكتب حقوق عثمانيدن مأذون
مقصود و شمدنيان قضائى بدايت محكمهسى رياسته اخته پولى بدايت محكمهسى جزا دائرهسى رئيسى حسن
حسنى و مدعى عمومى معاونلكنه رويچوز بدايت محكمهسى مدعى عمومى معاونى كموش و چوله مرك قضائى
بدايت محكمهسى رياسته غستوار بدايت محكمهسى جزا دائرهسى رئيسى رمضان و مدعى عمومى معاونلكنه
سيروز قضائى بدايت محكمهسى مدعى عمومى معاونى احمد خيرى افنديلرك تعيينلى خصوصنه بالاستيدان
٢٣ مائس سنه ٣٢٩ تاريخنده اراده سنه ٣٣١، ٢٨ مائس سنه ٣٢٩ صدر اعظم نامه
مستشار
عادل

بنهاد ولايتى عدليه مديرى احسان بكك اولجه اعطا و اخيراً تمديد ايدىلان. اذونيت مدتلى منقضيه
اولدني حالده اسباب صيحه درميان ايدرك محل مأموريتيه عودتى ايچون بيان معذرت ايتمسندن طولاني

مستغنى عدليه و مذكور عدليه مديرينك لغويله ولايت مشار اليها استيناف محكمهسى رياسته محكمه مذ كوره
مدعى عمومى نجاتى و مذكور مدعى عمومى ولايت مشار اليها مركز تجارت محكمهسى رئيسى فؤاد
ورياست مذ كوره اطنه ولايتى مركز تجارت محكمهسى رئيسى كيرقور و اطنه ولايتى مركز تجارت
محكمهسى رياسته محل آخره نقلى ايجاب ايدن حلب ولايتى مركز تجارت محكمهسى رئيسى كيرقور و حلب
ولايتى مركز تجارت محكمهسى رياسته ولايت مشار اليها مبعوث سابقى واستيناف محكمهسى اعضاى اسبقى
آرتين و بيروت ولايتى عدليه مديرى حسين حسنى افندينك و قوعبولان استدعاسنه بناءً تقاعده سوقيه
و مذكور عدليه مديرينك لغويله و ولايت مشار اليها استيناف محكمه سنك ده ايكي دائره تفريله محكمه
مذ كوره حقوق و تجارت دائرهسى رياسته شايدان ترفيع كوربنان سوريه ولايتى استيناف محكمهسى مدعى
عمومى مضباح و جزا دائرهسى رياسته قدس شريف سنجاغى استيناف محكمهسى رياستندن مستغنى عمراطى
و بيروت ولايتى استيناف محكمهسى مدعى عمومى مصطفى شكرى افندينك لسان عرب و واقف اولماسندن
ناشى انحلال ايدرك بر استيناف محكمهسى مدعى عمومى يركشديرك اوزره عزيله يرينه قدس شريف
سنجاغى استيناف محكمهسى مدعى عمومى سعيدي زين الدين و بيروت ولايتى استيناف محكمهسى
اعضالغنه بنغازى بدايت محكمهسى رياستندن آچيقده قالان حسن رضا و تحويل مأموريت طلبنده بولسان
كرك سنجاغى بدايت محكمهسى رئيسى اديب و موصل ولايتى استيناف محكمهسى اعضاسندن اولوب بشقه محله
تحويللى طلب ايدن نيغولى و بيروت ولايتى مركز بدايت محكمهسى اعضاسندن اسكندر و بيروت ولايتى
مركز بدايت محكمهسى اعضالغنه جهت عدليه خدمتى مسبقو نيغولا نقاش و سوريه ولايتى استيناف
محكمهسى مدعى عمومى يركشديرك ادرنه استيناف محكمهسى مدعى عمومى يركشديرك ادرنه استيناف
سنجاغى بدايت محكمهسى رياسته اركرى بدايت محكمهسى جزا دائرهسى رئيسى عثمان رمزى و موصل
ولايتى استيناف اعضالغنه تعيين اولان ارشاق ناناريان افندينك محل مأموريتيه عزيمندن استسكاف ايلسنه مبنى
مستغنى عدليه يرينه بصره ولايتى مركز بدايت محكمهسى اعضالغنه مستغنى سليمان بولص و كرماسى قضائى
بدايت محكمهسى جزا دائرهسى رئيسى صلاح الدين افندينك صفت مأموريتيه غير قابل تأليف احواله جرأت
ايلسندن ناشى باعزل يرينه حق ترفيعى محفوظ قالمق شرطيله ايلبصان بدايت محكمهسى مدعى عمومى معاونى
سليمان فائق و قارص قضائى بدايت محكمهسى مدعى عمومى معاونى صبحى افندينك بعض اسباب الجاسيله
مأموريتنده بقاى غير جائز كورلدنكندن عزيله يرينه بيروت ولايتى استيناف محكمهسى اعضا ملازم سابقى
سامى و صاروخان سنجاغى بدايت محكمهسى اعضاسندن سليمان ناكب و طودورى و الاشهر قضائى بدايت
محكمهسى مدعى عمومى معاونى جلادت افنديلرك صفت و حيثيت مأموره لريله غير قابل توفيق برطاقم احواله
جرأت ايللريته مبنى مومى اليهمندن جلادت افندى تحت محاكمه آلتقى اوزره عزللريله صاروخان سنجاغى
بدايت محكمهسى اعضالغنه غره بنه بدايت محكمهسى مدعى عمومى معاونى على عرفان و ايلبصان بدايت

محکمه‌سی اعضا شدن یورفاکی والا شهر قضاسی بدایت محکمه‌سی مدعی عمومی معاونلکینه قرق کایسا قضا بدایت محکمه‌سی مدعی عمومی معاونی سلیمان مسعود افندیلر نقل و تعیین اولمش و تحویل مأموریتلری ایجاب ایدن صور قضاسی بدایت محکمه‌سی رئیس یعنی افندی ایله ادلب قضاسی بدایت محکمه‌سی جزا دائره‌سی رئیس علی کمال و صیدا قضاسی بدایت محکمه‌سی رئیس جودت افندی ایله بعلبک قضاسی بدایت محکمه‌سی رئیس محمد علی افندیلرک بجایش مأموریتلری اجرا قلنمش و بک اوغلی بدایت محکمه‌سی اعضا شدن آندون دیمتروف افندیلرک دخی استعفا سی قبول ایدلمشدر .

اشبو اراده سنیه نك اجراسنه عدلیه نظارتی مأموردر .

۱۶ رجب سنه ۱۲۸۱ و ۸ حزیران سنه ۱۲۸۹

محمد رشاد

عدلیه ناظری
ابراهیم
صدر اعظم
محمد سعید

**

گنجی قضاسی بدایت محکمه‌سی رئیس احمد غالب افندیلرک وظیفه مأموریتی حسن ایضا امرنده کی قصورندن طولانی عزلیله یرینه صو شهری قضاسی بدایت محکمه‌سی مدعی عمومی معاونی احمد حامی و صو شهری قضاسی بدایت محکمه‌سی مدعی عمومی معاونلکینه داری دره بدایت محکمه‌سی مدعی عمومی معاون سابق ثریا و آظه ولایتی مرکز بدایت محکمه‌سی اعضا لگنه تعیین اولنان آرام افندیلرک وقوع استیفا سی حسیله یرینه طلب و موافقتنه بناء موصل ولایتی استیفا سی اعضا لگندن مستعفی آر شاق ناماریان افندیلر نقل و انتخاب اولمش و لسان عربیه و قوفی اولمدیگی آکلاشیلان حما سنجانگی بدایت محکمه‌سی مدعی عمومی معاونی الیاس افندی ایله ملاطیه سنجانگی بدایت محکمه‌سی مدعی عمومی مع اونی عبدالغنی افندیلرک بجایش مأموریتلری اجرا قلنمش و بلا معذره وقت و زمانیه محل مأموریتلری کینمدیکی آکلاشیلان بیلمار قضاسی بدایت محکمه‌سی رئیس احمد رؤف و ماط بدایت محکمه‌سی مدعی عمومی معاونی اسماعیل حق افندیلر مأموریتلرندن مستعفی عدا ایدلمشدر .

اشبو اراده سنیه نك اجراسنه عدلیه نظارتی مأموردر .

۱۶ رجب سنه ۱۲۸۱ و ۸ حزیران سنه ۱۲۸۹

محمد رشاد

عدلیه ناظری
ابراهیم
صدر اعظم
محمد سعید

**

بوکره تشکیل ایدیلان سیواس ولایتی داخلنده مجید اوزی قضاسی بدایت محکمه‌سی ریاستنه رازلق بدایت محکمه‌سی جزا دائره‌سی رئیس عارف و مدعی عمومی معاونلکینه قرجه علی بدایت محکمه‌سی مدعی عمومی معاونی کامل و دارنده قضاسی بدایت محکمه‌سی ریاستنه عشاق قضاسی بدایت محکمه‌سی رئیس سابق اسعد و مدعی عمومی معاونلکینه جسر ارکانه بدایت محکمه‌سی مدعی عمومی معاونی احمد کمال الدین و کرون قضاسی بدایت محکمه‌سی ریاستنه یاقوه بدایت محکمه‌سی جزا دائره‌سی رئیس یوسف ضیا و مدعی عمومی معاونلکینه مکتب حقوق عثمانی اعلی درجه مأذونلرندن هراست چووریان و تنوس قضاسی بدایت محکمه‌سی ریاستنه لوله برغوس بدایت محکمه‌سی جزا دائره‌سی رئیس توفیق و مدعی عمومی معاونلکینه پرده‌شوه بدایت محکمه‌سی مدعی عمومی معاونی محمد عارف و حافیق قضاسی بدایت محکمه‌سی ریاستنه فیلورینه بدایت محکمه‌سی جزا دائره‌سی رئیس حسین عون و مدعی عمومی معاونلکینه مکتب حقوق عثمانی اعلا درجه مأذونلرندن لئون ویلایز ایلی قضاسی بدایت محکمه‌سی ریاستنه رقهلر بدایت محکمه‌سی جزا دائره‌سی رئیس عبدالحامد و مدعی عمومی معاونلکینه فیلورینه بدایت محکمه‌سی مدعی عمومی معاونی سلیمان سری و لادیق قضاسی بدایت محکمه‌سی ریاستنه لوروس بدایت محکمه‌سی جزا دائره‌سی رئیس حسن فهمی و مدعی عمومی معاونلکینه رسنه بدایت محکمه‌سی مدعی عمومی معاونی شگری و کموش حاجی کوی قضاسی بدایت محکمه‌سی ریاستنه پرمدی بدایت محکمه‌سی جزا دائره‌سی رئیس عبدالرحمن و مدعی عمومی معاونلکینه قوصوه مرکز بدایت محکمه‌سی مدعی عمومی معاونی عثمان نافذ و قویله حصار قضاسی بدایت محکمه‌سی ریاستنه لغظه بدایت محکمه‌سی جزا دائره‌سی رئیس مصطفی صفوت و مدعی عمومی معاونلکینه مناستر مرکز بدایت محکمه‌سی مدعی عمومی معاونی احمد کمال الدین و الوجره قضاسی بدایت محکمه‌سی ریاستنه سلانیک استیفا سی مدعی عمومی معاونی ثانیسی جلال الدین و مدعی عمومی معاونلکینه قره فریه بدایت محکمه‌سی مدعی عمومی معاونی اسماعیل ممدوح و نیکسار قضاسی بدایت محکمه‌سی ریاستنه ادرنه استیفا سی اعضا ملازملرندن فیضی و مدعی عمومی معاونلکینه سلانیک مرکز تجارت محکمه‌سی اعضا شدن طرخان و اربعه قضاسی بدایت محکمه‌سی ریاستنه مدیه بدایت محکمه‌سی رئیس سابق احمد شگری و مدعی عمومی معاونلکینه قترین بدایت محکمه‌سی مدعی عمومی معاونی یوسف ضیا و حوضه قضاسی بدایت محکمه‌سی ریاستنه رسنه بدایت محکمه‌سی جزا دائره‌سی رئیس نوری و مدعی عمومی معاونلکینه پرشته بدایت محکمه‌سی اعضا شدن توفیق و بنیان حمید قضاسی بدایت محکمه‌سی ریاستنه طاشوز بدایت محکمه‌سی جزا دائره‌سی رئیس سابق و درسه عادتده صامیه موقی پولیس مرکزی مأمور سابق حسنی و مدعی عمومی معاونلکینه نوره قوب بدایت محکمه‌سی مدعی عمومی معاونی ابراهیم ادهم و رشادیه قضاسی بدایت محکمه‌سی ریاستنه اسکچه بدایت محکمه‌سی جزا دائره‌سی رئیس صدق و مدعی عمومی معاونلکینه قرجه آباد بدایت محکمه‌سی مدعی عمومی معاونی علی رضا و مسعودیه قضاسی بدایت محکمه‌سی ریاستنه قواله بدایت محکمه‌سی جزا دائره‌سی رئیس عثمان رامز و مدعی

عمومی معاونلکونه آلاصونیه بدایت محکمه سی مدعی عمومی معاونی صالح ذکی و ارضروم ولایتی داخلنده اسپیر قضایی بدایت محکمه سی ریاسته طرنوه بدایت محکمه سی رئیس احمد ثریا و مدعی عمومی معاونلکونه اوخری بدایت محکمه سی مدعی عمومی معاونی شفیق و ترجان قضایی بدایت محکمه سی ریاسته جسر مصطفی پاشا بدایت محکمه سی رئیس علی رضا و مدعی عمومی معاونلکونه داری دره بدایت محکمه سی مدعی عمومی معاونی محمد جمیل و بلومر قضایی بدایت محکمه سی ریاسته کوپرلی بدایت محکمه سی جزا دأرہ سی رئیس عبدالعزیز و مدعی عمومی معاونلکونه کسریه بدایت محکمه سی مدعی عمومی معاونی اسماعیل حق و کاخ قضایی بدایت محکمه سی ریاسته درامه جنجه محکمه سی رئیس محمد اقبال و مدعی عمومی معاونلکونه تیکوش بدایت محکمه سی مدعی عمومی معاونی حسین و دیادین قضایی بدایت محکمه سی ریاسته ویزه بدایت محکمه سی جزا دأرہ سی رئیس صبیحی و مدعی عمومی معاونلکونه ادرنه مرکز بدایت محکمه سی مدعی عمومی معاونی خیری و عینتاب نام دیگر طوقات قضایی بدایت محکمه سی ریاسته دیمتوقه بدایت محکمه سی رئیس محمدفاضل و مدعی عمومی معاونلکونه قولاشین بدایت محکمه سی مدعی عمومی معاونی علی رضا و الشکرد قضایی بدایت محکمه سی ریاسته پوغون بدایت محکمه سی جزا دأرہ سی رئیس مصطفی و مدعی عمومی معاونلکونه مکتب حقوق عثمانی قریب اعلا مآذونلرندن حایق و رفاهیه قضایی بدایت محکمه سی ریاسته کسندر قضایی بدایت محکوم سی رئیس احمد کامل و مدعی عمومی معاونلکونه پره پول بدایت محکمه سی مدعی عمومی معاونی خلیل حلمی و نامردان قضایی بدایت محکمه سی ریاسته قونجه بدایت محکمه سی جزا دأرہ سی رئیس حسن فهمی و مدعی عمومی معاونلکونه جسر مصطفی پاشا بدایت محکمه سی مدعی عمومی معاونی اکرم و کسکیم قضایی بدایت محکمه سی ریاسته تیمور حصار بدایت محکمه سی جزا دأرہ سی رئیس عبده نسیب و مدعی عمومی معاونلکونه قومانونه بدایت محکمه سی مدعی عمومی معاون سابق ابراهیم ناشد و توروم قضایی بدایت محکمه سی ریاسته اوخری قضایی بدایت محکمه سی جزا دأرہ سی رئیس علی رضا و مدعی عمومی معاونلکونه رقهلر بدایت محکمه سی مدعی عمومی معاونی صلاح الدین و قوری جای قضایی بدایت محکمه سی ریاسته لوله بورغاس بدایت محکمه سی مدعی عمومی معاونی بکر صدق و مدعی عمومی معاونلکونه مارغلیچ بدایت محکمه سی مدعی عمومی معاونی حسن تحسین و وان قریه سی داخلنده رشادیه قضایی بدایت محکمه سی ریاسته جمعه بالا بدایت محکمه سی جزا دأرہ سی رئیس محمد حمیدی و مدعی عمومی معاونلکونه فیلات بدایت محکمه سی مدعی عمومی معاونی محمد سنیح و مرادیه قضایی بدایت محکمه سی ریاسته یکی بازار بدایت محکمه سی جزا دأرہ سی رئیس حسن فهمی و مدعی عمومی معاونلکونه برانه بدایت محکمه سی مدعی عمومی معاونی موسی کاظم و پرواری قضایی بدایت محکمه سی مدعی عمومی معاونلکونه اخچیلی بدایت محکمه سی مدعی عمومی معاونی توفیق افندیلر تعیین ایدلمشدردر.

اشبو ازاده سنیه نك اجراسنه عدليه نظارتی مأموردر.

۱۹ رجب سنه ۱۳۳۱ و ۱۱ حیران سنه ۱۳۲۹

عدليه ناظری صدر اعظم

ابراهيم محمد صبيح

قوانین و نظامات

صلح حاکمیری حقنده کی قانونه ذیل ایدیلان مواد قانونیه صورتیدر

برنجی ماده هنوز صلح حاکمیری تعیین ایدلماش اولان محللرده صلح حاکمیرینک و ظائفی داخلنده اولان بالجه دعاوی بدایت محکمه لرنجه اشبو قانون احکامنه توفیقاً فصل و رؤیت اولنور.

ایکینجی ماده اشبو ذیل قانونک اجرای احکامنه عدلیه ناظری مأموردر.

اوچینجی ماده اشبو قانون تاریخ نشرندن اعتباراً مرعی الاجرادر.

اشبو لایحه قانونیه نك مجلس عمومیه نك کشادنده قانونیتی تکلیف ایدلمک اوزره موقتاً موقع اجرایه وضعی و قوانین دولته علاوه سنی اراده ایدرم.

۲ رجب سنه ۱۳۳۱ و ۲۵ مایس سنه ۱۳۲۹

محمد رشاد

صدر اعظم

عدليه ناظری

محمد رشاد

ابراهيم

تلیفات عمریه

عدليه نظارت جلد سنده تنظیم اولنانه ۵ خبرانه سنه ۱۳۲۹ تاریخلی خبرات عمومیه صورتیدر:

«دوائر استنطاقیه جه تنظیمی ایجاب ایدن قرارنامه لرنچون تسوید اصولنه رعایت لزومه دأر»

بعض قضائر محاکمی دوائر استنطاقیه سنجه نتایج قانونیه به ربط ایدیلان خصوصات حقنده تنظیمی ایجاب ایدن قرارنامه لرنچون مخصوصاً مسوده قلمه آلتفسرین نتیجه تحقیقاتک اوراق استنطاقیه زیرینه املاسیله اکتفا ایدلمکده اولدینی اجرا قلنان تفتیشاتی متضمن پیدرپی توارد ایدن لایحه لرنحتویاتندن مستبان اولمقدهدر بر دأرہ معاملاتنک صحت و سلامتی تدقیق و ظائف مأمورینک صورت ایفاسنی ارانه ایدن قیوداتک حسن تنظیم و تنسیقه و مضبوطیت معاملاتنی تأمین ایسه هر نوع معاملاتده اول امرده تسوید اصولنه رعایت منوط اولسنه مبنی بعدازین تحقیقات جاریه دن متحصل نتیجه کوره اتخاذ اولنه حق هر درلو مقررآتک اول باول مسوداتی قلمه آلنه رق بعدالتبیس بونلرک دفاتر مخصوصه قید و ترقیمی خصوصه دقت و اعتنا ایدلمسی لزومنک بالجه مدعی عمومی معاونلکونه تبلیغ و اشعاری قومیسون مخصوصی افاده سیله توصیه اولنور.

محکمہ نمبر ہفت عمری

محکمہ نمبر ہفت عمری

محکمہ نمبر ہفت عمری صادر اولاد ۲۰ تشرین ثانی سنہ ۳۲۷ تاریخ ۱۵۶ نومبر اولی اعلام صورتیہ:

« فک جزء دائر »

نوشہ روم باش محلہ سندہ ساکن عرب اوغلی طودورا کی ایلہ ارن قریہ سندہ ساخانہ سندہ مقیم محکمہ تمیز اعضا لغندن متقاعد عارف بک پیندہ متکون دعویہ دائر در سعادت استیناف محکمہ سی تجارت قسمندن ۵ مارت سنہ ۳۲۷ تاریخی وایکی عددی ایلہ ویریلوب مزبور طودورا کی طرفندن تمیزاً تدقیق استدعا قلنان ولدی التدقیق حکم سابق منقوضہ ثبات واصراری متضمن اولدینی اتفاقہ قرار کیر اولان اعلام طرفینک اعتراض وجواب لایحہ لریلہ برابر ہیئت عمومیہ جہ بالمطالعہ تدقیقات تمیزیه اجر اسنہ ابتدار قلندی اعلام مذکور مندرجاتنہ کورہ مرقوم طودورا کینک مومی ایلہ عارف بک ذمتندہ بر قطعہ اعلام موجب جہ الاجفی اولان آلتش عدد لیرای عثمانیک تأمین استیفاسی ضمنندہ مدیون مومی ایلہ عارف بکک اشیای بیتیه ذاتیه زائده سی تحت حجزہ الديرلمش اولدیغندن حجز موضوعک تصدیقیلہ مبلغ مذکورک تحصیلنہ دائر عن الغیاب اسکدار بدایت محکمہ سندن استحصال ایلدیکی اعلام علیہندہ مومی ایلہ عارف بک طرفندن اعتراض علی الحکم استدعا سی اعطا قلمسی اوزرینہ وجاہاً جریان ایدن محاکمہ و تدقیقات نتیجہ سندہ معترض مومی ایلہ اعلام غیابینک مستند اولدینی دعوانک رؤیتی ضمنندہ برای محاکمہ اصولاً دعوت ایدلمش و یوم معیندہ طرفین محکمہ دیوانخانہ سندہ علناً چاغرلمش اولدینی حالہ بونلردن مدعی وکیلی کلہرک مدعی علیہ مومی الہک اثبات وجود ایتامسی جہتیلہ دعوانک رؤیتی قرار کیر اولمش و بر محکمہ نک ویرمش اولدینی قرار مافوقی محکمہ سندن فسخ و نقض اولندقیہ اندن رجوعہ صلاحیت قانونیہ سی بولنامش اولدیغندن معترض مومی الہک کندوسنک محکمہ یہ عدم قبولی نقطہ سندن واقع اولان اعتراضی شایان قبول کوریلہ مدیکی کبی فی الحقیقہ اصول محاکمہ حقوقیہ قانوننک ایک یوز یتمش آلتنجی مادہ سندہ داینک ویرہ جکی حجز نامہ نک کندی امضاسیلہ مضی ومؤرخ اولسی لازم کلہ جکی و عکس حالہ حجزک کائن لم یکن حکمندہ طوتیلہ جینی محرر ایسہدہ بر کیمسہ بالذات یا پہیلہ جکی خصوصاً لردہ و معاملاتہ دائر ہر حق ایفا واستیفادہ باشقہ سنی توکیل ایدہ بیلہ جکنہ ومع هذا اصول محاکمہ حقوقیہ قانوننک اون آلتنجی مادہ سندہ وکیل امضاسیلہ عرضحال تقدیم اولنق جائز اولوب فقط وکالت سندینی حامل اولسی و وکیل اولدیغنی امضاسندہ تحریر ایتمی ایجاب ایدہ جکی کوسترلمسہ واولبابدہ استدعا یہ ربطاً ویریلان و حجزہ اساس اتخاذ قلنان اعلامدہ یوانا کی افندینک طودورا کی

افندی طرفندن وکیل عمومی اولدینی محرر اولملغہ برابر اولبابدہ کی استدعا زیرندہ کندوسنک وکیل اولدینی دخی تصریح وتعیین ایدلمش بولمسنہ بناءً اشبو حجز استدعا سنہ قارشو دخی در میان اولنان اعتراضات وارد کوریلہ مدیکنہ و اعلام مذکورک جہت تبلیغہ دن طولای لازم الاجرا اولمادیغنی ادعا سی ایسہ اعلام غیابینک قسم و جاہندہ کوسترلدیکی اوزرہ معترض مومی ایلہ طرفندن وقتیلہ در میان اولنہ رق اخیراً کندوسنک عدم اجابتہ بناءً غیاباً اسباب موجبہ سردیلہ رد ایدلمش و بودفعہ کی اعتراض ایسہ وجاہاً حل ایدیلان ادعا ی عیناً تکراردن عبارت اولوب حالبوکہ اعتراض استدعا سنک اعلام غیابی ی دفع وجرح ایدر علل واسبابی حاوی اولسی حکم قانون اقتضاسندن بولنش اولدیغندن بوجہت حقندہ کی ادعا نک دخی ردیلہ اعلام غیابی مذکورک تصدیقہ دائر محکمہ مذکورہ دن ویریلان اعلام مومی ایلہ عارف بک طرفندن استیناف ایدلمککہ جریان ایدن محاکمہ و تدقیقات استینافیہ نتیجہ سندہ مومی ایلہ عارف بکک اموال معلومہ سی اوزرینہ وضع اولنوب بالاخرہ تصدیق اولنان حجزک مستند الہی اولان بک اوغلی بدایت محکمہ سی اعلامی خرجنک محکوم علیہ اولان عارف بک طرفندن تسویہ واعطا قلندیغنی تصادق طرفین ایلہ متبیین اولوب شوحالہ حجز موضوعک شمدی یہ قدر کافہ محاکمہ مرعی اولان اصول وقانون وجہلہ خرجنک محکومہ طودورا کی افندی طرفندن تسویہ سیلہ بر صورتنک اصولی دائرہ سندہ محکوم علیہ مومی الہہ تبلیغ اولدیغندن طولای مدت قانونیہ یہ تابع اولمان و اعلام مستأنف بہدہ محکی خلاصہ سندہ مندرج اولدینی اوزرہ آلتش لیرانک تحصیلنی متضمن اولق جہتیلہ قابل استیناف اولوب الیوم لازم الاجرا حالی اکتساب ایتمین اعلامہ مستنداً وبلا کفالت وضع ایدلدیکی ا کلاشلمش وبوبادہ بدایہ عارف بک طرفندن دخی سرد اعتراض اولنش ایکن درجہ اولی محکمہ سنجہ بوجہت نظر دقتہ آلتیہ رق وضع ایدلمش اولان حجزک تصدیقہ قرار ویرلسی مخالف قانون اولدیغندن اعلام مستأنف بہک بوجہتدن طولای فسخنہ و شوحالہ نظراً بلا کفالت موضوع حجزک ابقاسنہ مساغ قانونی اولمیوب استینافاً اکمال ونقصان جائز کوریلہ مامسنہ بناءً مزبور طودورا کینک تصدیق حجزی متضمن اولان دعوی عرفخانک ردیلہ حجز مذکورک فکنہ حکم اولنش ایسہدہ جریان ایدن تدقیقات تمیزیه نتیجہ سندہ تبلیغ اولنان اصول وقانونہ موافق صورتدہ اجرا قلمش و خرجنک مدعی علیہ عارف بک طرفندن تسویہ ایدلمسی تبلیغ مذکورک کائن لم یکن حکمندہ قلمسی مستلزم اولہ میہ جینی اولبابدہ برکونہ قید قانونی بولنامسیلہ متحقق بولنش ایکن محکمہ جہ بوجہتدن ذہول اولنہ رق بروجہ محرر قرار ویرلمسینک مغایرت قانونیہ سندن ناشی حکم مذکور نقض ایدلمش اولملغہ بتکرار اجرا قلنان محاکمہ و تدقیقات استینافیہ نتیجہ سندہ بدایہ حجزہ اساس اتخاذ قلنان ومومی ایلہ عارف بکک آلتش لیرا محکومیتنی ناطق بولنان بک اوغلی بدایت محکمہ سی اعلامی خرجنک محکوم علیہ مومی ایلہ طرفندن تسویہ قلندیغنی محکومہ طودورا کینک دخی تحت تصدیق واعترافدہ بولنش ومحکومہ طرفندن خرجنک تسویہ سیلہ بر صورتنک اصولی دائرہ سندہ محکوم علیہ تبلیغ اولنمان بر اعلامک محکوم علیہ ایچون مدت قانونیہ یہ تابع اولیہ جینی شمدی یہ قدر

محاکمه مرعی اولان اصول وقاعده قانونیه اقتضاسندن اولد ب حجزك مستند الیهی اولان سالف الذکر بک اوغلی بدایت محکمه سی اعلامک اسباب محرره یه مبنی مدت قانونیه سنه تابع اولدینی و محتوی اولدینی دعوی و حکمه نظراً قابل استیناف اوله رق الیوم لازم الاجرا حالی اکتساب ایتدیکی حلاله اعلام ابتدائی مذکورده مستنداً بلا کفالت حجز قانونی جائز اولامیه جنی بیانیه استیناف محکمه سنجه اعلام مستأنف بهک فسخنه و حجز موضوعک فکنه قرار ویرلمش و اصول محاکمه حقوقیه قانوننک یوزاوتوز آلتنجی ماده سنده محرر اولدینی اوزره اعلامک اصلی محکوم له و صورتی محکوم علیه تبلیغ اولنق لازم کلوب خرج اعلامی اول و یروبد اعلامی طلب ایدن محکوم علیه عارف بکه اصل اعلام ویرلمک لازم کلیرکن صورت اعطاسنک تبلیغ نظامی عد اوله میه جنی درکار بولنمش اولمنه مبنی قرار سابق استینافیده ثبات واصراره حکم اولدینی اکلشلمشدر . مستدعینک ویردیکی لایحه ده تبلیغ واقعک تبلیغ نظامی اولدینی محقق ایکن بروجه مشروح قرار ویرلمسی مغایر قانون اولدیغندن بحثله اعلامک نقضی و لایحه اولباده ده اعتراض مذکورک غیر وارد اولدینی بیانیه اعلامک تصدیق طلب واستدعا اولنمشدر .

ایجابی مذاکره اولندقدده هر تقدیر مستدعی تمیز بالاده کی اعتراضه استناداً اعلام تمیز بهک نقضی طلب ایتمکده ایسه ده اعلام مذکورک نتیجه مفادی اسکدار بدایت محکمه سنجه حجزه اساس اتخاذ قلنان ومومی الیه عارف بکک آلتش لیرا محکومیتی ناطق بولنسان بک اوغلی بدایت محکمه سی اعلامی خرجنک محکوم علیه مومی الیه طرفندن تسویه و ایفا قلندیجی محکوم له طودورا کی افندیکنک تحت تصدیق و اعترافده بولنمش و محکوم له طرفندن خرجنک تسویه سیله بر صورتی علی الاصول محکوم علیه تبلیغ اولنمیان براعلامک محکوم علیه حقنده مدت قانونیه تابع اوله میه جنی درکار بولندیغندن حجزك مستند الیهی اولان سالف الذکر بک اوغلی بدایت محکمه سنک اعلامی قابل استیناف اوله رق الیوم لازم الاجرا حالی اکتساب ایتدیکی حلاله اعلام مذکورده مستنداً بلا کفالت حجز وضعی جائز اولامیه جنی جهتله فسخیله خلاف اصول وضع اولنان حجزك فکنه حکمدن عبارت اولمنه کوره حکم مذکور اسباب موجهیه مستند و اصول وقانونه موافق اولدیغندن اصول محاکمه حقوقیه قانوننک ایکی یوز قرق یدنجی ماده سی حکمنه توفیقاً اعلام مذکورک تصدیقه وزیرده کی مصارف تمیزیته نک مستدعی عابد اولمنه ۴ تشرین اول سنه ۳۲۸ تاریخده هیئت عمومیه جه اکثریتله قرار ویرلدی .

محکمه تمیز حقون دأره مقرری

محکمه تمیز حقون دأره سنه صادر اولده ۱۸ تشرین ثانی سنه ۳۲۸ تاریخ و ۱۵۰۰ نومردلی اعلام صورتیتر :

« شهادت حقنده »

اطنه نک حریت محله سنده مقیمون اعمی حافظ احمد و برادری بقال رمضان ایله جانباز عرب محمد پاشنده

متکون دعوایه دأر اطنه بدایت محکمه سنندن ۸ مارت سنه ۳۲۸ تاریخ و بیکی الی اوچ عددی ایله ویریلوب مرقومان حافظ احمد و رمضان طرفلرندن تمیزاً تدقیق استدعا قلنان اعلام طرفینک اعتراض و جواب لایحه لرله بالمطالعہ تدقیقات تمیزیته اجراسنه ابتدار قلندی .

اعلام مذکور مندرجاتنه کوره مرقوم عرب محمد اطنه بدایت محکمه سننه بالمراجعه متصرف اولدینی خانه سنک دیواری ایله چاتیسنی مرقومون حافظ احمد و رمضان و محمد رضانک هدم و تخریب و سکر لیرا مقداری کراسه سنی غصب ایش اولدقلرندن بحثله منع مداخله لرله مبلغ مذکورک تحصیلی حقنده اقامه ایلدیکی دعوانک بر درجه یه قدر و جاهاً و اخیراً مدعی علمهانک تمبردلی اوزرینه عن الغیاب جریان ایدن محاکمه و اجرا قلنان کشف و تدقیقاتی نتیجه سنده سالف الذکر دیوار و چاتینک مدعی علم طرفلرندن هدم و تخریب ایلدیکی اقامه اولنان شاهدلرک شهادتیه ثابت اولدینی کبی دیوارک اوچ و چاتینک ایکی لیرا مصرفله میدان کله بیله جکی اجرای کشفی حاوی نائب طرفندن معطی راپور مندرجاتیه تحققی ایتمنه بناءً مذکور بش لیرانک مدعی علممدن تحصیله و مدعینک کراسه لرک غصبی حقنده کی ادعای علی الاصول تحققی ایدم دیکندن ادعای واقعک دخی ردینه دأر استحصال ایلدیکی اعلام غیابی حکمنه محکوم علممدن حافظ احمد و رمضان طرفلرندن عدم قناعتله اعطا قلنان اعتراض علی الحکم استدعاسنده درمیان اولنان اعتراضات حکم غیابی قانونیه دن کوریه لهدیکندن ردیه اعلام غیابینک تصدیقه قرار ویرلدیکی اکلشلمشدر .

مستدعیلر طرفندن ویریلان لایحه تمیزیته ده : استماع اولنان شاهدلر دعوایه موافق صورتده ادای شهادت ایدم مامش اولدقلری حلاله شهادت لرینک قبول ایدلسی و دعوی عقاره متعلق اولدینی حلاله ذی الیدک بالینه اثبات ایتدیرلماسی و استماع اولنان ایکی خاتونک هرا یکسینک بردن حضور محکمه ده استماعی لازم کلور ایکن آیری آیری استماع ایدلسی یولسر و مغایر قانون اولدیغندن بحثله اعلامک نقضی و لایحه جوابیه ده دخی غیر وارد اولان اعتراضات مذکورده نک ردیه اعلام مذکورک تصدیق طلب واستدعا اولنمشدر .

ایجابی لدی المذاکره کیفیت هر نه قدر برمنوال محرر حکم و اعلامه ربط اولنمش ایسه ده شاهدلرندن بعضیسی آنحق کلبه نک هدمنه و بعضیسی دیوار و کلبه نک هدمنه شهادت ایتدیکاری حلاله محکمه جه مجموع مدعیات حقنده شهادت لرینک قبول ایدلسی و شهود مستمعدن محمد سرآ تزکیه ایدلیدیکی حلاله علناً تزکیه سی اجرا قلنسی و اناثدن بولنان برشاهده نک اصلاً تزکیه ایدلماسی یولسر و مجله نک ۱۷۰۶ و ۱۷۱۶ و ۱۷۱۷ و ۱۷۲۰ ماده لرینه مخالف اولدیغندن اصول محاکمه حقوقیه قانوننک ایکی یوز اوتوز ایکنجی و ایکی یوز قرق برنجی ماده لری موجبجه اعلام مذکورک تفضیله ایکی یوز قرق دردننجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکورده اعاده سنه وزیرده مفرداتی محرر اولوب اولجه مستدعیلرندن آلتان مقدار ایله بوکره تأجیل اولنان واستیفا قلنان مصارف سائر تمیزیته نک ایلروده حقسنر حقیقه جق طرفه عابد اولمنه ۲۶ اغستوس سنه ۳۲۸ تاریخده متفقاً قرار ویرلدی .

محکمہ تمیز حق و باطل صادر اولاد ۱۸ تشریع ثانی سنہ ۳۲۸ تاریخ ۱۵۰۱ نومردی اعلام صورتید:

« ورثہ میانندہ صنیر بولندینی تقدیردہ آنلرک حصہ لرنده تأویل ملک جریان ایتر »

قدس شریف قصبہ سندہ ساکنلر متوفی بدری افندی الخالدینک ورثہ سندن کریمہ لری امینہ ونفیسہ وصغیر اوغلنک وصیدی ووالدہ سی سلما خانملرله قصبہ مذکورده مقیم شوکت افندی الخالدی بینلرنده متکون دعویہ دائر قدس شریف بدایت محکمہ سندن ۲۵ تشرین اول سنہ ۳۲۴ تاریخ ۱۵۰۱ واون درت عددی ایله ویریلوب ورثہ مرقومہ طرفلرندن تمیزاً تدقیقی استدعا ایدیلان اعلام باش مدعی عمومیلک مأموریت علیہ سنک مطالعہ نامہ سی آلدقدنصکرہ طرفینک اعتراض و جواب لایحہ لریله برابر بالمطالعہ تدقیقات تمیزیه اجرانہ ابتدار اولندی .

اعلام مذکور مندرجاتہ کورہ ورثہ مرقومہ محکمہ مذکورہ باعرضحال مراجعتلہ کندولرینک ولی اللہ عکاشہ رضی اللہ عنہک مرقد شریفلری انصالندہ بری کوچک و دیگر ی بیوک ایکی باب خانہ وبر صہرنجی مشتمل متمر برقطعہ باغدہ حصہ شرعیہ لری بولنوب سکر سندن برو مزبور شوکت افندی الخالدینک مستأجرلرہ ایتدیکی تہدیدات سببیلہ معطل قالدقدن ماعداد قبولری دخی شکست و باغدہ کی اشجاری قطع و خدمتجیلرینی طرد ایدرک محل مذکورہ وضع ید ایتسنہ بناءً اوچ سنہ ظرفندہ کوچک اوک اجرتی اولان اوتوز بر یحق لیرادن و بیوک اوک الی سنہلک اجرتی اولان یوز سکیان لیرادن و صہرنجک ایکی سنہلک صو اتمان اولان الی لیرادن و سکر سنہلک باغک اجرتی اولان یوز اتمش لیرادن یوزدہ الی یدئ حسابیلہ استحقاقلرینک بالغ اولدینی درت یوز یکرمی بر لیرانک شوکت افندی تھصیللہ محل مذکورک بالتخلیہ طرفلرنہ تسلیمنی طلب ودعوی ومدعی علیہ دخی مدعیلرک محل مدعاہدہ کی ملکیتلرینی انکارلہ برابر محل مذکورک مع مشتملات بر قسمی ثمرہ تصرفندہ اولدینی کبی بر قسمی دخی متوفی بدری افندی کریمہ سی اولق حسیلہ والدہ سنہ و والدہ سندن دخی کندوسنہ موروث اولدینی و بیوک خانہ کی اقامتی درت سنہ مدت استحقاقنہ بناءً اولدینی و کوچک خانہ ایسہ مدعیلرک برادر ی امین افندی ساکن بولندینی و مدعیلرانی صکرہ دن محمد موسی یہ ایجار ایلدیکنی و کندوسنک محل مدعاہدہ کی استحقاقنی ایکی آی مقدم اسرائیل مردخایہ صاندینی و اوتوردینی مدت ایچون تأویل ملک اولق حسیلہ اجرت لازم کلیہ جکنی مدافعہ انبا ایتدکن و کیفیت طاہو ادارہ سندن بعدالاستعلام جواب آلدقدنصکرہ مدعی عمومی حضوریلہ جریان ایدن محاکمہ و تدقیقات نتیجہ سندہ مذکور بیوک خانہ ایله باغک طرفین بینندہ مشترک اولوب تأویل ملک صورتیلہ استعمال اولنان اموال مشترکدہ منفعتک تضمینہ لزوم اولدینی مجلہ احکامندن اولغلہ برابر باغک محصولاتیلہ صہرنج صوینک مدعی علیہ طرفندن صاندینی ثابت اولماسندن و مدعیلرک مدعی عامیک کوچک خانہ یہ وضع ید ایتدیکنی معترف اولوب انحق تہدیدی سببیلہ معطل قالدینی ادا ایتلرندن طولای

مدعیلرک اشبو دعوان ناشی منعلینہ حکم وقرار ویرلدیکی آکلاشلمشدر .

مستدعیہ تمیزلرک اشبو حکم علیہندہ لایحہ لرنده محرر اعتراضلرینک خلاصہ سی باغک اشجاری وصویک بیعی حقندہ بینہ طلب ایدلما سی و قبولرک شکست اولندینی حقندہ کی ادعاک مسکوت عنہ بر اقلما سی و خانہ نک معطل قالمسہ سببیت ویرمسندن طولای ضرر و زیانک اکا عائد اولدینک نظر اعتبارہ التمامی و مال ایتم اولدینک تدقیقندن ذہولہ برمنوال محرر قرار ویرلسی یولسر و مغایر قانون اولدینک بحثلہ اعلامک نقضی و جواب لایحہ سی مؤداسی دخی غیر وارد اولان اعتراضات مسروودہ نک ردیلہ موافق اصول و قانون اولان اعلامک تصدیقی استدعاسندن و انف البیان مطالعہ نامہ مألیدہ طرفین بینندہ تأویل ملک صورتیلہ استعمال اولنان اموال مشترکدہ منفعتک تضمینہ لزوم اولدینک بدل ایجاردن متولد استحقاق دعواسی اوزرینہ بدایہ منع معارضہ یہ قرار ویرلمش ایسہدہ لایحہ تمیزیدہ نقصانی تدقیقاتہ تعلق ایدن اعتراضاتک وارد اولدینی بیانندن عبارت بولمشدر .

ایجابی مذاکرہ اولندقدہ کیفیت مدعا ہر تقدیر برمنوال محرر حکم وقرارہ ربط اولمش ایسہدہ اعلام میزہنک مألندن منقہم اولدینی اوزرہ موسی الیہ شوکت افندی منازع فیہ باغ ایلہ قیوی آخرہ ایجار ایلہ بدل ایجاری قبض ایتدیکنی انکار ایتسنہ کورہ بوجہنک مدعیلرہ اثبات ایتدیرلسی لازم کلدیکی کبی ورثہ میانندہ صغیر بولنسی جہتلہ آنلرک خانہ لرنده تأویل ملک جریان ایتیمہ جکی اشکار ایکن محکمہ جہ بوجہتدہ نظراعتبارہ آنقسنزین اساسہ قرار ویرلسی یولسر و مغایر قانون اولدینک اصول محاکمہ حقوقہ قانوننک ایکی یوز اوتوز ایکنجی مادہ سی موجبہ اعلام مذکورک نقضیلہ قانون مذکورک ایکی یوز قرق دردنچی مادہ سنک فقرہ اولاسی حکمنہ توفیقاً کیفیتک صورت محررہ دائرہ سندہ بالرویہ اعلامہ ربطی ضمنندہ محکمہ مذکورہ یہ اعادہ سنہ واشبو تمیز دعواسندن طولای اختیار ایدیلان وزیردہ مفردات و معطیس کوستریلان مصارف تمیزینہ نک ایلرودہ حقسنر حقیقہ جق طرفہ عائد اولسنہ ۷ نیسان سنہ ۳۲۵ تاریخندہ اتفاقلہ قرار ویرلدی

محکمہ تمیز حق و باطل صادر اولاد ۲۰ تشریع ثانی سنہ ۳۲۸ تاریخ ۲۷۴ نومردی اعلام صورتید:

« منع معارضہ »

تیرہ بولی قضاسنہ تابع اسپین قریہ سنک آندوز محلہ سندہ مقیمون محمد بن متوفی خورشید و محمد بن عثمان و حسین بن حسن ایلہ تضاء مذکورک یکی کوی محلہ سندہ مقیم جندہ اوغلی محمد بن حاجی عثمان بینندہ متکون دعویہ دائر تیرہ بولی بدایت محکمہ سندن ۲۱ تموز سنہ ۳۲۷ تاریخ و الی آتی عددیلہ ویریلوب مرقومون محمد بن خورشید و رفقا سی طرفندن تمیزاً تدقیقی استدعا قلنان اعلام طرفینک اعتراض و جواب لایحہ لریله برابر بالمطالعہ تدقیقات تمیزیه اجرانہ ابتدار اولندی .

اعلام مذکورک مندرجاتنه نظراً مومی الیه جنده اوغلی محمد افندینک مرقوم خورشیددن تفرغاً باطابو متصرف اولدینی قریه مذکورده کائن معلوم الحدود والموقع اراضی به مزبوران محمد بن خورشید و محمد بن عثمان طرفدن فضولی وقوعبولان مداخله نك منعی حقنده استحصال ایلدیکی اعلام غیابی حکمه محکوم علیهما وکیلی عدم قناعتله بالاعتراض مدعابه اراضی فاق اوغلی مرقوم احمد عهده سنده ایکن وقوعوفاتیه اوغلی مزبور خورشید و کریمه سی امینه به سویاً انتقال ایدرک بونلردن مرقوم خورشید اراضی مذکورده ده کی نصف حصه سنک التیده برینی موکلی مزبور حسین بن حسنه بیع و فراغ ایش و اخیراً وقوعوفاتیه بقیه حصه سی اوغلاری طورسون و محمد انتقال ایش و امینه ایسه برادری خورشیدک وفاتندن صکره اوچ یوز اون آلتی تاریخنه قدر حصه سی بعدالتصرف وقوعوفاتیه حصه سی موکلردن مرقوم محمد ایله دیگر برادرلری علی و مصطفایه ترک ایش و مرقوم خورشید حال حیاتنده اراضی صاتمیش اولدینی کبی صاتمیش اولسه بیله انحق کندی حصه سی صاتمیش اولاییله جکندن بحثله اعلام معترض بهک جرح وابطالی لازم کله چکنی طلب و مرقوم حسین بن حسن دخی دعوای واقعه نك کندوسنده تعلق اولدیغندن بحثله شخص ثالث صفتیه محکمه یه ادخالی استدعا ایلری اوزرینه جریان ایدن محاکمه و تدقیقات نتیجه سنده منازع فیه محل اوچ یوز ایکی تاریخندن اوچ یوز اون آلتی تاریخنه قدر مزبورده امینه نك یوزینه قارشو و تاریخ مذکورده مزبورده نك وقوعوفاتیه بو آنه قدرده معترض علیه محمد افندینک تحت تصرف و تملکده بولندینی شهود مستعنه معدله نك شهادتی واولابده اجرا قلنان کشفی ناطق معطی تقریر مندرجاتیه ثابت اولسنه مبنی معترضان مرقومانک مؤکله واقعه لرینک منعه حکم و قرار ویرلیدیکی اکلاشلمشدر .

سالف الذکر لایحه تمیزیه ده مبرز طابو سندی حقنده تدقیقات و شهودک مستعنه نك اصولاً تزکیه لری اجرا ایدلمیش اولسی یولسز و مغایر قانون ایدوکنندن بحثله اعلامک نقضی و لایحه جوابیه ده دخی اعتراضات مسروده نك غیر وارد بولندینی بیانیه ردی و موافق اصول وقانون اولان اعلامک تصدیق طلب و استدعا ایدلمشدر .

ایجاب کیفیت مذاکره اولندقدن منازع فیه محل معترض خورشید اوغلی محمد ایله عثمان اوغلی محمدک بیوک بابالردن انتقالاً اوغلی مرقوم خورشید و قیزی معترضلردن عثمان اوغلی محمدک والده سی امینه نك تحت تصرفلردن اولدینی حالده انحق مرقوم خورشیددن تفرغی ادعا ایلان مدعی مومی الیه محمد افندینک ادعا کرده سی اولان معامله فراغیه اصول موضوعه سنه موافق اولوب اولدیغنک تدقیقندن زهول اولنسی یولسز اولدینی کبی معامله فراغیه اصولنه توفیقاً اجرا ایدلمش اولسه بیله مدعی مومی الیه اقرار و وجهله کندوسنه فارغ اولدینی ادعا ایلدیکی مرقوم خورشید مزبورده امینه طرفندن وکیل اولدینی جهته مزبورده نك حصه سی حقنده کی فراغی صحیح اوله میه جغندن حصه مذکورده حقنده مدعی مومی الیه منع معارضه سنه قرار ویرلمک لازم کلور ایکن محکمه جه بوجهتک دخی نظر دفته آلمانسی وداخل دعوی صفتیه مراجعت

ایدن حسین اوغلی حسنک اعطا ایلدیکی استدعانک رد وقبولی حقنده برقرار ویرلمکسزین بوجه مشروح قرار اتخاذ اولنسی مغایر قانون اولدیغندن اصول محاکمه حقوقیه قانونک ایکی یوز قرق برنجی ماده سی موجبجه اعلام مذکورک تقضیه قانون مزبورده ایکی یوز قرق دردننجی سی حکمنه توفیقاً کیفیتک بالرؤیه اعلامه ربطی ضمننده محکمه مذکورده اعاده سنه و دعوای واقعه دن طولانی اختیار اولنان مصارف آتیه تمیزیه نك ایلروده حقسز حقیقه حق طرفه عائد اولسنه ۱۶ نisan سنه ۳۲۸ تاریخنده متفقاً قرار ویرلیدی .

محکمه تمیز جزا دأره سی مقرراتی

محکمه تمیز جزا دأره سنده صادر اولده ۴ نisan سنه ۳۲۹ تاریخ و ۳۸۱ نومرولی اعلام صورتندر :

« قتل قصدیه جرح »

قسطمونی ولایتی استیناف محکمه سی جزا دأره سندن تنظیم واعطا قلنان ۳ ربیع الاخر ۳۳۱ و ۲۸ شباط ۳۲۸ تاریخی و یوز التیش ایکی نومرولی اعلام ایله اوراق متفرعه سی باش مدعی عمومیک مأموریت علیه سندن ۲۵ ربیع الاخر ۳۳۱ و ۲۱ مارت ۳۲۹ تاریخی و ایکی یوز او تو زیدی نومرولی تبلیغنامه ایله محکمه تمیز جزا دأره سنه اعطا ایدلمشدر .

اعلام مذکورک خلاصه مالی اوچ یوز سکز سنه سی تموزینک دردننجی کونی اراج قضا سنده التوریران قریه سندن کؤک محمد اوغلی عبداللهی قتل قصدیه جرح ایلدکری ادعا قلنم سندن دولای جنایتله اتهام اولنان مرکوزه ناحیه سنده آق قبا قریه سندن عیسی بشه اوغلاری نعمان بن حسین وعبده بن محمدک اجرا قلنان محاکمه علیه لری نتیجه سنده متهملرک الت ناریه ایله و قتل قصدیه مدعی جرح ایلدکری مع القسم استماع اولنان شهودک شهادتی و ضبط ورقه سی و طیب راپوری مندرجاتیه ثابت اولدیغندن مجرمیتلرینه وقانون جزانک یوز سکسانجی ماده سی ذیلنه توفیقاً اوچ سنه مدته کورکه قوللرینه ۲۶ تشرین ثانی ۳۲۸ تاریخنده حکم اولدیغندن عبارتدر .

سالف الذکر تبلیغنامه ده دخی مرقومان الت ناریه مریمسیله و قتل قصدیه جرح فعلنک مرتکبلری اولقی اوزره تجریم ایدلمش اوللرینه نظراً حقارنده سلاح چکنلره مخصوص اولان قانون مذکورک یوز سکسانجی ماده سی علاوه سنک تطبیقنده اصابت کوریه مدیکندن بحثله اعلامک نقضی طلب ایدلمشدر .

اوراق دعوی بعدالمطالعه تدقیقات تمیزیه اجرا اولندقدن مدعی عمومیک طرفندن عندالحاکمه مجرملرک قرق التنجی ماده دلالتیه یوز تیش دردننجی ماده به توفیقاً تعیین جزالری طلب اولدینی حالده قرق التنجی ماده ده کوستریلان تصمیمک بواشده موجود اولماسنه و نتیجه جرح حطب منازعه سندن متولد بولنسنه مبنی یوز سکسانجی ماده ذیلنه تطبیق اولنمش ایسه ده قرق التنجی ماده ده کی تصمیم برجنایت ایقاعنی قصدا تمکدن عبارت

اولوب بونك كرك اثنای منازعه ده آتی اولسون و كرك اولدن تصور ايديلهرك وقوعبولسون هر حالده قتل متبشلى حقنده مادتين مذكورتين احكامنه توفيق معامله اولمق لازمكلوركى تبليغنامه ده كوسترلديكى اوزره متهمان مرقومانك الت ناريه مرميسيله و قتل قصديه جرح فعانندن مجرميتلرينه قرار ويرلمش ايكن سلاح اتانلره مخصوص اولان يوز سكسانجى ماده علاودسنة تطبيقده اصابت كوريله مامش اولديغندن اصول محاكمات جزائيه قانوننك اوچ يوز اون دردنجى ماده سنه توفيقاً و اسباب مشروحيه بناءً اعلام مذكورك نقضه و احكام قانونيه دائره سنده ايفاي معامله اولمق اوزره اورا قنك محله اعاده سنه و ايكي يوز غروش نقض خرچنك ايلروده حقسز چيقه جق طرفدن تحصيلنه ۲۶ مارت ۳۲۹ تاريخنده اكثر يتله قرار ويرلدى.

محكمة تمييز جزا دائره سنده صادره اولاره ۷ مابى سنه ۳۲۹ تاريخى و ۷۴۸ نومرولى اعلام صورتيه :

« شهادت كاذبه »

هما سنجايى بدايت محكمه سى جزا دائره سندن تنظيم و اعطا قلنان ۲۷ ربيع الاول سنه ۳۳۱ و ۲۰ شباط سنه ۳۲۸ تاريخى و يوز سكسان يدى نومرولى اعلام ايله اوراق متفرعه سى باش مدعى عمومىك مأموريت عليه سنك ۲۲ جادى الاول سنه ۳۳۱ و ۱۶ نيسان سنه ۳۲۹ تاريخى و التى يوز اوتوز بر نومرولى تبليغنامه سيله محكمه تمييز جزا دائره اعطا قلمشدر .

اعلام مذكورك خلاصه مالى : خصك باب السباع محله سنده مقيم عبدالرزاق بن اسماعيلك ليلاً خانه سنه بالدخول جبرو شدتله امتعه و نقودى سرقت ماده سندن متهم اولان محمد بن مصطفى المصرينك محكمه سنده شهادت كاذبه ده بولندينى ادعا قلمسندن دولاي جنايته اتهام اولنان محكمه مذكوره دن مصطفى بن محمد سعيد التقلالخيمك اجرا قلنان محاكمه عليه سى نتيجه سنده متهم مرقومك شهادت كاذبه فعلنه جرائى مع القسم استماع قلنان شهودك شهاداتى و ضبط ورقه سى مندرجاتى و دلائل سائر ايله ثابت اولديغندن اولوجهله مجرميته و حر كتنه توافق ايدن قانون جزانك ايكيوز يدنجى ماده سنه توفيقاً اوچ سنه مدته كوركه قونلسنه ۱۴ تشرين ثانى سنه ۳۲۸ تاريخنده حكم اولنديغندن عبارتدر .

سالف الذكر تبليغنامه مفادى دخی صورت جريان محاكمه سيله جهت تطبيق حقنده اعتراضه محل كوريله .

میان اعلام مذكورك تصديق طلبنى متضمندر . اوراق دعوى بمداطالعه تدقيقات تمييزه اجرا قلند قده مرقوم مصطفانك اون و آخر واقع اولان شهادتى اساساً بر هال و زمينده اولوب تفرعات ماده حقنده كى افاده لرى بيننده كوريلن مبانيت شهادت كاذبه جرمى تشكيل ايدميه جكنه نظراً اولبابده تعميق تدقيقات اولقمسزين اعطاي حكم اولنمى مخالف قانون و مستلزم نقض اولمغله اصول محاكمات جزائيه قانوننك اوچيوز اون دردنجى ماده سنه توفيقاً اعلام مذكورك نقضه

واحكام قانونيه دائره سنده ايفاي معامله اولمق اوزره اورا قنك محله اعاده سنه و ايكيوز غروش اعلام خرچنك ايلروده حقسز چيقه جق طرفدن تحصيلنه ۲۷ نيسان سنه ۳۲۹ تاريخنده متفاً قرار ويرلدى .

محكمة تمييز جزا دائره سنده صادره اولاره ۱۲ مابى سنه ۳۲۹ تاريخى و ۸۲۲ نومرولى اعلام صورتيه :

« اخناقاً قتل »

ارضروم ولايتى استيناف محكمه سى جزا دائره سندن صادر اولان ۱۰ ذى الحجه سنه ۳۳۰ و ۶ شباط ۳۲۸ تاريخى و ايكيوز يتمش بر نومرولو اعلام ايله اوراق متفرعه سى باش مدعى عمومىك مأموريت عليه سنك ۱۵ جادى الاول سنه ۳۳۱ و ۱۵ نيسان سنه ۳۲۹ تاريخى و بشيوز سكسان بر نومرولو تبليغنامه سيله محكمه تمييز جزا دائره سنه اعطا قلمشدر .

اعلام مذكورك خلاصه مالى : اوچيوز يكرمى سكر سنده سى مارتنده صوص قريه سندن همشيره سى هدايتى قيد و بند ايدرك نهره آتمق صورتيله اخناقاً قتل ايلديكى ادعا قلمسندن طولاي جنايته اتهام اولنان ماربورنك برادري حاجى احمد اوغلى عليك اجرا قلنان محاكمه عليه سى نتيجه سنده متهم مرقومك همشيره سى هدايتك اوتده بريده مناسبات غير مشروعه ده بولنه رق حامل قلمسندن تأثر و تهورله ماربورنى ضرب ايله اسقاط جنين ايتديرلكدن صكره بويينه ايب طاقه رق وال و اياقلىرى باغليهرق نهره القا ايتك صورتيله من غير تعمد اخناقاً قتل ايلديكى مع القسم استماع قلنان شهودك شهاداتى و طبيب راپورى مندرجاتى و سائر دلائل و امارات ايله ثابت اولديغندن اولوجهله مجرميته و حر كتنه توافق ايدن قانون جزانك يوز يتمش دردنجى ماده سنه توفيقاً اون بش سنه مدته كوركه قونلسنه ۵ تشرين ثانى سنه ۳۲۸ تاريخنده حكم اولنديغندن عبارتدر .

محكوم مرقوم طر فندن معطى لايحه تمييزه ده دخی : حقنده مدار حكم عدايديلان شهادت رؤيته مستند اوليوب سماعه معطوف و غرض و خصومه مبتنى و اقراره شهادتن عبارت اولديغنه و حالبوكه حضور حاكمدن غيريده واقع اولان اقرارلرك نظر قانونده مسموع اولمدينى حالده محكمه جه حكمه اساس اتخاذ اولنديغنه و ختام محاكمه و كيل منتخبي بولندير ليهرق آخريتك تعيينله حق مدافعه سى اخلاص ايدليكنه و سائر هيه دائر اعتراضات سرديله حقنده حكمك نقضى استدعائى محتوى بولنشدر .

سالف الذكر تبليغنامه ده دخی : جسك مخنوقاً قره صودن چيقارلمسى اوزرينه متهمك « بوايشى بن ياپدم كيسه دن بيلميكز » ديديكنى خبر و ير ن شاهدلردن بر قسمى ده « جسك الى آياغى باغلى اولمسه ايدى سزه يالوار مازدم » ديديكنى بيان ايلرينه قارشو بوسوزك طوغريدن طوغرى يه اقرار طر زنده مى يوقسه « جسك الى آياغى باغلى اولمسندن بوجرمى بكا اسناد ايتلى احتمالى واردر بخى ظن و تهمتدن قورتاريكز » معر ضنده مى

تفوه ايدليكي بالواجهه شاهد اردن استيضاح ايدلماش وقاديتك شوراده بوراده طولاشان وبرحيات سرسريانه
كچين طاقدن اولسنه كوره آخر طرفدن برتعرضه اوغرامق احتمالك موجود اولوب اولماديني شاهدلردن
صورولماش و مرقومه نك مطلقا متهم طرفدن اخناق فرض ايدليكي حلاله سائق قتل اوله رق قرار مجر ميتده
ذكر وقبول ايديلان علاقه حيثيت وحس ناموسك آزچوق اسباب مخففه تشكيل ايدوب ايدميه چكي مسئله سقي ده
موضوع بحث ومذاكره قانماش ومتهمك بالذات تعيين واتخاب ايتديكي مدافعه وكيلك صوك محكمه ده
بولنامسندن ناشي يرينه ديكرى ائامه ايدليكي زمان متهمك موافقى استحصال اولميه رق شوصورتله حق
مدافعه سنك تمام استعمالى قضيه سى دخى اهمال اولنش ايدوكندن بخله حكم مذ كورك قضى طلب اولنشدر.
اوراق دعوى بعدالمطالعه تدقيقات تميزيه اجرا اولندقه : متهمك بالذات تعيين واتخاب ايتمش اولدينى
مدافعه وكيلك صوك محكمه ده بولنامسندن يرينه ديكرى اقامه وتعيين ايدلمش ايسده بوبابده متهمك موافقى
استحصال اولميه رق حق مدافعه سنك اخلاص ايدلمش اولمى قضى مستلزم وتبليغنامه ده بونقطه يه دائر اولان
اعتراض وارد وبجا كورلمش اولديغندن اصول محاكمات جزائيه قانوننك اوچيوز اون دردنجي ماده سنه
توفيقاً اعلام مذ كورك اشبو سببدن طولاي تقضيله احكام قانونيه دائره سنده ايفاي معامله اولمق اوزره
اوراقنك محله اعاده سنه وايكسيوز غروش نقض خرجنك ايلروده حقمنز حقيقه جق طرفدن تحصيلنه ٣٣ نيسان
سنه ٣٢٩ تاريخده متفقاً قرار ويرلدى .

محكمة تميز جزا دائره سنده صادر اولان ١٢ مابى سنه ٣٢٩ تاريخى و ٨٣١ نومرولى اعلام صورتيه :

قلب آچه سوريجيلى

بارطين لوا بدایت محكمه سى جزا دائرسندن صادر اولان ١٩ شباط سنه ٣٢٨ تاريخى وسكسان یدی
قرار نومرولى اعلام ايله اوراق متفرعه سى باش مدعى عمومىك مأموريت عليه سندن ٢٩ جادى الاولى
سنه ٣٣١ و ٢٣ نيسان سنه ٣٢٩ تاريخى و یدی يوز يكرمى آلتى نومرولى تبليغنامه ايله محكمه تميز جزا
دائره سنه اعطا قلمشدر .

اعلام مذ كورك خلاصه مالى قلب آچه سوريجيلكيه مشغول بواندينى ادعا قلمسندن طولاي جنايتله
اتهام اولنان زونغولداقه حمام اتصانده كي دكانده بقال يونان دولتى تبعه سندن يانى قوسقولوسك اجرا قلنان
محاكمه علنيه نتيجه سنده قلب آچه سوريجيلكى بالتصميم وسائط مخصوصه ايله اجراسنه بدا ايدرك يد
اختيارنده اوليان اسباب خيلواتيله خير فعله ايصال ايدمديكى مع القسم واقع اولان شهادات واهل خبره
راپورى مندرجاتى و دلائل وامارات ايله ثابت اولديغندن اولوجهل مجرميته و حرکته توافق ایدن قانون
جزانك قرق آلتنجى ماده سى دلائله يوز قرق اوچنجى ماده سنك فقره اخيره سى حکمنه توفيقاً تقدير اولنان

اون سنه كورك جزاسنك ايكي ثلثى بعدالتنزىل اوچ سنه درت آى مدته كورك قونلسنه ١٧ كانون اول
سنه ٣٢٨ تاريخده حكم اولنديغندن عبارتدر .
تبليغنامه ده دخى دعواى مذ كورك صورت جريان محاكمه سيله قانونه جهت تطبيقى حقه ده اعتراضه
محل كوريله مديكى بيانيله اعلام مذ كورك تصديقي طلب اولنشدر .

اوراق دعوى مطالعه اولندقدن صوكره تدقيقات تميزيه اجرا اولندقه تبليغنامه ده هر نقدر اعلام
مذ كورك تصديقي طلب اولنيور ايسده متهمك اوزرنده واقامتگاهنده بولنوب قلب اولديغه ذهاب حاصل
اولان مسكوكات عثمانيه نك قلب اولوب اولديغنى تعيينى ضربخانه عامريه عائد اولدينى حلاله بونلر قلب
اولدينى حقه شونك بونك رأى ومطالعه سى حكمه اساس اولميه جغندن قطع نظر قانون جزانك يوز
قرق آلتنجى ماده سندن منفهم اوله جنى وجهله قلب سوريجيلكى جرمك تشكىل ايچون اشتغال شرط اساس
اولدينى كچي برشخصه قلب سوريجيلك جرمك متشبثى دنيله بيلمك ايچون دخى سورمك فعانه بدا ومباشرت
ايلش ايكن اسباب مانعه خيلواتيله سورمه ماش اولديغنى ثبوتى لازم اولدينى وبومثلاو اوزرنده وياقامتگاهنده
قلب آچه بولنان اشخاصه مجرد بصورت كندوسنك سوريجيلك ايله اشغاله وسوريجيلكه تشبث ايلديكنه
دليل كافى اولميه جنى دركار بولندينى حلاله شولزوم ومقصود قانونه كوره محكمه جه ايجابنك اجراسندن
وعندالما كرده بوجهتلر نظره انهرق لازم كلان قرارك اعطاسندن ذهول اولندينى كورلمش وبو ايسه
نقض حكمى مستلزم نواقص تدقيقات و خطياتدن بولنش اولمغه اعلام مذ كورك اصول محاكمات جزائيه
قانوننك اوچيوز اون دردنجى ماده سى حکمنه توفيقاً نقضه واحكام قانونيه دائره سنده ايفاي معامله اولمق
اوزره اوراقنك محله اعاده سنه وايكى يوز غروش اعلام خرجنك ايلروده حقمنز حقيقه جق طرفدن تحصيلنه
٣٠ نيسان سنه ٣٢٩ تاريخده متفقاً قرار ويرلدى .

محكمة تميز جزا دائره سنده صادر اولان ٢٧ مابى سنه ٣٢٩ تاريخى و ٦٣٠ نومرولى اعلام صورتيه :

تنزيل جزا

انقره ولايتى مركز بدایت محكمه سى جزا دائرسندن استينافاً تنظيم واعطا قلنان ١٣ شباط سنه ٣٢٧
تاريخ و يوز يتمش یدی نومرولى اعلامك تميزى مستدعى منلا احمد اوغلى عارف جانبندن معطى استدعانا
ايله اوراق متفرعه سى باش مدعى عمومىك مأموريت عليه سندن بتبليغنامه محكمه تميز استدعا دائره سنه
توديع اولنش ولدى التدقيق مذ كور استدعانا نك مدت قانونيه سى ظرفده اعطا وشرايط لازمه سارده سنك
دخى ايفا قلندينى اكلاشلمش اولديغندن بالقبول تدقيقات تميزيه اجراسنه ابتدار ايدلدى .

اعلام مذ كورك خلاصه مالى مدعى عمومى معاونى فائق بكي اثنای محاكمه ده وايفاي وظيفه حالده

تحقیق ایلدیکی شهادت واقع و ضبط ورقه سی مندرجاتیله مرتبه ثبوتده کوریلان مستدعی تمیز عارفک قانون جزانک یوز ایکنجی ماده سی حکمه توفیقاً یدی ماه حبسه دائر بدایه لاحق اولان حکمک مظنون مرقوم جانیدن استیناف اولمسی اوزرینه سبق ایدن تدقیقات نتیجه سنده حکم مذکورک صور ثبوتیه و جهت تطبیقه سنک قانونه موافقتندن و انحق جرم ایله جزا بیننده نسبت عادلله کوزهدلماش اولدیغندن بحثله مظنون مزبورک مدت محکومیتک الی ماهه تنزیلی صورتیله تعدیلاً تصدیقه قرار ویرلدیکی متضمندر .

لایحه تمیزیله ده محکمه استینافیه جه حکم ابتدائیک فسخ ایدلمکسین تعدیلاً تصدیقه قرار ویرلمش و مدعی شخصی صفتی حائر بولنان حقوق عمومی مأمورینک دعوی حاضرده حقوق عمومی نامنه دخی مطالعه بیان و محکومیت یولنده طلب وادعا درمیان ایلش و صرف ایدیلان الفاظک تحقیری موجب بولنماش اولدینی حالده محکمه مذکورده جه بورالری نظر دقه التفسیرین بوجه محرر اتخاذ قرار اولمسی مخالف اصول و قانون ایدوکنندن بحثله اعلام استینافیک نقضی استدعا اولدینی کی تبلیغنامه ده دخی لایحه مذکورده ده یالکیز اصوله متدائر درمیان ایدیلان اعتراضات اعلام میزیه مندرجاتنه نظراً وارد و بجا اولدینی بیانیه ذکر اولنان اعلامک نقضی لزومی کوسرلمشدر .

ایجابی لدی المذاکره محکمه استینافیه جه مظنون عارفک تحدید جزاسنی متضمن اولان حکم ابتدائی شایان تعدیل کورلدیکی تقدیرده اسباب موجب سنک تصریحیله بونقطه دن حکم مذکورک فسخی و مظنونک بوکا قارشو اولان مدافعاتی و مدعی عمومیک مقامک مطالعاتی استفسار اولنق صورتیله محاکمه نک تکرارایله ایکا کوره رأساً قرار اتخاذی لازم کلورکن عندالاستیناف شو تعریفات قانونیه رعایت اولنقسین اصول محاکمات جزائییه قانونک یوز طقسان دردنجی ماده سنده تعیین و تصریح اولنان احوالده جاری معامله یه قیاساً حبس مدتک تنزیله ذکر اولنان حکم ابتدائیک تعدیلاً تصدیق اولمسی یولسز و مستلزم نقض احوال دن اولوب لایحه تمیزیله مؤداسی تبلیغنامه ده دخی کوسرلدیکی اوزره بووجهله وارد و بجا کورنمش ایدوکنیدن اصول محاکمات جزائییه قانونک اوچوز اون دردنجی و اوچوز اون طقوزنجی ماده لری منطوقجه اعلام استینافیک سبب مذکورده بناءً نقضیه احکام قانونیه دائر سنده ایفای معامله اولنق اوزره اوراق دعوانک محله و تمیز جزای تقدیمی اوله رق محلی مال صندوقه تودیع ایدلمش اولان بش لیرانک اصول مذکورک اوچوز قرق اوچنجی ماده سنده توفیقاً مستدعی یه اعاده سنه و ایکبوز غروش اعلام خرجنک تعرفه و تعلیمات مخصوصه سی موجبجه ایلروده حقسز چیقه حق طرفدن استیناف سنه ۷ مارت سنه ۳۲۹ تاریخنده متفقاً قرار ویرلدی .

تاریخنده متفقاً قرار ویرلدی .

محکمہ تمیز جزا دائرہ مندرہ صادر اولان ۳ ضربانہ ۳۲۹ تاریخی ۱۲۰۳ نومرولی اعلام صورتیدر :

« تطبیق قانونده عدم اصابت »

قسطنطنی ولایتی استیناف محکمه سی جزا دائر سندن صادر اولان ۸ جمادی الاخر سنه ۳۳۱ و مایس سنه ۳۲۹ تاریخی و یوز سکسان اوچ نومرولی اعلام ایله اوراق متفرعه سی باش مدعی عمومیک مأموریت علیہ سندن ۲۵ جمادی الاخر سنه ۳۳۱ و ۱۹ مایس ۳۲۹ تاریخی و بیك یوز الی اوچ نومرولی تبلیغنامه ایله محکمه تمیز جزا دائر سنده اعطا قلمشدر .

اعلام مذکورک خلاصه مالی اوچوز یکرمی یدی سنه سی اغستوسنک دردنجی کیجه سی اینه بولی قضاسنه تابع کوره ناحیه سنک موصاحی قریه سندن حولاص اوغلی شاکری قتل ایلدیکی ادعا قلمسندن دولای جنایتله اتهام اولنان قریه مذکورده دن بورا کچی اوغلی خلیل بن اسعدک محکومیتنه دائر مقدما صادر اولان اعلام عندالتمیز بعض اسباب قانونیه منی نقض ایله اعاده قلمسی اوزرینه اخیراً اجرا قلنان محاکمه علیہ سی نتیجه سنده مہم مرقومک بالمنازعه سائقه سکرله و قتل قصدیله مقتول مرقومی جرح ایلدیکی مع القسم واقع اولان شهادت و ضبط ورقه سی وطیب راپوری مندرجاتی و دلائل سائر ایله ثابت اولدیغندن اولوجهله مجرمیتنه و حرکتنه توافق ایدن قانون جزانک یوز سکسانجی ماده سی ذیلی حکمنه توفیقاً و سکر حالک سبب شدت عدیله درت سنه مدتله کورکه قولسنه حکم اولدیغندن عبارتدر .

تبلیغنامه ده دخی محلی محکمه سنجه نقض واقع تبعاً ایفای معامله اولنمش ایسده مہم مرقومک قتل قصدیله جرح اولق اوزره تجریمه قرار ویرلمش اولسنه کوره قانون جزانک یوز سکسانجی ماده سی ذیلنه تطبیق کیفیت اولنمشده اصابت قانونیه کوریلایمدیکنندن بحثله اعلام مذکورک نقضی طلب اولنمشدر .

تدقیقات تمیزیله اجرا اولندقدہ حمای شبه تیفوئیدی خسته لکنندن وفات ایدن متوفی شا کرده قورشون یارہ سی اولدینی معاینه راپورنده مصرح بولنمش و مہم مرقوم قتل قصدیله جرح فعلنک مرتکبی اولق اوزره تجریم ایدلمش اولدینی حالده قرق التنجی ماده ده محرر اولوب قصد معناسنده بولنان تصمیم کله سنه تصور و تصمیم معناسی ویریلرک مہمک فعل و حرکتنه توافق ایتیان یوز سکسانجی ماده ذیلنه تطبیق کیفیت اولنمشده اصابت کوریلایممش اولدیغندن اعلام مذکورک اصول محاکمات جزائییه قانونک اوچوز اون دردنجی ماده سنه توفیقاً تطبیق قانون جهتندن نقضه و احکام قانونیه دائر سنده ایفای معامله اولنق اوزره اوراقک محله اعاده سنه و ایکی یوز غروش نقض خرجنک ایلروده حقسز چیقه حق طرفدن تحصیلنه ۱۳ مایس سنه ۳۲۹ تاریخنده اکثریتله قرار ویرلدی .

تاریخنده اکثریتله قرار ویرلدی .

مجلس تميز استعدا دأره سندن

مجلس تميز استعدا دأره سندن صادر اولاده ٢٧ مابى نه ٣٢٩ تاريخى و ٤٣٧ نومردى اعلام صورتيه:

میری اورماندن بلارخصت اشجار قطی .

انقره ولايتی مرکز بدایت محکمه سی جزا دأره سندن استینافاً تنظیم واعطا قلنان ٩ شباط سنه ٣٢٥ تاریخ و بیك درتیوز سکسان نومردى اعلامك تمیزاً تدقیقی مستدعی محلی اورمان اداره سی جانبندن معطی استدعانا مه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دأره سندن تودیع اولمش ولدی التدقیق مذکور استدعانا مه نك مدت معینه قانونیه سی ظرفده اعطا قلندی آ کلاشلمش اولدیغندن بالقبول تدقیقات تمیزیه اجرا سندن ابتدار اولندی .

اعلام مذکورك خلاصه مالى میری اورماندن بلا رخصت اشجار قطع ایلدیکی ادعاسیله مظنون علیه اولان ولی طرفندن قطع ایلدیکی ادعا اولنان اغاچلرك جلیز و ایشه یراماز ایجه اغاچ اولدینی آ کلاشلمش ایسه ده اشجار مذکورك قطی امرنده رؤیته مستند اخباراته تصادف اولنه مامسندن ناشی برائنه دأر بدایه لاحق اولان حکمك اورمان اداره سی جانبندن اقامه اولنان استیناف دعواسنك سبق ایدن محاکمه و تدقیقاتی نتیجه سندن اعلام ابتدائی مذکور موافق قانون بولمش واستیناف استدعانا مه سی محتویاتیه اورمان اداره سی وکیلک ادعا و مدعی عمومیلک مقامك مطالعه سی غیر وارد کورونمش ایدوکنندن ردیه تصدیقه قرار ویرلیدیکی متضمندر .

تمیز استدعانا مه سندن اعلام استینافی مذکورك مغایرت قانونیه سندن بحثله نقصی استدعا قلندی کی تبلیغندن ده دخی تمیز استدعانا مه سندن اسباب تمیزیه تعیین وتصریح قلندی کی بوبابده لایحه تمیزیه ده اعطا ایدلماش اولسنه نظراً اسباب تمیز تحت مجهولیده قالمش واعلام مذکور موافق اصول وقانون بولمش اولدینی بیانیه ذکر اولنان استدعانا مه نك ردی لزومی کوسترلمشدر .

ایجابی لدی المذاکره مندرجات اعلامدن استنباط اولندینی وجهله میری اورماندن بلارخصت اشجار قطع ایتمك ماده سیله مظنون اولوب بدایه برائترینه قرار ویرلان اشخاص مظنونده دلی طرفندن کتیریلوب وضع ایدیلان فداندن چوغنك یاش وتازه اولدینی بیان ایدلش ایکن بوجهتك نظر دقه التما دیغندن وتعیین ماده صورتیه قرار واقمك اصول وقانونه مغایرتندن بحثله اورمان اداره سی وکیلی جانبندن معطی استدعانا مه سرد اولنان وغندالاستیناف شایان قبول کورلیان اعتراضك ردی استلزام ایدن احوال وکیفیاتك بیان وتصریحی لزومنه رعایت ایدلکسزین قرار ابتدائی مذکور اعلامك تصدیق اولنسی یولسز ومستلزم نقض احوال دن اولوب اعلام استینافینك مغایرت قانونیه سندن باحث اولان تمیز استدعانا مه سی مؤداسی بو وجهله وارد وبجا کورونمش ایدوکنندن اصول محاکمات جزائییه قانوننك اوچیوز اون دردنجی

واوچیوز اون طقوزنجی ماده لری منظوقجه اعلام استینافی مذکورك سبب مزبوره بناءً تقضییه احکام قانونیه دأره سندن ایفای معامله اولنق اوزره اوراق دعوانك محله اعاده سنه وایکیوز غروش اعلام خرچنك تعرفه وتعلیمات مخصوصه سی حکمنه توفیقاً ایلاروده حقسنر چیقه حق طرفندن استیفاسنه ١٢ مابى سنه ٣٢٨ تاریخنده متفقاً قرار ویرلدى .

مجلس تميز استعدا دأره سندن صادر اولاده ٢٨ مابى نه ٣٢٩ تاريخى و ٦٧٠ نومردى اعلام صورتيه:

جرم ایله جزا بیننده نسبت عادل کوزه دلامسی موجب نقضدر .

انقره ولايتی مرکز بدایت محکمه سی جزا دأره سندن استینافاً تنظیم واعطا قلنان ٥ تشرین اول سنه ٣٢٧ تاریخى و اوتوز بش نومردى اعلامك تمیزیه مستدعی عسکر حسن افندی زاده عزیز جانبندن معطی استدعانا مه ایله اوراق متفرعه سی باش مدعی عمومیلک مأموریت علیه سندن باتبلیغنامه محکمه تمیز استدعا دأره سندن تودیع اولمش ولدی التدقیق مذکور استدعانا مه نك مدت قانونیه سی ظرفده اعطا وشرائط لازمه سائرهنك دخی ایفا قلندینی آ کلاشلمش اولدیغندن بالقبول تدقیقات تمیزیه اجرا سندن ابتدار ایدلدى .

اعلام مذکورك خلاصه مالى ایفای وظیفه حائنده پولیس مصطفی افندی ایله رفقاسنه تشهیر سلاح ایلدیکی ادعاسیله مظنون علیه اولان عزیزك حرکت مثبته سندن ناشی قانون جزانك یوز اون اوچنجی ماده سنك فقره اخیره سی حکمنه توفیقاً الی ماه حبسنه دأر بدایه لاحق اولان حکمك غندالاستیناف تصدیقی حاوی عن الغیاب صادر اولان اعلام علیه سندن مظنون مرقوم جانبندن اعطا قلنان اعتراض استدعانا مه سنك بالقبول اعلام غیای مذکورك کائن لم یکن عدیه سبق ایدن تدقیقات نتیجه سندن حکم ابتدائینك صورثویه و تطبیقیه سی موافق قانون اولوب بوبابده درمیان اولنان اعتراضك فسخ حکمی موجب اولدیغندن بالبحث سالف الذکر اعتراض استدعانا مه سنك ردیه حکم ابتدائی مذکورك کذلک تصدیقه قرار ویرلیدیکی متضمندر .

لایحه تمیزیه ده فعل واقمك طرفندن وقوعوبولایوب مدعیلر کندوسنی ضرب ایله تشهیر سلاح ایلدکاری حالده درجه اولی محکمه سنجه بوراسی نظردقته التفسیرین وجرم ایله جزا بیننده نسبت عادل کوزه دلمکسزین فعل واقعه مشترک و مظنون بولنان حسن افندی ایله سیدمحمد و عثمانك شاهد صفتیه استماع ایدیلرک بوجه محرر محکومیتنه دأر بدایه لاحق اولان حکمك غندالاستیناف تصدیقه قرار ویراسی مخالف اصول وقانون ایدوکنندن بحثله اعلام استینافینك نقضی استدعا اولندینی کی تبلیغنامه ده دخی اعلام مذکور مندرجاتنه نظراً نقصان تحقیقاته دأر لایحه تمیزیه ده مندرج اعتراضات وارد وبجا کورلیدیکی بیانیه ذکر اولنان اعلامك نقضی لزومی کوسترلمشدر .

ایجابی لای المذاکره محکمه استینافیه جه تشهیر سلاح ماد سندن طولای مظنون عزیز طرفدن تحدید جزاسنه دائر بادیه ویریلان حکمک تصدیقی متضمن اولان اعلام غیائی استینافی علیهنده ویریلوب قبوله قرار ویریلان اعتراض علی الحکم استدعایه سنک بالاخره قرار واقعه مخالف اوله رق ردی جهتنه کیدلسی و تعیین ماده صورتیه استینافاً درمیان اولنان اعتراضاتک شایان قبول کورلدیکی تقدیرده اجوبه قانونیه سنک ارأه سی لازم کلورکن فسخ حکمی موجب اولمادیفی تعبیر عمومیه سیله سالف البیان قرار ابتدائیک تصدیق اولنسی یولسز و مستلزم نقض احوال دن اولوب لایحه تمیزیه مؤداسی تبلیغنامه ده دخی کوسترلدیکی اوزره بووجهله وارد و بجا کورنمش ایدوکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقنجه اعلام استینافیک اسباب مذکوریه بناء نقضیه احکام قانونیه دائره سنده ایفای معامله اولنقی اوزره اوراق دعوانک محلنه اعاده سنه و ایکوز غروش اعلام خرجنک تعرفه و تعلیمات مخصوصه سی موجبنجه ایلروده حقسنز حقیقه جق طرفدن استیفاسنه ۹ مایس سنه ۳۲۹ تاریخنده متفقاً قرار ویرلای .

محکمہ تمیز استدعا دائره سنده صادر اولاره ۲۸ مایس سنه ۳۲۹ تاریخ و ۳۸۹۰ نومردلی اعلام صورتیه :

« اشجارک قبوقلرینی صویانلر و یاخود دیگر صورتله سقطیلانلر بولری کورکندن قطع ایش کی مجازات اولنور »

ایدین ولایتی مرکز بدایت محکمه سی ایکنجی جزا دائره سندن استینافاً تنظیم واعطا قلنان ۲۹ کانون ثانی سنه ۳۲۸ تاریخ و یوز اوتوز نومردلی اعلامک تمیزاً تدقیقی مستدعی اورمان اداره سی جانبندن معطی استدعایه سنک ایله اوراق متفرعه سی باش مدعی عمومیک مأموریت علیهنسندن باتلیغنامه محکمه تمیز استدعا دائره سنه تودیع اولنمش ولدی التدقیق مذکور استدعایه سنک مدت قانونیه سی طرفنده اعطا قلندیفی اکلاشلمش ایدوکندن بالقبول تدقیقات تمیزیه اجراسنه ابتدار ایدلای .

اعلام مذکورک خلاصه مالی میری اورمانسندن خلاف نظام اشجار قائمه اوزرلرندن قبوق اخراج و اوچ عدد چام اشجارینی احراق ایلدکری ادعا اولنان کریدلی قدم و اوغلی حلمی ایله معلوم الاسامی رفقاسنک برائتیرینه بدایه لاحق اولان حکمک اورمان اداره سی جانبندن استیناف اولنسی اوزرینه نقصان تدقیقاتن طولای فسخیه اولباده اجرا قلنان محاکمه و تدقیقات استینافیه نتیجه سنده مظنونلرک میری اورمانسندن بلا رخصت بش دابه یوکی چام قبوغی صویدقلری اخبارات ایله ثابت اولسنسندن ناشی اورمان نظامنامه سنک اوتوز دردنجی ماده سی دلاتیه اوتوز اوچنجی ماده سی حکمنه توفیقاً بهر دابه یوکی ایچون یکرمی غروشندن جمعاً یوز غروش جزای تقدی ایله اوتوز یدی بقی غروش بدل تضمینک تحصیلنه

و مرقومونک مدعابه دیگر آعاجلرک قبوقلرینی صویدقلرینه و اورمانک احراقنه سببیت ویردکیرینه دائر بر کونادلانل و امارات قانونیه حاصل اوله مامسنه بناء اشوایکی جهتن دن دولای برائتیرینه قرار ویرلدیکی متضمنده : تمیز استدعایه سنده مظنونلرک قبوقلرینی صویدقلرینی قرق بش عدد اشجارک قوه تامیه و حیاتیه لرینک زائل اوله رق قوریمسنه سببیت ویردکری جهتنه اولوجهله تعیین جزالری لازم کلورکن محکمه استینافیه جه بورالری نظر دقه التمسزینی بر منوال محرر قرار ویرلمسی مغایر قانون ایدوکندن بحثله اعلام استینافیک نقضی استدعا اولنمش و تبلیغنامه ده دخی لایحه تمیزیه ده درمیان اولنان اعتراضات اورمان اداره سی وکی طرفندن قبوقلری صوییلان اشجارک قوریمسنه سببیت ویرلمسی جهتنه اشجار مذکورک قیمتی اولان بیک ایکی یوز الی طقوز غروشک تضمینی حقنده واقع اولان ادعانک اسباب موجبیه سی بیان اولنقسزین اتخاذ قرار اولنسی اعتباریه وارد و بجا ایدوکی بیانیله اعلام مذکورک نقضی لزومی کوسترلشدور .

ایجابی لای المذاکره اورمان نظامنامه سنک اوتوز دردنجی ماده سنده اشجارک قبوقلرینی صویانلر و یاخود دیگر صورتله سقطیلانلرک بولرک کورکندن قطع ایش کی مجازات اولنجهنی مصرح بولنمش اولسنه مبنی محکمه استینافیه جه میری اورمانسندن خلاف نظام قبوق اخراج ایتدکری ادعا اولنان قدم و رفقاسی حقلرنده بدایه لاحق اولان حکمک فسخی متعاقب اجرا قلنان محاکمات و تدقیقات نتیجه سنده ماده مذکورک احکامی نظر دقه التهرق اکاکوره کیفیتک قراره ربطی لازم کلورکن صور محرره یه توفیق معامله لزومندن ذهول ایدیلرک بوجه محرر اتخاذ قرار اولنسی یولسز و مستلزم نقض احوال دن اولوب لایحه تمیزیه مؤداسی تبلیغنامه ده دخی کوسترلدیکی اوزره وارد و بجا کورنمش ایدوکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری منطوقنجه اعلام استینافیک سبب مذکورک بناء نقضیه احکام قانونیه دائره سنده ایفای معامله اولنقی اوزره اوراق متعلقه سنک محکمه مذکوریه اعاده سنه و ایکی یوز غروش اعلام خرجنک تعرفه و تعلیمات مخصوصه سنه توفیقاً ایلروده حقسنز حقیقه جق طرفدن استیفاسنه ۱۳ نیسان سنه ۳۲۹ تاریخنده متفقاً قرار ویرلای .

محکمہ تمیز استدعا دائره سنده صادر اولاره ۲۸ مایس سنه ۳۲۹ تاریخ و ۳۹۳۳ نومردلی اعلام صورتیه :

« رسم تمغا جزای تقدیسنه دائر »

رسم تمغا جزای تقدیسندن دولای کره سون بدایت حقوق محکمه سندن اخیراً تنظیم واعطا ورشدی و عزت اقدیلر طرفندن شرائط لازمه سی بالایفا مدت قانونیه سی طرفنده تمیزاً تدقیق استدعا قلنان ۵ اغستوس ۳۲۸ تاریخ و یوز ایکی نومردلی قرارنامه و اوراق متفرعه سی باش مدعی عمومیک مأموریت علیهنسندن مطالعه نامه سیله برلشدیریلرک محکمه تمیز استدعا دائره سنده تدقیق اولندی .

مذکور قرارنامهك خلاصه مفادی عزت افندی طرفندن تحریر اولنان پروتستو جوابنامه سینه ملصق پولك نقصان و صورت ابطالیده تعریفات قانونیه سینه غیر موافق اولسندن ناشی مذکور جوابنامه بی بالقبول معامله ایفا ایدن مقاولات محرری محمد رشدی افندیکن تمغا نظامنامه سنك قرق سکنجی ماده سی موجبجه یارم ایرا جزای نقدی استیفا سینه و صاحب امضا عزت افندیکن ماده مذکور نك فقره اخیره سی منطوقجه مسئولیتی ایجاب ایتیه جکسندن بخله منع معارضه سینه دائره قدما صادر اولان قرارك عندالتمیز نقض ایدلسی اوزرینه اجرا قلنان تدقیقات اخیره نتیجه سنده نظامنامه مذکورك قرقجی و قرق یدنجی ماده لری حکمنه توفیقاً مومی الیهمادن بیکر غروش جزای نقدی تحصیلنه قرار ویرلیدکنی متضمندر .

تمیز لایحه سنده ورقه مذکور بیاننامه دن عبارت و حجز نامه شکلنده اولغله برابر برر غروشلق پولی محتوی اولدینی حالد محکمه جه بوسبتون پولسز عد اولنرق بروجه محرر محکومیتلرینه قرار ویرلسی یولسز و مغایر قانون اولدینندن بخله قرار مذکورك نقضی و محلی دیون عمومیه مأموری جانبندن معطی لایحه جوابیده قرار تمیزهك موافق اصول و قانون ایدوکی بیانیله تصدیق استدعا قلمش و مطالعه نامه ده دخی اعتراض واقعك غیر وارد اولدینی کوسترلشدر .

ایجابی لدی المذاکره رسم تمغا جزای تقدیسینه متعلق خصوصاً حقوق عمومیه مأمورینك استفسار مطالعه سی تمغا نظامنامه سنك الی سکنجی ماده سی جمله احکامندن اولدینی حالد محکمه محلیه جه مسئله حاضرده نقض واقعه بالاتباع اجرا قلنان تدقیقات اخیرده مدعی عمومیک مقامك مطالعه سی آلتفسرین اتخاذ قرار ایداش اولسی یولسز و مستلزم نقض اولوب تمیز لایحه سی محتویاتی شوصورتله وارد و بجا کورنمش اولدینندن اولبالده کی قرار نامهك بوسبیدن ناشی قضیه و رسم تمغا جزای تقدیسینه متعلق دعاوینك اعلام خرجیله مباشر اجرت قدمیه سندن ماعدا مصارف محاکمه غیر تابع اولدینی نظامنامه مذکورك آلتش بشنجی ماده سنده مصرح اولسنه نظراً مستدعیلر جانبندن محکمه محلیه و زنه سینه تودیع ایدلش اولان یوز غروش رسوم تمیزیهك ربع اعلام خرجیه محسوباً ایکی یوز غروش نقض اعلامی خرجندن بالتزیل متباقینك بالاخره حقسز چیقان طرفه رجوع ایتك اوزره اول امرده مستدعیلردن اخذینه ۱۱ مایس ۳۲۹ تاریخنده متفقاً قرار ویرلدی .

شورای دولت مضبوط لری

شورای دولت اجتماع انجمنده صادر اولان ۲۱ مارت ۳۲۹ تاریخلی و ۸۹ نومرولی مضبوط صورتی در مکتوب ضیاعی حقنده .

مکتوب ضیاعی ماده سندن طولانی مظنون علیم اولان بیروت پوسته متعهدی محمدالبطش ایله رفقاسی حقلرنده اجراسی مقتضی تحقیقاتك مرجعی حقنده ملکیه و عدلیه مستنطقلری آره سنده حاصل اولان اختلافك حلی ضمننده محندن مرسل اوراقك تقدیمی متضمن داخلیه نظارتنك شورای دولته حواله بیوریلان ۱۷ کانون تانی ۳۲۸ تاریخ و اوچ بیک یوز طقسان الی خصوصی نومرولی تذکره سی و ملفوفلری انجمن اختلافه تودیع اولغله شورای مذکور تمیز مدعی عمومیکسندن یازیلان مطالعه نامه ایله برابر قرائت اولندی .

عدلیه مستنطقك قرارنامه سی مألنده : بیروت پوسته خانه سی سیار مأمولردن کنعان و سوق مأموری ابراهیم و ثقلیه متعهدی محمدالبطش و موزع عبدالرحمن افندیلرک تکاسل تراخیلری اثری اوله رق شام و حلب و بغداد و بصره ایله محلات سائرده عائد مکتوبلردن بعضیلرینك ضیاعنه سببیت و یردکلی روده امور مأمورلرینه متعلق بولندینی جهته حقلرنده لازم کان تحقیقات و محاکماتك اجراسی ضمننده اوراقنك جهت ملکیه تودیی و ملکیه مستنطقك قرارنامه سنده دخی مومی الیهمدن محمدالبطشك اقرباسندن واحاددن رشید و بدر و ابراهیمك ده جرم واقعه ذی مدخل اولدقلری عندالاستنطاق تبین ایتش و افراد عادیه ایله مشترکاً ایقاع جرائم ایدن مأمورین محاکمه سی محاکم عمومیه ره راجع بولنمش اولدینندن تحقیقات و محاکمه نك جهت عدلیه جه ایفاسی مقتضی بولندینی و تمیز مدعی عمومیکسندن مطالعه نامه سنده ایسه محرر الاسامی پوسته مأمورلرینه اسناد اولنان مکتوب ضیاعی مسئله سنده پوسته ثقلیه متعهدی محمدالبطشك اقرباسندن و افراد اهالیدن رشید و بدر و ابراهیمك دخی مدخل و مشارکتلری اولدینی اوراق تحقیقیه مندرجاتندن آکلاشلمش اولسیله محاکمه مأمورین نظامنامه سینه اخیراً تذیل قلنان فقره نظامیه موجبجه مأمورین مومی الیهمك افراد اهالیدن اولان مرقومونه تبعاً جمله سنك برلکده اجرای محاکمه لری محاکم نظامیه عائد ایدوکی درمیان قلمشدر .

ایجاب کیفیت لدی المذاکره پوسته لرك سوق و ثقلیه مکلف اولانلر دخی مأمورین دولتن معدود و بونلره عطف اولنان اضاعه مکاتیب جرمی وظیفه مأموره لرینه متعلق اولغله جرم مذکوردن طولانی اجرای محاکمه لری اساساً محاکم اداره یه عائد ایسه ده تمیز مدعی عمومیکسندن مطالعه نامه سنده کوسترلیدی و جهله

بيروت پوسته مأمور لرینك مظنون علیه بولندقلری مأمورین مومی الهمه اسناد اولنان جرم مکتوب ضیاعنه سبب اولق فعلنده افراد اهالیدن بعض کسانک مشارکتلری ادعا یلدلکده و تحقیقات استنطاقیه ده بونی مؤید کورنمکده اولمسنه واحد ناسدن شریک جرملری بولنان مأمورین ملکیه نک وظیفه مأموریتلرندن طولانی احاده تبعاً محاکم عمومیه ده اجرای محاکمه لری مأمورین محاکمه سی نظامنامه سنه مذیل ماده مخصوصه اقتضاسندن بولمسنه بناءً عدلیه مستنطقنک عدم وظیفه قرارینک فسخیه تعقیبات قانونیه ده دوام اولتیق اوزده ملفوفاً تقدیم قلنان اوراقنک عدلیه نظارتنه ارسالی ویروت ولایتنه اکا کوره معلومات اعطاسنک داخلیه نظارتنه حواله سی تذکر اولندی.



فراغ ذاتی اعتباریه درت قسمه منقسم اولدینی کی بدل اعتباریه دخی درت قسمدر . وبناءً علیه فراغک مجموع اقسامی سکز اولور . ذاتی اعتباریه اولان اقسام اربعه شونلردر : فراغ قطعی ، فراغ بالوفا ، فراغ بالاستغلال ، فراغ بالمواضعه در . فراغ قطعی بلا شرط وقوع بولان فراغدر که فراغ بالوفا وفراغ بالاستغلال مقابله ذکر اولنور . بونک بیعه نظیری بیع قطعیدر . فراغ بالوفا ، برکیمسه نک آخر کمسنه دن استدانه ایلدیکی مبلغ مقابله تصرفده اولان ارض میری بی دخی ادا ایتدکده ینه کندویه رد اولتیق شرطیه داینه فراغ ایتکدر . بونک بیعه نظیری بیع وفادر . فراغ بالوفاده مجله نک ۳۹۶ و ۳۹۷ و ۳۹۸ و ۴۰۲ و ۴۰۳ ماده لرنده بیان اولنان احکامک ممانلری تمامیه جاری اولور . فقط فراغ بالوفاده مجله نک ۳۹۹ و ۴۰۰ و ۴۰۱ ماده لرنده کی احکام جاری اوله ماز . فراغ بالاستغلال ، فارغ ارض مفروغ بهایی مفروغ اهدن استیجار ایتک شرطیه اولان فراغ بالوفادر . بونک بیعه نظیری بیع بالاستغلالدر . مجله نک ۱۱۹ ماده سنه مراجعت اولنه . اراضینک فراغی اقسام مذکوره به منقسم اولدینی کی مسقات و مستغلات و قفیه نک فراغی دخی اقسام مذکوره اقسام ایدر . فراغ بالاستغلاله متعلق بعض احکام : استغلالاً فراغده فراغ ایدیلان اراضی بعدالتخلیه مفروغ لهه تسلیم اولندقدن صکره فارغ ، اول اراضی بی مفروغ اهدن مدت واجرت معلومه ایله استیجار ایتسه صحیح واجرت یعنی اجر مسمی لازم اولور . اما بعدالتخلیه والتسلیم استیجار اولمسنه اجرت یعنی اجر مسمی لازم اولماز . فراغ بالاستغلالده مدت اجاره ختام بولمسیله اجر مسمی ساقط اولور . فقط بوقانونک ۱۵ ماده سنه کوره ختام مدتدن صکره اجر مثل لازم کلور .

قانون غیر منقوله

اموال غیر منقوله نک تصرفه عائد مواد قانونیه

(مابعد)

فراغ ذاتی اعتباریه درت قسمه منقسم اولدینی کی بدل اعتباریه دخی درت قسمدر . وبناءً علیه فراغک مجموع اقسامی سکز اولور .

ذاتی اعتباریه اولان اقسام اربعه شونلردر :

فراغ قطعی ، فراغ بالوفا ، فراغ بالاستغلال ، فراغ بالمواضعه در .

فراغ قطعی بلا شرط وقوع بولان فراغدر که فراغ بالوفا وفراغ بالاستغلال مقابله ذکر اولنور .

بونک بیعه نظیری بیع قطعیدر .

فراغ بالوفا ، برکیمسه نک آخر کمسنه دن استدانه ایلدیکی مبلغ مقابله تصرفده اولان ارض میری بی دخی ادا ایتدکده ینه کندویه رد اولتیق شرطیه داینه فراغ ایتکدر . بونک بیعه نظیری بیع وفادر .

فراغ بالوفاده مجله نک ۳۹۶ و ۳۹۷ و ۳۹۸ و ۴۰۲ و ۴۰۳ ماده لرنده بیان اولنان احکامک ممانلری تمامیه جاری اولور . فقط فراغ بالوفاده مجله نک ۳۹۹ و ۴۰۰ و ۴۰۱ ماده لرنده کی احکام جاری اوله ماز .

فراغ بالاستغلال ، فارغ ارض مفروغ بهایی مفروغ اهدن استیجار ایتک شرطیه اولان فراغ بالوفادر . بونک بیعه نظیری بیع بالاستغلالدر . مجله نک ۱۱۹ ماده سنه مراجعت اولنه . اراضینک فراغی اقسام مذکوره به منقسم اولدینی کی مسقات و مستغلات و قفیه نک فراغی دخی اقسام مذکوره اقسام ایدر . فراغ بالاستغلاله متعلق بعض احکام :

استغلالاً فراغده فراغ ایدیلان اراضی بعدالتخلیه مفروغ لهه تسلیم اولندقدن صکره فارغ ، اول اراضی بی مفروغ اهدن مدت واجرت معلومه ایله استیجار ایتسه صحیح واجرت یعنی اجر مسمی لازم اولور .

اما بعدالتخلیه والتسلیم استیجار اولمسنه اجرت یعنی اجر مسمی لازم اولماز .

فراغ بالاستغلالده مدت اجاره ختام بولمسیله اجر مسمی ساقط اولور . فقط بوقانونک ۱۵ ماده سنه کوره ختام مدتدن صکره اجر مثل لازم کلور .

فراغ بالاستغلاله بعد التخلیه والتسليم فارغ مفروغ لهدن استیجار ایتدکدن صکره یدفارغده اول اراضی صویه باتمی کبی بر وجهه تلف اولسه بیله مجله نك ۳۹۹ و ۴۰۰ و ۴۰۱ ماده لرینه توفیق ایدیلوبده سقوط دینه حکم اولنه ماز. یعنی دین مذکور ساقط اولماز .

استغلالاً فراغده مفروغ له مفروغ بهه قطعی صورتده متصرف اوله ماز . بناءً علیه فارغ ایفای دین ایله اول عقاری مفروغ لهدن استردادده ونامنه اعاده فراغ ایتدیرمکه صلاحیتی واردر .

وطرفیندن بریسی فوت اولدقده مسئله آنفدهده کی حق وصلاحیت ورثه سینه انتقال ایدر .

فراغ بالوفاء یا بالاستغلال طرفینک خصوصی مقاوله سیله فراغ قطعی به انقلاب ایتمز . بناءً علیه مدیون متصرف اولدینی وقف عقاری دینی مقابلنده اجل معلوم ایله داینه استغلالاً فراغ ایتدکده فلان زمانه دک ادای دین ایدمهز ایسه هم فراغ بالاستغلال باته منقلب اولسون دیوب بعده مدیون اول زمانه دک دینی تأدیه ایدمهز ایسه حالا ادای دین ایدوب اراضی استرداد ایدر . داین مجرد اول زمانه قدر ادای دین ایتدیکک جهته عقار مذکور قطعاً بن متصرف اولمش اولورم دیه ویرمکدن امتناع ایدمهز .

اراضینک استغلالاً فراغی حقنده بالاده بیان اولنان احکام ، مسققات و مستغلات وقفیه نك استغلالاً فراغده دخی جاریدر .

فراغ بالمواضعه ، فارغ ایله مفروغ له سرا وکندی آرده لرنده بروجه آتی اتفاق ایتدکلرندن صکره اتفاق سابق مذکورده بناءً علناً فراغ وتفرغ ایتلیدر . شویله که فارغ مفروغ لهه عهده مده بولنان فلان اراضی بی مأموری حضورنده سکا قطعاً فراغ ایدمه حکم فقط فراغ مذکور حقیقه فراغ اولیوب مفروغ اولان اراضی کالاول بنم عهده تصرفده قلمسی مقرر ومشروطدر دیوب مؤخرأ بوشروطه بناءً فراغ ایتلیدر . بو فراغک ثبوتی حالنده فراغ واقع غیر صحیح وفارغ برحیات ایسه کنیدی کالاول متصرف حقیقی ووفات ایش ایسه اصحاب انتقالنه منتقل اولور . فقط بو وجهه مواضعه دعواسنی استاعدن حکام ممنوع اولدینی ۴ نجی ماده ده ذکر اولنور . بو حالده برکیمسه ارض میریسی صورت قطعیه ده دیگر کیمسه یه فراغ ایتدکدن صکره فراغ مذکور مواضعه اولدینی ادعا ایتسه حاکم بو دعوائی استماع ایدمهز . اوماده ده بوکا دائر ایضاحات ویریه جکدر .

بدل اعتباریله فراغک اقسامی شونلردر :

مجاناً فراغ ، بدلدن سکوت ایله واقع اولان فراغ ، ملک مقابلنده فراغ ، مذکور ملک کرک منقول وکرک عقار اولسون وکرک منفعت اولسون و مبادله فراغدر . یعنی بر ارض میری مقابلنده بولنان فراغ ، بسلامک شرطیه فراغ . بالاده مذکور بولنان فراغدر دفتر خاقانی اداره لرنده یعنی صاحب ارضک اذنیله اولور ایسه صحیح اولوب فقط مجاناً فراغده فارغ بدل طلب ایدمهز . دیگر فراغدرده بدلی طلب ایدمه بیلور .

مسققات و مستغلات وقفیه نك فراغده دخی بالاده کی اقسام جاری وبولنلرک فراغی دفتر خاقانی اداره لرنده یعنی متولی وقفک محضرنده وآنک اذنیله اولور ایسه صحیح اولور . فراغ حقنده اختلاف علما :

اراضی امیرییه نك و مسققات و مستغلات وقفیه نك فراغده ایکی قول واردر . قول اول ، یحیی بن زکریانک قولیدر .

بو قوله کوره فراغ حق عادی مجرددن نزولدر . وفراغ بدل مقابلنده اولنجه بدل فراغ حق مجرد مذکورک عوضیدر . یوقسه فراغ واقع متصرف اراضی بولنان فارغ طرفندن مفروغ لهه ایجار اولدینی کی بدل فراغ اوله رق آلنان مال دخی اجاره معجله دکدر .

قول مذکور اولاً ، عرفه مخالفدر . ثانیاً ، برکیمسه مثلاً ترلاسی دیگر کیمسه نك ترلاسی مقابلنده مبادله فارغ اولوبده اوکیمسه یه فراغاً ویریلان ترلا ، مرقومک یدندن بالاستحقاق ضبط ایدلسه اوکیمسه نك اول کیمسه یه بدلاً ویردیکی ترلانی استردادده حق اولمامق لازم کلور . زیرا اوکیمسه نك کنیدی ترلاسدن اول کیمسه یه نزول وفراغی ضمننده اجاره منفسح اوله رق اوکیمسه نك برکونه حق قالمش اولور .

قول ثانی ، اکثر علمائک قوللیدر ، بو قوله کوره فراغ مذکور اجاره در . قول مذکور عرفه مطابق اولدینی جهته معتبر اولان دخی بودر .

بناءً علیه برکیمسه صاحب ارضدن بر قطعه ارض میری بی بدل معلوم مقابلنده تفوض ایسه صاحب ارض یعنی دفتر خاقانی مأموری موجر واول کیمسه مستأجر و بدل مذکور اجاره معجله اولور . نته کیم بهر سینه محصولاتدن آلنان عشر ویاخود بدل عشره مقابل تقدیر اولنان اجاره زمین اجاره مؤجله اولور . و متفوض مذکور اراضی بی دیگر کیمسه یه فراغ ایتدکده اول کیمسه موجر ثانی و اوکیمسه مستأجر ثانی و آلدینی بدل ، بدل اجاره اولور . یعنی بو ایکنجی فراغ مجله نك ۵۸۷ ماده و جهله مستأجرک مأجوری بشقه سینه ایجار ایتسی قبیلنددر .

ایجار عادی ایله فراغ آرده سنده فرق :

فقط فراغ ایله ایجار بیننده فرق واردر . شویله که فراغ ایله مفروغ ، فارغک تصرفدن حیثوب مفروغ لهه انتقال ایلدیکی حالده عقد ایجارده یعنی موجر ، مأجوری آخره ایجار ایتدکده موجرک مأجورده کی حق تصرفی وملکی زائل اولماز .

فراغ ایجار اولدینه مسائل آتیه تفرع ایدر .

۱ — مسئله ، ایکی کیمسه ترلارینی مبادله فراغ ایتدکندن صکره بریسنک یدنده کی ترلا بالاستحقاق ضبط ایدلسه اوده دیگرینه بدلاً ویردیکی ترلانی استرداد ایدر ، بو معامله الیوم مرعیدر .

۲ — مسئله ، برکیمسه ، متصرف اولدینی ارض میری بی دیگر کیمسه یه بدل معلوم مقابلنده فراغ

ايتدكدين مثلاً برآي صكره مفروغله بلا اصحاب انتقال فوت اوله رق اول ارض محلول اولسه مفروغ لهك ورثه سي مورثرينك اجر مثل ايله خرج فراغدين استيفا ايتديكي مقداري اول كيمسه دن طلب ايده بيلور . مكره تعيين اولنان بدل فراغك جله سي اولكي آي ايچون تعيين اولمش و مفروغله اول آيك مرورندن صكره فوت اولمش اوله

۳ — مسئله ، صاحب ارض يعني دفتر خاقاني مأمورلري محلول اولان بر قطعه ارضي بدل مثل ايله بر كيمسه به تفويض ايتدكدين صكره اول كيمسه استيفاي منفعت ايتدن فوت اوله رق اصحاب انتقالندن كمسه سي بولنمغله اراضي مذكوره محلول اولسه اول كيمسه نك ورثه سي مورثرينك اجر مثل و خرج تفوضدن استيفا ايتديكي مقداري صاحب ارضدن استرداد ايدر .

كرك اراضي اميريه ده و كرك مستغلات موقوفه ده مشايخ اسلاميه طرفندن انف اليمان ايكنجي و اوچنجي مسئله لر وجهله دخي افتا اولمش واشبو قانونده بوكا مخالف بركونه حكم بولنميش ايسه ده زمانمزه بو وجهله معامله اولنديني واقع دكلدر .

بلا بدل فراغك ايجار معناسنده بولمسي : فراغ بدل مقابلنده اولديني صورته ايجار معناسه اعتبار ايدلمسي ظاهر در . فقط بلا بدل و مجانا اولديني تقديره دخي ايجار اعتبار اولنه بيلور . واقعا مجانا و عوضسز اوله رق واقع اولان اجاره معاده علي قول اجاره فاسده در . لكن فراغ ، جهالت مدت و شرط تأييد كبي اسابندن طولاي ذاتاً فاسد اولمغله بلا عوض اولمق جهتيله اولان فسادده دخي محذور يوقدر .

اجاره فاسده نك فسخنه احد طرفينك حق اولديني مجله نك ۴۹۴ و ۵۲۴ ماده لرندن مستفاد اولور ايسه ده فراغ مذكورك نفي بدل ايله ياخود جهالت مدت و ياخود شرط تأييد ايله اولماسي اسابندن طولاي فاسددر دينيله رك فسخ ايدلمسه مساعده ايدلمز . يعني بوفسخ ممنوعدر . بو صورته بر كيمسه محلول اولان ارض ميريني ميريدن بدل معجل مقابلنده تفوض ايتدكدين صكره بوقفوضك فسادندن بحث ايدرك بالفسخ ويرديكي بدلي استراد ايتكه مقتدر اولمق لازم كلورسه ده بصورتله فسخ فراغ و تفوض قانوناً ممنوع بولنمشدر . واقعا بوجهتك ممنوع اولديني قانونده مصرح دكسه ده قانون بوجه مشروح تفوض و تفرغي قبول ايتمش و قانوناً قبول اولنان بر معامله نك فسخي غير صحيح و ممنوع اوله جني بديهي بولنمشدر . بناء عليه تعطيل زراعت كبي اسباب قانونيه موجود اولدجه تفويض ايدن حكومت بو تفويض فسخ ايده ميه جكي كبي تفوض ايدن طرف دخي فسخ ايده مز .

فراغ حقنده ايكي قول موجود اولديني آنفا بيان ايدلمشيدى . اموال غير منقوليه متعلق احكامك بعضيلري قول اوله و بعضيلري دخي قول ثانيه متفرعدر . قول اوله يعني حق عادي مجرددن نزول اولديغنه متفرع مسائل شونلردر .

۱ — مسئله ، صغير و معتوه كبي قاصرينه عائد اموال غير منقوله نك صغير و معتوه مأذون اولسه لر بيله كنديلرينك فراغلري معتبر اوله ماز . زيرا حق عادي مجرددن نزول و بناء عليه ضرر محضدر . اكر ايجار اولسه ايدى مجله نك ۴۴۴ و ۹۶۷ ماده لري حكمنجه مأذون اولدقلى حلاله فراغلري يعني ايجارلري معتبر اولوردى . ۲ — مسئله ، صغار و مجانين و معتوهين كبي قاصرينك عهده لرنده كبي اراضيلري ولى و وصيلري آخره فراغ ايده مز لر . زيرا حق عادي محضدن نزول اولمغله بونلر حقنده ضرر محض اوله جغندن رعيه اوزرينه تصرف مصلحته منوطدر قاعده عموميه سنه مبنى بوفراغ جائز اوله ماز . اكر ايجار اولسه ايدى مجله نك ۴۴۶ و ۴۴۷ ماده لري حكمنجه جائز اولماسي لازم كلوردى .

قول ثانيه يعني فراغك ايجار اولديغنه مسائل آتیه تفرع ايدر . ۱ — مسئله ، اجرا اولنان فراغده غبن و تفرير بولنسه مغبون اولان طرف ايچون خيار غبن و تفرير ثابت اولور . قول اوله كوره خيار غبن و تفرير ثابت اوله ماز . زيرا بو قوله كوره فارغك غبن و تفرير ايله واقع اولان فراغي ضمننده اجاره منفسخ اوله رق فارغك بركونه حق قالماز . و بناء عليه خيار غبن و تفرير دعواسني اقامه ايده مز .

۲ — مسئله ، بر كيمسه بدل معلوم مقابلنده اراضيسي آخره فراغ ايدوبده مفروغله بدل فراغي ويرمه فارغ ياخود وفاتندن صكره ورثه سي مفروغ لهدن بدل فراغي طلب ايده بيله جكي كبي مفروغ فوت اولمش ايسه تركه و افيه سني قبض ايدن ورثه سندن بدل فراغي دعوى ايده بيلور . قول اوله كوره فارغ بدل فراغي طلب ايده مز . زيرا حق عادي مجردك عوضى اوله ماز . فراغك ركنى و شروطى :

فراغك ركنى ايجاب و قبولدر . مثلاً فارغ فلان قطعه ارضي سكا فارغ اولدم ديوبده مفروغله دخي قبول ايتدم ديسه فراغ منعقد اولور . ايجاب و قبول قولاً اوله جني كبي مكاتبه و كتاب ايله دخي اولور . بناء عليه فارغ فلان قطعه ارضي بي فلان كمسه يه فراغ ايتديكنه دائر او كمسه يه مکتوب يازوبده اوده قبول ايتسه فراغ منعقد اولور . فقط بو مکتوب دفتر خاقاني مأمورى حضورنده قرائت ايديله رك اوراده قبول ايدملك لازم كلور . نته كم آتیده تشریح ايديله جكلدر .

بو حكم اموال غير منقوله نك مسققات و مستغلات و وقفه قسمنده دخي جاري و مرعى در . واقعا ۹ جمادى الاخرى سنه ۱۲۸۷ تاريخلو و مسققات و مستغلات اوقافك معاملاتى حقنده كى نظامنامه نك ۱۷ نجى ماده سنده شويله محرر در : استانبول و بلاد نلته ده — اسكدار ، غلظه ، ايوب — بولنان كافه اوقاف مضبوطه و غير مضبوطه مسققات و مستغلاتيله كدكار قطعياً يوافاء فراغ و انتقاللري مطلقاً سندات اداره سنده و فارغ و مفروغله و ياخود و كيللري و اوقاف غير مضبوطه نك متوليلري و يواكيللري حاضر اولدقلى حلاله

سندات مدیر ویا معاونلری معرفتیه تقریرلری آلنه رق اجرا قلنور . و اوقاف نظارتی طرفندن تحریراً ویریله جک مأذونیت مخصوصه سندات مدیر و معاونلرینک خارجده دخی تقریر آلمالری جائزدر . بو ماده نظامیه ده «مطلقاً» تعبیری موجود اولوب بونک ترکیه ده کی محل استعماله کوره «هر حاله آنجق، یالکز» کی مضمون کلامی مؤید و خلافندن منع ونهی معناسنده ، بولندی بی درکار ایسه ده بونک معطوف الیهی دفتر خاقانی اداره لری خارجده اوله رق متولیلرینک انضمام رأیلری اولمق سزین فراغک غیر جائزاید و کنی بیانندن عبارت بولمشددر . فی الحقیقه دفتر خاقانی اداره لری خارجده یعنی مثلاً محکمه شرعیه و مقاولات محررلکلی معرفتیه اجرا اولنه جق فراغ باطل اوله رق فراغ واقع حجت شرعیه یامقاولاتدن مصدق سنده ربط ایدلسه بیله برکونا حکم واعتباری اوله ماز .

یوقسه «مطلقاً» نک معناسی تقریر کتابی ایله فراغ منعقد اولماز دیمک دکلدر . زیرا کتابت یعنی تقریر کتابی ایله کرک اراضی امیرییه و موقوفه نک و کرک مسقفات و مستغلات و قفیه نک فراغی صحیح و معتبردر . بو مسئله وجوه آیه ایله اثبات اولنور .

اولاً فراغ ایجار اولوب مجله نک ۴۳۶ ماده سنده مصرح اولدینی اوزره کتابت ایله اجاره عادیه منعقد اولدینی کی فراغ دخی منعقد اولور .

ثانیاً ، مجله نک ۱۷۳ نجی ماده سنده بیان اولدینی وجهله کتابت ایله بیع منعقد اولدینی کی فراغده منعقد اولور . بیع ، بر عقد اولدینی مثلاً فراغده عقددر . بیع کتابت ایله انعقادینه قائل اولوبده فراغک انعقادینک عدم حجتیه ذاهب اولمق غفلتدر .

ثالثاً ، فتواخانه عالی فراغک تقریر کتابی ایله انعقادینه دائر افتا ایدیور . شویله که اوقاف قاضیلغنده بوکا دائر بردعوی تحدرت ایدرک ۱۸ محرم سنه ۱۳۳۱ تاریخنده قاضی طرفندن «تقریر بالکتابه ایله واقع اولان فراغ صحیح و معتبر اولور می» دیه واقع اولان سوأله ۲۰ صفر سنه ۱۳۳۱ تاریخنده «تقریر بالکتابه ایله واقع اولان فراغ معتبر اولور» دیه جواب ویرمشددر .

رابعاً ، قوانین خصوصیه ده مسکوت عنه قالان مسائله قوانین عمومیه ایله حکم ایدمک ضروریدر . خامساً ، فراغک تقریر کتابی صورتنده قبولی دفتر خاقانی اداره لرنده متعاملدر . عادت محکم اولدینی کی ناسک استعمالی برحمتدر که آنکله عمل واجب اولور .

بناءً علیه تقریر کتابی ایله فراغک عدم انعقادینه قائل اولان کیمسه نک علم حقوقدن نصیبه دار بولمدیغنه حکم ایدمک لازم کلور .

فراغک انعقادنده عاقدینک اهلیتی یعنی عاقل و ممیز اولملری شرطدر . بناءً علیه صغیر ممیز و غیر ممیزک فراغی معتبر دکلدر . ولو که مأذون اولسونلر .

وفراغ دفتر خاقانی اداره لرنده اولسی شرطدر .

بناءً علیه مقاولات محررلکندن مصدق سنده و یاسند عادی ایله فراغ باطل اولدینی کی محکمه شرعیه ده فراغ ایدیلوبده فراغ واقع حجت شرعیه ربط ایدلسه دخی حکمسزدر . چونکه بو صورتله واقع اولان فراغده دفتر خاقانی مأمورینک اذنی منضم اولمامشددر .

فراغ لازم اولمق ایچون حق غیر تعلق ایتمامک شرطدر .

بناءً علیه برکیمسه اموال غیر منقوله سنی زیده فراغ ایتدکن صکره ثانیاً عمروه فراغ ایتسه ایکنجی فراغ نافذ اولمیه جنی کی برکیمسه زیدک اموال غیر منقوله سنی فضولی اوله رق دیکرینه فراغ ایتسه فراغ مذکور نافذ اولماز .

نته کیم برکیمسه اموال غیر منقوله سنی دیکر کیمسه یه وفاء فراغ ایتدکن یاخود رسماً تأمینات اولمق اوزره ارااه ایلدکن صکره دیکر بر شخصه قطعاً فراغ ایتسه نافذ اولماز .

اراضی امیرییه ، ارض مملکت و ارض حوز دخی دینلور .

اراضی امیرییه نک انواعی :

اراضی امیرییه بش نوعدر .

نوع اول ، بر مملکتی حین فتحده اراضی غیر مسلم اهالیسی یدلرنده ابقا و تملیک و یاخود غانیمه یابونلرک غیر مسلمینه توزیع اولمیب طرف پادشاهیدن بیت المال ایچون حفظ اولنان اراضیدر . یعنی اراضی مفتوحه هیچ برکیمسه تملیک اولمیب بیت المال ایچون آیقونلق دخی مشروعدر . چونکه بو اراضی یرلی اهالیسنه تملیک و آکا مقابل خراج وضع اولدینی تقدیرده صاحب لری بعدالوفاة ورثه کثیریه موروث اولوب لدی التقسیم هر برینه جزء قلیل اصابت ایتمکله حصه لرینه کوره خراج تعیین و تخصیص اولمق کمال صعوبت و بلکه بو کیفیت امر محال اولدینی جهته بیت المال ایچون آیقونلق مناسب کورلمشددر .

نوع ثانی ، ذاتاً اراضی مملوکه دن یعنی اراضی عشریه یاخراجیه دن ایکن مالک لری بلا وارث و لاوصیه ولادین وفات ایتمکله بیت الماله قالان اراضیدر . یعنی اسباب مشروحه دن طولانی بیت الماله قالان اراضی مملوکه اراضی امیرییه حکمنی اکتساب ایدر .

بروجه محرر اراضی امیرییه حکمنی اکتساب ایدن اراضی عشریه و خراجیه نک عشر و خراج لری ساقط اوله رق اراضی امیرییه صرفه کی طرف میریدن اداره یابلمازیده یاسند خاقانی احاله اولنور .

طرف میریدن اداره دخی مدت معلومه و اجاره عادیه ایله آخره ایجار یا مزارعه صورتیه اعطا یاخود وزیرنه ابنیه امیرییه انشا کی صورتلرله اوله بیلور .

بو وجهله ذاتاً اراضی مملوکه دن ایکن اصحابنک بلا وارث و لاوصیه وفاتیه جانب بیت الماله عائد اوله رق اراضی امیرییه حکمنی اکتساب ایدن اراضی بغداد جهتلرنده چوقدر . چونکه اوراده وفیات کثیریه باعث اولان طاعون و وبا کی امراض مستولیه و قتیله چوق اولور ایدی . اصحابی اللرنده آز مقدارده اراضی مملوکه قالمش ایسه ده بونلر اعمار و زراعت خصوصنده تسامح کوسترمش و اراضیلرینی معطل بر اقق صورتیه

هم کندیلرینی همده خزینہ بی اضرار ایش اولدقلرندن بو اراضی طرف میریدن ضبط اولنهرق خراجی میری و محصولندن یکریمده یاکرمی بشده برکی حصه معینہ بی اراضی اصحابنه ویرمک اوزره زراعه ویریلرک اصحاب اراضی به اعطا اولنان حصه به «عقر» و بو اراضی به «اراضی عقریه» نامی ویرلمشدر .
 بوجه مشروح املاک صرفه نك اصحابندن ضبط ایدلمسی شرع شریف ایله قابل توفیق دکلدر . فقط مجله نك ۱۰۸۵ نجی ماده سنك فقره اخیره سندن مستفاد اولدینی اوزره اراضی خراجیه نك مالکی وفات ایدرک ورثه صغاری زراعته قدرتیاب اوله مامق کبی بوجهله اراضی تعطیل اولنسه طرف میریدن مزارعه به ویریلوب یا ایجار اولنوب مالک اصابت ایدن حصه دن حق بیت المال اولان خراج استیفا اولنور . بالاده ذکر اولنان عقر بوکا قریب بر معامله اولور .

بو اراضی عقریه ، اراضی میریه حکمنده اعتبار ایدلمشدر .

بو اراضی عقریه نك اصحابی آخره فراغ ایتک ایستدکلری تقدیرده مالک اصلیری بولنان عقر اصحابنك حق رجحانلری واردر . بناء علیه شفعه مقامنده اولهرق بونلره فراغ ایدلمک لازم کلور . بونلرک استنکافلری واقع اولدن بشقه لرینه فراغ اولنور ایسه استرداد ایدیلورلر . قری وقصبات درونلرنده بولنان عرصه لر ایله اموال و املاک صرفه سائر اصحابنك دخی بلا وارث ولاوصیه ولادین وفانلری حالنده بونلر دخی بیت الماله عائد اولور . فقط بوکی عرصه لر ، اراضی امیریه حکمنی اکتساب ایتیموب مأمورین حکومت معرفیه بالمزاید بیع ایدیلرک امانی بیت الماله وضع اولنور . و بونلری صاتون آلان مشتری اکا مالک اولوب املاک صرفه احکامی جاری اولور . بو مثللو املاک صرفه بی حکومت صاتیوب ید تملکنده بالابقا عسکری و ملکی امورنده استعمال ایدیلور .

بالاده بیان اولدینی اوزره بونوع اراضی مملوکه نك صاحبی وارثی و وصیتی اولدینی حالده وفات ایدنجیه اراضی امیریه حکمنی اکتساب ایده جکی کبی وارث اولهرق یا لکزر احد زوجین بولنسه بو ایکی وارث کل مالی احراز ایدمه جکندن بونلرک حصه ارثیه لرندن ماعداسی بیت الماله قلوب اراضی امیریه حکمنی اکتساب ایدر . بو حالده وارث بولنان زوج اراضی مملوکه نك نصفی ملک اولمق اوزره اخذ ایدر . و نصف باقی ارض میری اولور . و وارثه زوج به ایسه اراضی مذکور نك ربعی ملک اولهرق ضبط ایلر . و باقی ثلاثه ارباع حکومت قلوب ارض میری اولور . بو تقدیرده حکومت ایله زوج یا زوج به آرمنده ارض مملوکه بوجه مشروح اقسام اولنور .

تفصیلات آنفهدن مستفاد اولورک اراضی مملوکه صاحبی بعضاً بلا وارث وفات ایتدیکی حالده اراضی مذکور بیت الماله عائد اولماز . چونکه متوفی کل مالی بر شخصه یا وجوه خیره وصیت ایتش اولور . و بعضاً وارثی اولدینی حالده وفات ایتشکن بیت الماله راجع اولور .

نوع رابع ، ذاتاً اراضی مملوکه دن ایکن مرور زمان ایله مالکلی کیم ایدوکی مجهول و کیمه عائد بولندینی

غیر معلوم بولنان اراضیدرک بو اراضی دخی بیت المال ایچون ضبط ایدیلرک اراضی امیریه دن معدود اولور . نوع رابع ، رقبه سی بیت الماله عائد اولمق اوزره احیا اولنان اراضی موآدر . شویله که باسند کیمسه نك تصرفنده اولمیان و من القدیم اهالی قصبات و قریه تخصیص قلمنمیان واقصای عمراندن جهیرالصوت اولان کیمسه نك صحیح سی استماع اولنیه جق درجه قصبه و قریه دن بعید بولنان یعنی تخمیناً بر بقی میل یعنی یارم ساعت مقداری مسافه بعدتی اولان کوهی و طاشلق و قراج و پرناللق کبی خالی محللر اذن سلطانی ایله احیا اولنیلور . یعنی بومقوله یرلری اذن سلطانی ایله تبعه دولت علیه دن بولنان هر کس احیا ایدیلور . لکن رقبه سی بیت الماله عائد اولمق اوزره احیا به ویریلوب بو وجهله احیا ایدیلان اراضی ، اراضی امیریه اولور . یوقسه احیا ایدنک ملکی اولماز .

بو وجهله احیا اولنان اراضی محصولندن برسنه و اراضی طاشلق ایسه ایکی سنه عشردن معاف اوله جنی طایو نظامنامه سنك اون ایکنجی ماده سننده بیان اولنور .

موآی احیاده اذن سلطانی شرطدر . بناء علیه بر کیمسه موآی بلا اذن احیا ایدرسه مجاناً اکا متصرف اوله ماز . بدل مثل کندیسندن آلهرق تفویض اولنور . بلا اذن احیا ایتسی کرک جهلا و کرک تهاونا اولسون حکمنده مساویدر . بو صورتده بر کیمسه ، دیگر کیمسه علیه فلان اراضی موآی بن احیا ایتدیکم حالده مدعی علیه بغیر حق وضع ید ایدیلور دیه دعوی ایتسه بو دعواسی صحیح اولماز . چونکه دعواسنده اذن صاحب ارضله احیا ایتدیکنی ذکر ایتما مشدر . و بلا اذن احیاده ایسه کندیسنک یا لکزر بدل مثل ایله آلمق حق بولنوب بو حقنی هنوز استعمال ایلدیکی جهته او اراضیده برحق مادیمی یوقدر .

موآی احیاده اذن سلطانی شرط اولیشی شونندرک بو اراضی ذاتاً اهل حرب یدنده ایکن ایدادی مسلمینه فی اولهرق کچمش اولغله غنایمده حق تصرف سلطان عائد اولدینی کبی بونده دخی ، حتی تصرف سلطانه عائد اولور .

فقط بوکی اراضی موآی احیا ایتکه اذن ویرمک حق و صلاحیتی نظامات مخصوصه موجنبه دفتر حاقانی مأمورلرینه تفویض اولنش اولغله بونلرک ویره جکلری مأذونیت اذن سلطانی مقامنه قائمدر .

احیانک اذن سلطانی ایله مشروطیتی امام اعظم مذهبیدر . مجله نك ۱۲۷۲ نجی ماده سننده بو مذهب قبول ایدلمشدر . امامینه کوره بلا اذن موآی احیا ایتک دخی صحیح و احیا ایدنک آنده حق تصرفی ثابت اولور . بر قطعه اراضی موآک احیایی ایچون اذن آلان بر کیمسه اوقطعه نك بر مقداری احیا و باقیسنی ترک ایتدکه احیا ایتدیکی یره حق تصرفی ثابت اولور ایسه ده باقیسنده برکونه حق اوله ماز .

فقط احیا ایتدیکی اراضینک اورته سننده بر مقدار محل ، بلا احیاء قالسه او محل دخی آنک اولور . زیرا بو محل ، طریقسز قالدینی جهته بشقه طرفدن احیا ایدلمک امکانی قلامش و بناء علیه بالضروره اوده احیا ایدلمش عد اولنور :

احیادن محدود اولان احوال :

مجله نك ۱۲۷۵ و ۱۷۶ ماده لرنده مذکور اولدینی اوزره آتی الذکر امور ثمانیه احیا عد اولنور .

۱ — تخم اكمك .

۲ — فدان ديكمك .

۳ — ابنیه انشا ايلك .

۴ — نطاس ايتكم .

۵ — سقى ايلك .

۶ — سقى ايچون خرق وجدول احق .

۷ — اراضينك اطرافه ديوار چكمك .

۸ — مسنات يابلق .

بالاده مذکور امور ثمانیه دن برینی باذن سلطانی موآده یاپان کیمسه اول موآتی احیا ایتمش اولور .

بناء علیه تصرفی مشعر سند خاقانیسی ویرلسی لازم کلور .

اراضی امیری نك تحجیری :

مجله نك ۱۲۷۷ و ۱۲۷۸ ماده لرنده مصرح اولدینی اوزره اراضی موآده تحجیر دخی جاری اولور .

آتی الذکر امور اربعه تحجیر دن معدوددر .

۱ — طاش یاخود دیکن ویا قوری اغاجلری وضع ایدره ك اراضی موآتك جوانب اربعه سنی احاطه ايتكم .

۲ — اراضی موآتك اوتلرینی آیقلامق .

۳ — اراضی ایچنده کی دیکنلری یاقمق .

۴ — اراضی موآت ایچنده قویی قازمق .

تحجیرك حکمی :

برکیمسه اراضی موآدن بر محلی اذن سلطانی ایله تحجیر ایتسه اوچ سنه مدته اول یره احق اولور .

بومدته بشقه لری اوقطعه موآتی احیا ایدمهز . اوچ سنه قدر احیا ایتمز ایسه حق قالماز . واحیا ایتكم اوزره بشقه سنه ویریه بیلور .

بونده کی سنده مراد ، سنه عربیه در . سنه شمسیه دکلدر . زیرا بومسئله کتب شرعیه دن مأخوذ اولوب

اصطلاح شرعیه سنه ؛ سنه عربیه مصر و ف اولور .

اراضی موآتك اقطاعی :

اراضی موآتك احیاسنه برکیمسه نك رخصت آلمسنه واول کیمسه یه طرف حکومتدن احیایه اذن ویرلمسنه

اقطاع اطلاق اولنور .

بر کیمسه موآتی احیا ایتكم اوزره اكا اقطاع یعنی اعطا اولندقدن صکره اوچ سنه عربیه یدنده ترك

ایدیلور . و بو اوچ سنه اكا تعرض اوانه ماز . بو اوچ سنه اول اراضی یی احیا ایدرسه اكا متصرف اولور .

بومدته بلاعذر احیا ایتمز ایسه کندیسنه ویریلان اذنك حکمی قالماز . واول اراضی کالاول موآت اوله رق

قالور . بوندن صکره ینه اول کیمسه یه ویاخود بر شخص آخره احیا ایتكمه رخصت ویریه بیلور . وشخص

آخره احیایه اذن ویرلدکده اولجه اذن آلان کیمسه بوکا معارضه ایدمهز .

بلاعذر دنیلدی . زیرا احیاسنه اذن آلان کیمسه نك خسته لکی کی اعذار شرعیه دن بریه اوچ سنه

مرور ایتسه بیه آخره ویریه مز .

اراضی موآده امور خمس نك جریانی :

اراضی موآده امور خمس جاری اولور .

۱ — اذن سلطانی ایله رقبه سی بیت الماله عائد اولمق اوزره احیا .

۲ — احیا ایتكم اوزره اقطاعدر .

۳ — بلا اذن احیا ایتكمدر .

۴ — اذن سلطانی ایله احیا ایدنه ك ملکی اولمق اوزره احیادر .

۵ — اذن سلطانی ایله تحجیردر .

بالاده تعداد اولنان امور خمس نك احکامی مفصلاً ایضاح ایدلمشدر .

قسم ثالث ، اراضی موقوفه در .

اراضی موقوفه ایکی نوعدر .

نوع اول ، صحیحاً اراضی ملوک کدن ایکن شرعیه توفیقاً وقف اولنش اولان ارضدر . اراضی ملوک

یوقاریده سبق ایدن انواع خمس سندن هر هانکی نوعی اولور ایسه اولسون کتب فقهییه ده کی مسائل وقفه

موافق صورته وقف اولنور ایسه اوقاف صحیحه دن اولور .

بناء علیه فی الاصل اراضی عشریه یا خراجیه دن اولان بر مملکتده وقف ایدلمش اولان بر مزرعه

حقنده احتماله مذکور مزرعه نك مالکی بلا وارث وفات ایدوبده مزرعه مذکوره جانب بیت الماله عائد اوله رق

اراضی امیری حکمنی اکتساب ایتدکن صکره بدون التملك واقفی طرفندن وقف ایدلمش اولسون دنیلمز .

زیرا سنده مستند اولیان احتمال ایله او مزرعه نك اوقاف غیر صحیحه دن ایدوکنه حکم اولنه ماز .

اراضی عشریه یا خراجیه وقف ایدلمکه عشر یا خراجی ساقط اولماز . کالاول بیت الماله اداسی لازم

کلور . نته کیم اراضی امیری دن بولنان بر قطعه ارض ، طرف سلطانیدن تمليك صحیح ایله بر کیمسه تمليك

اولنوبده اول کیمسه دخی او مزرعه یی وقف صحیح ایله وقف ایتسه آنك اعشار شرعیه سی کالاول بیت الماله

اداسی لازم کلور . نته کیم اراضی امیری دن بولنان بر قطعه اراضی ، طرف سلطانیدن تمليك صحیح ایله

بر کیمسه یه تملیک اولنوبده اول کیمسه دخی اومزرعه یی وقف صحیح ایله وقف ایتسه انک اعشار شرعیه سی کالاول بیت الماله ادا اولنق لازم کلور .

بناء علیه بر محله وقف صحیح ایله تخصیصات قیلندن اولان وقف غیر صحیح اجتماع ایده بیلور . شویله که بالاده ذکر اولنان اراضی عشریه یا خراجیه دن بری مالکی طرفدن وقف صحیح ایله وقف اوندقدن صکره آنک بیت الماله عائد اولان حاصلاتی دخی طرف سلطانیدن برجهته وقف وتخصیص اولنسه بو محله وقف صحیح ایله وقف غیر صحیح اجتماع ایش اولور .

اوقاف صحیحده شرط واقفه اتباع لازم اولدیغی حالده تخصیصات قیلندن اولان اوقاف غیر صحیحده شرط واقفه اتباع واجب اولدیغندن ایکی وقف آرمسند بووجهله دخی فرق حاصل اولدی .

نوع ثانی، اراضی امیریهدن بالا فراس سلاطین عظام حضراتنک یا خود اذن سلطانی ایله آخرلرینک وقف ایلش اولدیغی اراضیدر . بومثللو اراضینک وقیتی یالکیز اراضی امیریهدن برقطعه معینه نک اعشار ورسوماتی مثللو منافع میریه سی طرف سلطنت سنیه دن یا خود اذن سلطانی ایله دیکرلری جانبندن برجهته تخصیصدن عبارتدر . بووقف ، وقف صحیح دکلدر . بوکا وقف ارصادی اطلاق اولنور . ارصاد ، ارضنک رقبه سی کان بیت المالك اولق اوزره برقطعه ارض میرینک منافی برطرفه تخصیصدن عبارتدر .

دیمکه وقف ایدیلان رقبه ارض اولیوب بلکه اوارضدن حاصل اولان منافعدر . منافع ارض دخی امور آتیه دن عبارتدر .

۱ — اعشاردر . اعشار عشرک جمعی اولوب عشر دخی اراضی مزروعنه نک حاصلات زرعیه سندن اونده بر اولق اوزره آلتان حصه در .

۲ — بدل عشردر . اراضی موقوفه اوزرینه ابنیه یا باغ ویاغچه احداث اولنهرق اولوجهله زراعت امکانندن چیقاردلقدده عشره بدل ، نقوددن اولهرق اجرت تخصیص ایدیلور . بوکا مقاطعه و اجاره زمین دخی اطلاق اولنور . خرمن یری وقوری واورمان حاله افراغ ایدیلان اراضی امیریه ایچون دخی بروجه مشروح بدل عشر تخصیص اولنور .

۳ — یایلاق و قشلاق رسملیدر . اراضی امیریهنک یایلاق و قشلاق قسمی زراعت ایدیلهمیه جکندن و بناء علیه عشرک استیفاسی ممکن اولمیه جگندن بونلردن رسوم آلتور . وبوکا رسومات یایلاقیه و قشلاقیه اطلاق اولنور .

۴ — محمولات صرفه بدیلدر . بر قطعه ارض میرینک متصرفی اصحاب انتقالندن وحق رجحان اصحابندن کمنه اولدیغی حالده وفات ایتدکده حق تصرف بیت الماله رجعت ایدر . دفتر خاقانی مأمورلری طرفندن بالمزایده بدل معجل ایله آخره تفویض اولنور و بو بدل میری ایچون اخذ اولنور .

۵ — حق رجحان اصحابندن آلتان بدل مثلد . ارض میرینک متصرفی اصحاب انتقالدن کمنه سی

اولدیغی حالده وفات ایتدکده بو ارضنک حق رجحان اصحابی بولنسه ارض بیت الماله رجعت ایدر . ودفتر خاقانی معرفتیه ارباب وقوفه تقدیر ایتدیریلان بدل مثل ایله حق طابو وحق رجحان اصحابنه تفویض ایدیلور . کوریلور که دردنچیده یعنی محمولات صرفه ده بالمزایده و بشنجیده بالمزایده بدل مثل ایله تفویض اولنق لازم کلور .

۶ — خرج فراغدر . کیمسه ارض میری یی آخره فراغ ایتدکده استیفا اولنان خرجدر . یعنی بدل مقابلنده یا خود بلا بدل یا خود مبادله برینک عهده سندن دیکرینک عهده سنه کچیریله جک بالعموم اراضی امیریه و موقوفه نک قیمتلرینک بیکده اوتوز غروش اولق اوزره و وفاء یا استغلالاً فراغده مقدار دین اوزرندن سویاً بیکده بشر غروشدن خرج استیفا ایدلسی ۱۷ ایلول ۳۱۸ تاریخده با اراده سنیه اصول اتخاذ ایدلمشدر .

۷ — خرج انتقالدر . بر قطعه ارض میری متصرفی وفات ایدوبده بو ارضنک متوفانک اصحاب انتقالنه انتقال ایتدیرلیدی صروده میری ایچون قیمت اراضیدن بیکده حسابیه منتقل الیه دن استیفا اولنان خرجدر ، یعنی اراضی امیریهنک متصرفنک وفاتی اوزرینه اصحاب انتقالنه انتقال معامله سنی اجرا ایچون اراضینک قیمتندن بیکده اون بش خرج انتقال نامیه اخذ ایدلسی بالاده محرر تاریخده اصول اتخاذ اولمشدر .

۸ — خرج تفویضدر . اراضی امیریه و موقوفه نک حق قرار ایله تفویضنده ویریله جک سندات ایچون بیکده اوتوز غروش خرج استیفا ایدیلور .

۹ — خرج تقسیمدر . اراضینک تقسیمنده و پارچه لره افرازنده مجدداً ویریله جک سندات ایچون بیکده وکسرده ایکی نسبتنده استیفا اولنان خرجدر .

اراضی امیریه موقوفه نک بالاده تعداد اولنان منافع ، مخصص له طرفه رد و تسویه اولنور .

اراضی امیریه موقوفه نک مخصص لهی ایکی صنفدر .

صنف اول ، مصارف بیت المالدن بر جهت اولور . بوکا تخصیص صحیح اطلاق اولنور مدرسه مدرسی ، تحصیل علوم شرعیه ایدن طلبه سی ، مکتب معلمی ، جامع امامی و خدمه سی کبی . بونلر ، خدمات دینیه و عمومیهدن بولندیغندن بوکی خدمتلی ایفا ایدن ذواته بیت المالدن معاش ویرلمک لازم کلور . ایشته اراضی امیریهنک بیت الماله عائد اولان منافی بونلره وقف وتخصیص اولنسه صحیح اولور . بوندن مقصد ، مصلحت و منفعت عامه بولنان بر جهته ارض میرینک رسوم و منافعی طرف پادشاهیدن تأییددن عبارتدر . بناء علیه پادشاه طرفندن بر مقدار اراضی امیریه بر مدرسه نک مصالحنه وقف ایلسه جائز و صحیحدر .

صنف ثانی ، مصارف بیت المالدن اولیان بر جهت اولور . بوکا تخصیص غیر صحیح دنیلور . اراضی امیریهنک رسومات و منافعی بیت المالدن استحقاقی بولنمیان و معاش آلمغه حق اولیان کسانه وقف وتخصیصدن عبارتدر .

بو ايكي صنف آره سنده فرق واردر . شويله كه صنف اولك نقض و ابطالی جائز دكلدر . اما صنف ثانیك شرطری تبدیل و مقدار غله تنقیص ایدلك و حتی امر سلطانی ایله بو وقف بالکلیه ابطال اولمق صحیح اولور . حتی یدی یوز سگسان تاریخنده فقها دن متشکل بر مجلس عقد اوله رق بو مجلسده بر چوق فقها و حتی شارح الهدایه شیخ اکل دخی حاضر بولنه رق بالذاکره بو صنف ثانی وقفك تبدیل و تغییرینك و حتی بالکلیه ابطالك جوازینه قرار ویرمشلدر .

اراضی امیریة نك واقفی اعتباریله دخی ایکی صنفه تقسیمی لازم کلور .

۱ — واقف ، بالذات سلطان حضرتلری اولور .

۱ — اذن سلطانی ایله متصرفی طرفندن اولور .

بوایکی صورتك ایکیسی دخی جائز و صحیح اولور .

اما متصرفی بلا اذن سلطانی وقف ایلسه بو وقف کأن لم یکندر . یعنی بو وقف ، اوقاف صحیحهدن اولیه جنی کبی وقف ارضادی قیلندن دخی اوله ماز . چونکه اراضی امیریة نك متصرفی مستأجر ، و مأجورک یالکز منفعتنه مالک اولوب یوقسه رقبه سنه مالک دکلدر . حالبوکه مال موقوفك حین وقفده واقفك مالی و ملکی اولسی شرطدر .

بناء علیه بوجه مشروح وقف ایدیلان ارض میری کالاول اراضی امیریة صرفه دن اوله رق اول کیمسه آکا کالاول متصرف اولور . و عشرینی بیت المساله ادا ایدر . و اذن مأمور ایله آخره فارغ اوله بیلور . و متصرفی وفات ایتدکده اصحاب انتقاله انتقال ایلر . و اصحاب انتقالدن کمنه بولنیمجه محلول بیت المساله عائد اولور . و آخره تفویض اولنور . و الحاصل وقف مذکورک اصلا حکمی یوقدر .

ممالك عثمانیه واقع اراضی موقوفه نك اکثریسی اوقاف غیر صحیحهدن یعنی تخصیصات قیلندن اولان اوقافدن تعبیر دیکرله وقف ارضادی جمله سندندر .

بویله تخصیصات قیلندن اولان اراضی امیریة موقوفه اوچ صنفدر . اوچه انحصار ایتمسك سبی شودر :

اراضی امیریة وقف ایدلسیله رقبه سی بیت المالك ملکی اولمقدن چقیمیه جغندن جهات خیریه ته تخصیص اوله جق ایکی شی قالور . بریسی منافع امیریة دیکریده حقوق تصرفیه در . بو ایکی شیدن یالکز بریسك منفرداً تخصیصی جائز اولدینی کبی مجتمعاً تخصیصی دخی جائزدر . منفرداً تخصیصندن ایکی صنف و مجتمعاً تخصیصندن دخی بر صنف حاصل اولور . شیمدی بو اصناف ثلاثینی ترتیب ایدلم .

۱ — رقبه سی بیت المساله عائد اولدینی کبی حقوق تصرفیه سی دخی بیت المساله راجع اولور . یالکز اعشار و رسوماتی بالذات طرف سلطانیدن یا خود اذن سلطانی ایله افراددن بری جانبندن بر جهته وقف ایدلمش اولور . یعنی بویله تخصیصات قیلندن اولان اراضی موقوفه نك اراضی امیریة صرفه کی رقبه سی بیت المساله عائد اولسیله بونلر حقنده اموال غیر منقوله قانونك بالجله احکامی و کیفیت انتقالی تمامیه جاری اولور .

یعنی بونوع اراضی موقوفه باسند خاقانی زراعه تفویض و احاله اولنور . و متصرفی وفات ایتدکده اموال غیر منقوله نك صورت انتقالی حقنده کی قانونه توفیقاً اصحاب انتقاله انتقال ایلر . و متصرفی دفتر خاقانی اداره سنده بدل معلوم مقابلنده یا بجانا آخره فراغ قطعی یا بسلمك شرطی ایله فراغ ایده بیلور .

فقط اراضی امیریة صرفه ایله اراضی موقوفه آره سنده بوجه آتی فرق واردر . شویله که رسم فراغ و انتقال و بدل محمولات اراضی امیریة صرفه ده یعنی تخصیصات قیلندن اوله رق وقف ایدلماش اولان اراضیده جانب میریة عائد ایکن بو مقوله اراضی موقوفه ده وقفی طرفنه عائد اولور . چونکه بونوع وقفك معنایی اعشار و رسوماتك بر جهته تخصیصندن عبارتدر .

۲ — اعشار و رسوماتی کالاول بیت المساله عائد اولوب یالکز حقوق تصرفیه سی بر جهته وقف و تخصیص ایدلمش اراضیدر . بو اراضی مشروطه لار طرفندن تصرف و زراعت اولنور . یعنی وقفك بو قسم اراضی موقوفه دن انتفاعی شخص عهده سنده بولان اراضیدن متصرفك انتفاعی مثللو زراعت و حراثت و آخره اجاره عاریه ایله و یا مزارعه ایله بالاعطا حاصلات و بدلاتندن فائده مند اولمق ایله در .

مثلا بر قطعه اراضی بوجه مشروح بر زاویه نك زاویه دارینه یا خود بر مدرسه نك مدرس یا طلبه سنه یا خود غازیلردن برینه وقف ایدلمش اولسه موقوفه له بو اراضی بی زراعت ایدر . حاصلاتندن عشر شرعیسی بیت المساله ادا ایدر . باقی حاصلاتدن وقف انتفاع ایدر .

۳ — هم حقوق تصرفیه سی همده اعشار و رسوماتی بر جهته وقف و تخصیص ایدلمش اولان اراضیدر . یعنی بو قسم اراضی موقوفه ده اعشار دخی طرف وقفه ایفا اولنور . یوقسه بیت المساله ویرلر .

بناء علیه بر قطعه ارض میرینك هم حقوق تصرفیه سی همده اعشار و رسوماتی جامع و مدرسه کبی بر جهته وقف و تخصیص اولنسه جائز اولور .

بو صنف ثانی وثالث اراضی موقوفه ده فراغ قطعی و فراغ بالوفا و فراغ بالاستغلال و انتقال مثللو احکام قانونیه جاری دکلدر . یالکز طرف و فقندن بالذات یا علی طریق الایجار یا علی وجه المزارعه زراعت و تصرف ایتدیریلهرک منافع حاصله سی وقفك مشروط له نه صرف اولنور . و بو صنف ثانی وثالثدن اولان اراضی امیریة موقوفه سند خاقانی ایله تصرف ایتدیرلر .

بو صنف ثانی وثالثدن اولان اراضی امیریة موقوفه ده احکام قانونیه دن مثلاً انتقال و فراغ جاری اولماز دنیلدی . زیرا بو اراضی موقوفه حقیقی بر شخصك عهده تصرفنده بولنیوب مثلاً بر مدرسه مدرسه یا بر جامعه مشروط اولدیغندن مثلاً مدرسك وفاقی تقدیرنده یرینه مدرس اولان کیمسه تصرف ایدر . یوقسه متوفی مدرسك اولادینه یا سائر اصحاب انتقاله انتقال ایلر . و مدرس بو اراضی بی کمنه یه فراغ ایده مز .

اراضی موقوفه نك اصناف ثلاثه سی آره سنده کی فرقلر :

بو اراضی موقوفه نك اصناف ثلاثه سی آره سنده وجوه اربعه آتیله فرق واردر .

وجه اول ، صنف اول ؛ سند خاقانی ایله تصرف اولور . صنف ثانی و ثالث سند خاقانی ایله تصرف اولماز .

وجه ثانی ، صنف اولده فراغ وانتقال وراثت و تأمینات و محلولیت کبی احکام قانونیه جاری اولور . صنف ثانی و ثالثده یونلر جاری اولماز .

وجه ثالث ، صنف اولک حقوق تصرفیه سی جانب بیت المساله عائد اولور . اما صنف ثانی و ثالثک حقوق تصرفیه سی طرف وقفه راجع اولور .

وجه رابع ، صنف اولده و ثالثده اعشار و رسومات وقفه و صنف ثانیده بیت المساله راجع اولور .

تخصیصات قبیلندن اولان وقفک صنف رابی :

تخصیصات قبیلندن اولان وقفک دردنجی برصنفی ده واردر . شویله که اشخاصک تحت تملکبرنده بولسان اراضی عشریه و خراجیه نک بیت المساله عائد اولان عشر و خراجری طرف سلطانیدن مصارف بیت المالدن اولان برجهته وقف و تخصیص اولنه بیلور . بوصنف رابع و قفدن قانونده بحث اولنیور . زیرا بووقف ایدیلان عشر و خراجک متعلق اراضی امیریه اولیوب بلکه اراضی مملو کدن ایدوکنه و بومثلو اراضی مملو کده یالکیز مجله وقفه احکامی جاری بولندیغنه مبنی بوقانونده بوجهت موضوع بحث اوله مار .

قسم رابع ، اراضی متروکه در .

اراضی متروکه ایکی نوعدر .

نوع اول ، عموم ناسک معین بر صورتله انتفاع ایتلری ایچون ترک اولمش یرلردر . بونلر شونلر در .

۱ — طریق عام . طریق عام ، قوم غیر محصوره عائد طریقدر . بونک مقابلی طریق خاصدر . طریق خاص دخی قوم محصوره راجع اولان طریقدر . طریق عامدن هر کس مرور ایده بیلور .

۲ — نمازگاه . قرا و قصابات دروننده یا خارجنده اهلینک نماز قلملرینه مخصوص اولان آچیق یردر . بو یرده هر کس ادای صلاة ایده بیلور .

۳ — بازار } محللریدر . بو محللرده هر کس سرکیسنی قوره بیلور .
۴ — پنایر }

بو نوع اراضی متروکه بر شهر یا قصبه دروننده یا اتصالنده بولسه دخی بونلر ایله انتفاع یالکیز او شهر و قریه و قصبه اهلینسه مخصوص اولیوب آکا قریب و بعید بالمله شهرلر و قریه لر اهلینسک حق انتفاعی واردر .

بو نوع اراضی متروکه دن صورت انتفاع :

بو نوع اراضی متروکه دن بالاده ذکر اولندینی اوزره او نوع اراضی نه درلو انتفاع ایچون وضع و تخصیص اولمش ایسه آنجق او صورتله انتفاع اولنه بیلور .

طریق عامدن صورت انتفاع : هر کسک طریق عامدن بشرط السلامه حق مروری واردر . یعنی بو حق مرور ، ممکن التحرز اولان حالاتده بشقه سنه ضرر و یرمامک شرطیله مرور ایده بیلور . زیرا طریق عامدن مرور صورتیله انتفاع ایدن کسسه من وجه کندی ملکیده انتفاع ایدیور . شو جهته که او کسسه دخی عامه دن بریدر بو اعتباریله ممکن التحرز اولیان حالاتده بشقه سنه ضرر و یرسه دخی مسؤل اولماز . من وجه آخر غیرک ملکیده انتفاع ایدیور . شو اعتباریله که طریق عام یالکیز او کسسه عائد اولیوب عامه اونده مشارکدر . بوندن طولای ممکن التحرز اولان حالاتده بشقه سنه ضرر و یرسه ضامن اولور . بو صورتله هر کسه حق مرور و یرلر کده هم مرور ایدن حقندن مستفید همده دیگرلرک حق محفوظ اولور . و بو وجهله ایکی طرفک حقنه مراعات ایدلش اولور .

بناء علیه طریق عامده بر حمالک آرقه سنده کی یوکی دوشوبده برینک مالی تلف ایتسه ضامن اولور . حال یوکنی محکم باغلا یوب متربضانه حرکت ایتسیدی بو ضرر واقع اولمازدی . (مابعدی وار)

محکمه تمیز رئیس اولی

علی صیبر

اون اوچنجی مبحث

قونسولسرك عهده دار اولدیغی جزا و حقوق دعوالری

جزا دعوالری . — عهود عتیقه یه نائل اولان دول اجنبیه قونسولسری برطاق امتیازات مخصوصه یی حائزدرلرکه بونلرک برنجیسی واک مهمی قونسولسرك محاکم جزائی عثمانیه یه تابع اولاملری یعنی بر عثمانلی ایله اجنبی برقونسولس بیننده تحدث ایدن جزا دعواسی دولایسیله بیله قونسولسک تعامل محاکم عثمانیه ده محاکمه ایدلامسی کیفیتندن عبارتدر . مع ذلك بوبابده قایتولاسیونلر احکامی پک ده متحد اولیوب چونکه بعض قایتولاسیونلر قونسولس و ترجمان ایله تبعه اجنبیه یی محاکم عثمانیه نک حق قضاسنه تابع اولوب اولماق خصوصنده مساوی عد ایتدیکی حالده دیگر بعض قایتولاسیونلر قونسولسلر ایچون بر وضعیت خصوصیه و ممتاز طایفه ده و بوسورتله قونسولسرك امتیازات مخصوصه سنی تبعه اجنبیه نک امتیازاتندن تفریق ایلکده در .

فی الواقع ۱۰۱۳ (م ۱۶۰۴) قایتولاسیوننک اوتوز التنجی و ۱۰۸۴ (م ۱۶۷۳) قایتولاسیوننک

یکرمی طقوزنجی مادهلرینی تکرار ایدن ۱۱۵۳ (م ۱۷۴۰) فرانسز قاپیتولاسیوننک یکرمی اوچنجی مادهسند «فرانجه تاجرلری و ترجمانلری و قونسولوسلری ممالک محروسهده بیع و شرا و تجارت و کفالت خصوصلرند و سائر امور شرعیهده قاضیه واروب ثبت سجل ایتدیروب و یا حجت الہلر؛ صوکره نزاع اولورسه حجت و سجله نظر اولنوب موجیله عمل اولنه؛ ایکسندن بری اولیوب مجرد شاهد زور اقامت ایدوب خلاف شرع شریف نسنه دعوا ایدرلر ایسه مادامکه قاضیلردن حجتلری اولیوب و یا خود سجلده مقید بولنیه، انک کبی تزویر ایتدیرلیوب خلاف شرع شریف اولان دعوالری استماع اولنیه» وینه مذکور قاپیتولاسیوننک اللی ایکنجی مادهسند «قونسولوسلرک و تجارتک سائر ملل نصارا قونسولوس و تجارتلرله بینلرند نزاع واقع اولدقدہ طرفینک رضا و طلبلرله دعوالری آستانه سعادتمده مقیم ایلچیلرینه حواله اولنقه جواز ویریلوب و مادام مدعی و مدعی علیہک رضالری اولیه بومقوله بینلرند اولان دعوائی ولایه و حکام و قضاة و ضابطان و کمرا امناسی بزلر استماع ایدرز دیو جبر ایلهمیلر» و ۱۱۳۰ (م ۱۷۱۸) اوستریا قاپیتولاسیوننک بشنجی مادهسند «وروما ایمپراطورینه تابع اولان قونسولوس و ترجمانلری و اتباعی و سائر تجاری ممالک محروسهده بیع و شرا و تجارت و کفالت و سائر امور و خصوصلری اولدقدہ قاضیه واروب ثبت سجل ایتدیروب و حجت و معمول به تمسک آلہلر؛ صوکره نزاع اولور ایسه حجت و تمسک و سجله نظر اولنوب موجب شرعیسی ایلہ عمل اولنه» و دیگر بر فقرهسندہ دخی «ودوات چاساریه طرفدن تعیین اولنان قونسولوس وکیللری و یا ترجمانلری و اتباعندن و یا تجارتندن بریلہ بر آخر کمسنهک دعوائی ظهور ایله اوچ بیک اچقدن زیاده اولان دعوالری کنار محکمهلرده استماع اولنوب آستانه سعادتمده حواله اولنه» و ۱۱۵۳ (م ۱۷۴۰) سجلیاتین قاپیتولاسیوننک بشنجی مادهسند «قونسولوس و ترجمانلری ایلہ دعوا ظهور ایدرسه درت بیک اچقدن زیاده دعوی اولدینی حالده دعوالری سائر محلده استماع و فصل اولنوب آستانه سعادتمده حواله اولنه» دینلرک قونسولوسلر دیگر تبعه ایلہ مساوی تلقی ایدلمشدر.

حالبوکه ۱۰۱۳ (م ۱۶۰۴) فرانسز قاپیتولاسیوننک یکرمی بشنجی مادهسند «و تاجرلرینک احوالی ایچون نصب ایلدکلری قونسولوسلردن بعض کمسنلر دعوا ایتدکلرندہ کندولرین حبس ایدوب اولرین مهرلیوب تعدی ایتیلر؛ و قونسولوسلرله دعوائی اولنلرک خصوصی آستانه سعادتمده استماع اولنه» و ۱۰۸۶ (م ۱۶۷۵) انکلز قاپیتولاسیوننک یکرمی بشنجی مادهسند «وانکلتره ایلچیلری تاجرلرینک حمایت اولنق ایچون ممالک محروسهده نصب و تعیین ایلدکلری قونسولوسلری اصلا حبس اولنوب و اولری مهرلنوب کندولرین ارامیلر و رفع اولنیلر و هر نه مقوله دعوالری اولورسه سده سعادتمده عرض اولنوب انکلتره ایلچیلری جوان ویرلر» و ۱۰۹۱ (م ۱۶۸۰) هولانده قاپیتولاسیوننک التجی مادهسند «و تاجرلرک احوالی ایچون نصب ایلدکلری قونسولوسلردن بعض کمسنلر دعوا ایتدکلرندہ کندولرین حبس ایتیلر و اولرین مهرلهمیلر؛ قونسولوسلری و ترجمانلرله دعوالری اولنلرک خصوصلری آستانه سعادتمده استماع

اولنه» و ۱۱۷۰ (م ۱۷۵۶) دانمارقه قاپیتولاسیوننک یکرمی التجی مادهسند «دانمارقه تجارینی حمایت ایلک ایچون ممالک محروسهده مقیم دانمارقه قونسولوسلری حبس اولنیلر و هر نه دعوالری اولور ایسه ایلچیلری معرفتله آستانه سعادتمده کوریلہ و منزللری مهرلنوب تفتیش و تفحص اولنیه» و ۱۱۷۴ (م ۱۷۶۱) روسیا قاپیتولاسیوننک بشنجی مادهسند «و ممالک محروسهده مقیم روسیا قونسولوسلری حبس اولنیه و هر نه دعوالری اولور ایسه ایلچیلری معرفتله آستانه سعادتمده کوریلہ و منزللری مهرلنوب تفتیش و تفحص اولنیه» دینلرک تبعه اجنبیه شامل اولقسزین انجق قونسولوسک بخصوصه حائر اولدینی امتیازات موضوع بحث اولمش و هیچ بر ماهیت و مقدار ایلہ مقید اولماق اوزره صورت مطلقده قونسولوسلرک دعوائی دیوان هایونه مودوع بولندینی ذکر ایدلمشدر.

اشته شو ایکنجی قسم فقرات عهدیهدن مستبان اولدینغه کوره قونسولوس ممالک عثمانیهده ولوکه بر عثمانلی علینه ایقاع جرم ایتش اولسون، حکومت عثمانیهک انی توقیف و حبسه حق و صلاحیتی اولهمیه جقدر؛ حالبوکه دیگر قسم فقرات عهدیهدن قونسولوسلر حقندده تبعه اجنبیهکی معاملہ اولنہ جنی مستدلدر. مع مافیہ سیاق واحده جریان ایدن تعاملہ استناداً قونسولوسلرده سفراکی مصونیت شخصیہی حائر بولندینی و بونک نتیجهسی اولهرق قونسولوسلر ممالک عثمانیهده، ولوکه تبعه محلیهدن بری علینه ایقاع جرم ایتش اولسونلر، هیچ بر صورته محاکم جزائیہ عثمانیهک صلاحیت قضائیہسنه تابع اولهمیه جقلری ادعا ایدلمکده ایسهده اجانبک اک زیاده مدار استنادی اولسی لازم کلان انکلتره قاپیتولاسیونندن بیلہ بو معنای استنباط قابل دکلدر؛ چونکه جوان ویرلر سوزی ایقاع جرم ایدن قونسولوس حقندہ ترتب ایدن جزائی بالذات انکلتره ایلچیسینک ترتیب و تطبیق ایدہ جکی و محاکم عثمانیهک بوقبیل دعاوی بی رؤیت ایلهمیه جکی مآلی مشعر دکل، بلکه سده سعادتمده عرض اولنوب و آستانه سعادتمده استماع اولنه کی تعبیر ائندن ده مستفاد اولدینی اوزره بوقسم دعاوی جزائیہی رؤیتہ ولایت محکمهلرینک صلاحیتدار اولهمیه جنی و فقط بودعوالرک درسعادتمده رؤیت اولنہ جنی معناسنی مفیددر. کرچه بویله بر دعوائی درسعادتمده هانکی مقام حل و فصل ایدہ جکی یعنی دیوان هایون [۱] دهی یوقسه باب مشیختهکی حضور محکمهسی [۲] ندهمی رؤیت فلنہ جنی مسئلهسنی،

[۱] اداره قدیمه عثمانیهده اوچ درلو مجالس دولت وار ایدی :

۱ — دیوان هایون اولوب وزیر اعظم و بر قاچ وزیر و ایکی قاضیسکر و استانبول قاضیسی و نشانچی و دفتردار و یکچیری اغاسی و بلوک اغالری و خواجکان دیوان هایون موجود بولنور ایدی. اولری ایام تعطیلیه دن ماعدا هر کون

[۲] دیوان هایونک ترتیب عتیق تغیره اوغرایوبده مصالح افراد مصالح دولندن تفریق اولندقدہ هفتهده بر کون قاضیسکرلر حضور صدر اعظمیه کلارک دیوان آصفی اوکون مراجعات مهمه ایلہ اشتغال ایدردی. ۱۲۵۴ تاریخندن اعتباراً اشبو محکمه کبری عرض اولنہسندہ حضور شیخ الاسلامیده انعقاد ایدہ کلش و بو ملاستله اوراده عقد اولنان مجلس مراجعهیه «حضور محکمهسی» دینلمشدر. تقریباً یکرمی سنه اولنه قدر عندالایجاب شیخ الاسلام حضورنده مجلس مراجعه عقد اولنه کلیرکن بالاخره ترک ایدلمشدر.

بوابده مدار تطبيق اوله حق بر مثال موجود اولديغندن وديكر طرفدن في يومنا هذا ديوان هايون و حضور محكمه سي ملغا بوانديغندن ، بحق حل و تعيين قابل اوله من سنده قونسولوسلرك محاكمه اوله ميه جغهده حكم ايديله من .

ايسته اساس اعتباريله قونسولوسلري محاكمه حقمز اولقله برابر بونلري ولو كه مواد جنايهده اولسون مظلوناً توقيف جهتنه كيتمك حائر اوله ماز ؛ زيرا بالاده كي مواد عهديه نك صراحتي بومر كزدهدر . مع مافيه بر قونسولوسك مواد جنايهده بيله توقيف اوله مامسي حكومتي آنك اقامتكاهي جوارنده مناسب نقطه لره ژاندارمه اقامه ايدر ك فرارينه ميدان وير مامك كي تدابير انضباطيه به توسلندن منع ايده من . كذلك قونسولاتويه كيرمك ، موبيله سني و قانچلاريه نك اوراق رسمييه archives سني و قونسولوسك خصوصي و رسمي مکتوبلاريني حجز و ضبط ايتك جائز اوله ماز .

ايمدي اساس اعتباريله ايضاً جرم ايدن بر قونسولوسي محاكمه ايتك حكومت عثمانيه عائد بر حق ايسهده سالف الذكر مواد عهديهده مرجع محاكمه صريح بر صورتده تعيين ايدلمديكي ايچون اليوم براتلي قونسولوسلرك محاكمه سنه باقيله ميور ، قونسولوسه جلب بيله چيقيسه سفارتلرجه قبول اولميور . بو حالحده قونسولوسلر علمينده كي بر جزا اعلامني نه وجهله انفاذ ايتك لازم كله چكني موضوع بحث ايتك ايجاب ايلز ؛ چونكه ايش محكمه دن اعلام صدوري درجه سنه واصل اوله ماز . شو حالحده بر قونسولوس ايضاً جرم ايتمسي اوزرينه مأمورين

علي السحر پادشاه ديوانخانه به چيقوب وزرا و ارباب ديوان يرلو يرنده طوررلر ، اولان نوبت پادشاهي چانور ، صوكره مهم امور دولتك رؤيته شروع قنور ايدى ؛ شويوله كه رئيس الكتاب افندي امور مهمه دولته دائر اوراق او قور و در حال قراري اجرا اولنور ايدى ؛ بعده چاوش باشي دعاوى عظيمه به دائر اولان ارباب مصالحى طاقم طاقم ديوان هايونه كتيره نك ايجاي وجهله محاكمات اجرا و قاضيسلر ايله استانبول قاضيسندن هانكيسنه عائد ايسه انك جانبندن حكم شرعيسي ايضا قنور ايدى ؛ بوني متعاقب اولان وزير اعظم منفرداً و مؤخر وزرا مجتمعاً و انلردن صوكره و ايام معينه سنده قاضيسلرلر و يكيچرى اغاسي حضور هايونه بال دخول امر مأموريتلر به متفرع خصوصيات و ارايه عرض ايدوب چي تارلر و منصب ويريله جك علما و امرايه خلعتلر اكساسيله مأموريتلري اعلان قلنه رق وقت ظهر دن اول ديوانه ختام ويريلور ايدى .

فقط مرور زمان ايله ديوان هايونك انعقادى يالكر عسكروه علوفه تويي و سفرانك حضور هايونه قبولي زمانلر به منحصر قالد يغندن امور دولت صدر اعظمك رياستي تحتنده رؤساي دوايردن متركباً تشكىل ايدن مشاوره مجلسلرنده مذاكره و نتيجه مذاكرات ركاب هايونه عرض ايدلمكه باشلادى و بو مشاوره مجلسلري مجلس و كلانك اساس ظهورى اولدى .

۲ — باشا قيو سي ديوانى اولوب صدر اعظمك رياستي التنده اوله رق هتهده درت بش دفعه طويلاني بر محكمه عاليه ايدى كه هر كس اوراده عرضحال اعطاسيله مستعيايى تدقيق ايتديرر و ديوانده كوريله ميان ايشلر مقام صدارتدن دواير عانده سنه حواله ايديلير ايدى .

۳ — بعضاده صورت فوق العادهده اوله رق مأمورين شرعيه و ملكيه و عسكريه دن قرق قدر ذوات بالاجتماع سريعا قرار ويريله جك خصوصانده اياق اوزرنده اجراي مذاكره و اتخاذ قرار ايلرلر ايدى كه بو كي ديوانلره اياق ديوانى ناي ويريلير ايدى .

عدليه جه تحقيقات اوليه ي قانوناً مطلوب اولان درجهده بالا كمال كيفيتي عدليه نظارتنه بيلديرمك و اندنسكره تلق اوله حق امره توفيق حركت ايتك اقتضا ايلر .

سابق الذكر مواد عهديهده كي قونسولوسدن مقصد ، هيچ شبهه يوق ، براتلي قونسولوسلردر . اما قونسولوس مأمورلري و برده تبعه دن اولان فخرى قونسولوسلر ايچون بويله بر امتياز طانيله ماز . ذاتاً قونسولوس مأمورلر لرينك محاكمه اولنديغنه دائر بزه امثال موجود اولوب از جمله مرسين اوستريا قونسولوس مأموري اولان اوراده و بالاخره ادرنده محاكمه ايدلمش و فقط نتيجهده مظهر عفو اولمشدر . مع ذلك كرك قونسولوس مأمورلرينك و كرك تبعه دن تعيين ايديلوب محمي موقت عدى ايجاب ايدن فخرى قونسولوسلرك ، كندولرندن صادر اوله حق جناحه افعالي اوزرينه ، همان توقيفلري جهتنه كيدلمه نك كيفيتي عدليه نظارتنه اشعار و ورود ايدجك جوابه انتظار ايتك موافق و بر غائله سياسييه محل وير مامك ايچون محل مأموريتلرني باصمق و منسوب اولديني دولتك بايراغنه قارشو حرم تسزلكي ايام ايدجك بر حركتده بولنق و الحاصل متبوعى اولان دولتك حيثيته طوقونه حق احوال و حر كاته ميدان ويرمك كي حالاتدن توقى لاددر ؛ چونكه طوغريدن طوغري به بو جهته كيديله جك اولور ايسه سفارتلر اولبايده كي مذ كره نك انفاذي اشكال و ايشي سياسي بر مسئله حالنه افراغ ايدرلر . كرهه موسيو پليسي به دوروزاس مسلكدن يتشمه قونسولوسلر ايله محلي تجارندن و على الخصوص نظام و اصول مساعد اولديني تقديرده تبعه محليه دن انتخاب ايديلان فخرى قونسولوسلر يئني قايديولا سيونلر تقريق ايتماش اولسنه استناداً بو ايكنجى لره اولكيلرك حائر اولدقلى حقوق و امتيازاتى بتمامه حائر اوله جقلىرى ادا ايديبورسده بو سوز شايان قبول كوريله ماز و انجق بونلر محمي موقت عد و تحمير حقهده موضوع احكام دائره سنده معامله اولنور .

نهمه ايد قونسولوسلر پيننده منكره مقرره تجارت دعوا لري . — سفارتلر بويولده كي دعاوى حقوقيه و تجاريه دن دولاني ده محاكمه عثمانيه نك قونسولوسلر حقهده بر حكم اعطاسنه صلاحيتدار اولمديغني ادا عا ايديبورلر سده بوسوز بسوتون منافي معدلت و مصاحبتدر . ديكر طرفدن قونسولوسلرك تبعه عثمانيه علمينه محاكمه عثمانيهده اقامه دعوا ايتدكلري واقع اولوب بو ايسه مذكور محكمه لرك كندى علملر ندهده صلاحيت قضائيه سني قبول معناسني تضمن ايلر ؛ و حتى كنديلرينك محكمه به بالذات كليهر ك و كيل كوند رملري و تقديم ايتدكلري استدعايى قونسولوس صفتيله دكل ، شخصلرينه اضافاً امضا ايللري محاكمه عثمانيه نك صلاحيت قضائيه سني قبول ايتمش اولمزينه مانع اوله ماز . في الواقع بر آدم محكمه به مراجعت ايتمكه نتيجه حكيميه هر وجهله قبول ايتمش و مثلاً دعواسني غائب ايدر ايسه مصارف محاكمه ايله محكوميه راضى اولمش ديمك اولور ؛ ديكر طرفدن قونسولوسك محاكمه عثمانيهده اقامه ايتديكي دعوايه قارشو عثمانلي اولان مدعى عليهده بر دعواي متقابله به تصدى ايدجك اولورسه محكمه شه سز هم دعواي اصليه به وهم ده دعواي فرعيه به حكم ايدجكدر كه قونسولوسي شونتيجه به راضى فرض ايتك ضروريدر ؛ زيرا نتيجه حكيميه دن بر قسمي قبول و ديكر قسمي رد ايتك اوزره يعنى محاكمه عثمانيه به لهنه

حکم وریلوزسه قبول ایتک وعلیه حکم صدور ایسه قبول ایتامک شرطیه مراجعتده بولنق ارباب حقوق عندنده هیچ بوجهله شایان قبول کوریه مز. مختلف تابعیه منسوب ایکی اجنبی به متدائر اوله رق قونسولاتو محکمه لرنده رؤیت ایدیلان دعاوی به قیاساً قونسولوس لهنده کی جهت محاکم عثمانیه جه فصل ورؤیت ایدمک وعلیه کی قسم دعوا ایچون قونسولاتو محکمه سنه مراجعت لزومی علاقه دارانه افهام قلمق صورتیه بو قبیل دعاوینک فصل ایدلسی لازم کله جکی حقنده بعض اجانب طرفدن درمیان ایدیلان فکر و مطالعه ایسه، محاکم عثمانیه یی قونسولاتو محکمه لرینه قیاس، قیاس مع انفارق اولدینی وچونکه محاکم عثمانیه صلاحیت عمومی حائز وقونسولاتو محکمه لری انجق کندی تبعه لری حقنده اعطای حکمه مأذون بولندینی جهتله، کلیاً واهی و بر اساس حقوقیه استناددن عاریدر. بنابرین قونسولوس بر عثمانلی علیه محاکمه مراجعت ایتسیله اول امرده حقینر چیقیدینی تقدیرده مصارف محاکمه نك طرفدن تسویه سنی ودرجه ثانیه ده متقابلاً اقامه ایدیه جک دعوانک نتیجه سنی قبول ایتش اولورکه بوده کندی علیه دخی محاکم عثمانیه نك صلاحیت قضائیه سنی قبولدن بشقه بر معنای تضمن ایتز.

بو تفصیلاتدن مستبان اولورکه قونسولوسر و بالخاصه تجارتله مشغول قونسولوسر علیه مواد حقوقیه و تجاریه دن دولای اقامه دعوا اوله بیلور و کندولرینه دعوتیه ورقه سی تبلیغ و عدم اجابتلری حالنده غیاباً حکم اعطاسا قلمور. دیگر طرفدن بونلرک محاکمه سی دیگر اجانب حقنده کی درجات محاکمه تابع اولوب درسعادته ایسه یا برنجی مجلس تجارتده و معاملات بحریه به متدائر اولدینی تقدیرده تجارت بحریه محکمه سنه بر درجه اوزره و طشره لرده ایسه بالکمز قابل استیناف اوله رق رؤیت قلمور.

ذاتاً اجانب دخی تبعه عثمانیه قونسولوس علیه محاکم عثمانیه ده اقامه دعوا وانی عثمانلی محکمه لرینه جلب ایدمه جکینی ادعا ایله برابر قونسولوس بو حقنی، یا کندوسی مدعی صقیله محاکم عثمانیه به مراجعت ایتک ویا محاکم عثمانیه ده کندی علیه بر عثمانلی طرفدن اقامه اولنان دعوا اوزرینه اول باول صلاحیت مسئله سنی درمیان ایله مامک صورتیه، اسقاط ایدیه بیله جکینی و برده قونسولوس اسقاط حق ایتدیکه حقوق و تجارت دعوا لرنده دخی جلب ایدیه ماز قاعده سنه املاک دعوا لری [۱] ایله تجارتله مشغول قونسولوسر علیه معاملات تجاریه دن متولد اوله رق اقامه ایدیه جک دعاوی برر استثنای تشکیل ایدر اولدینی وچونکه بوا یکی جهته سفیرلر بیله محاکم عثمانیه به تابع اولمغه ارتق قونسولوسری مستثنای طومق معقول اوله میه جقنی اعتراف و قبول ایلورلر.

دعوی مزایر حقوقی ایچونه ارئه ایدیه صوت من. — اجانبک نقطه نظریه کوره بر اجنبی علیه اقامه ایدیه جک جزا دعوا سنک و املاک متدائر ویا معامله تجاریه ایله مشغول بولنان قونسولوسک امور تجارتیه متعلق اولماق و یا خود قونسولوس اسقاط حق ایتش بولنماق شرطیه، قونسولوس علیه تصدی [۱] چونکه مبحث مخصوصنده تفصیل ایدلیدی و جهله املاک دعوا لرنده سفیر اولسون قونسولوس اولسون، کانه

اجانب حقنده تبعه کی معامله ایدیلور.

ایدیلان حقوق و تجارت دعوا لرینک فصل ورؤیتی امرنده یا صلاحیتدار اولان محکمه به مراجعت ایدمک و یا خود دیپلوماسی طریقله حل مسئله اولنق ایجاب ایلر. برنجی طریقک اختیاری حالنده صلاحیتدار اولان محکمه قونسولوسک کندی مملکتنده کی محکمه ایله بوراده کی قونسولاتو محکمه سی اولق احتمالندن خالی دکلدرد. بو مسئله بر فرانسز طرفدن فرانسه قونسولوسی علیه اقامه اولنان دعوا دولایسیله اون یدنجی عصرده تحت ایتش و ۱۶۰۱ امرنامه سنده بودعوانک مارسیلایه بولنان آمیروته amirauté de Marseille ده رؤیت اولنه جقنی تصریح قلمشدر؛ فقط فی یومنا هذا او محکمه ملغا اولمغه قونسولوسک اقامتکاهی محکمه سنی صلاحیتدار اولق اوزره قبول ایتک ضروریدر.

اما دعوا بر عثمانلی ایله قونسولوس ویا دیگر بر اجنبی ایله قونسولوس آردسنده تحت ایدرسه نه صورتله معامله اولنه جقنی مسئله سنه کنجه: بو کیفیت بر قرح مسئله سنده فرانسز قونسولوس وکیلنه قارشو بر فرانسز طرفدن قاهره فرانسه قونسولاتوسی محکمه سنده اقامه ایدیلان دعوا دولایسیله موضوع بحث اولش وقونسولاتو محکمه سی ذکر سابق امرنامه به بناء بودعوا یی خارج از وظیفه عداله مشدر؛ اما عندالاستیناف اکس محکمه سی مذکور امرنامه نك جزا مسئله لرنده ضمناً ملغا ویا لکمز حقوق مسئله لرنده مرعی الاجرا اولدینندن بحثله دعوا یی رؤیت ایتک اوزره ینه قاهره قونسولاتوسنه اعاده ایشدر. موسیو پلیسی به دوروزاس بوقراری تنقید ایدرک دعوانک قاهره قونسولاتو محکمه سنده حین رؤیتنده محکمه نك رئیس مشتکاعنه اولان قونسولوس اولسی تقدیرنده نه کی بر خط حرکت تعقیب ایدیه جکی سؤالی ایراد ونهایت بر عثمانلی ویا اجنبینک فرانسه قونسولوسری علیه اقامه ایدیه جکی دعوا ایچون انلرک فرانسه ده کی اقامتکاهلری محکمه سنه مراجعت لازم کله جکینی اتیان ایلور.

قونسولوسک حائز اولدینی ادعا ایدیلان شو امتیازادن قانچلاریه مأمورلری و ترجمانلر دخی مستفید اوله جقنی اجانب طرفدن ادعا ایدمکده و سالف الذکر سجلیاتین وهولانده قایتولاسیونلرنده قونسولوسدن سوکره ترجمانده مذکور بولنمقه ایسه ده، بالاده کی تفصیلاته نظراً اساساً قونسولوس ایچون قبول اوانه میان معافیت قضائیه شبهه سز ترجمان ایچون هیچ بر صورتله قبول ایدلماک وانجق بونلر اجنبی اولملری دولایسیله دیگر تبعه اجنبیه متمازنه حائز اولدینی امتیازدن استفاده ایتک ایجاب ایلر؛ خصوصاً که ترجمان تبعه عثمانیه دن ایسه موقه او دولتک تحت حمایه سنه داخل وانجق کندو حقنده محیاره متدائر مبشده تفصیل اولنه جق احکام جاری اولور. ذاتاً فرانسه نك ممالک اجنبیه ده کی قونسولاتولرینه عائد نظامنامه نك التنجی ماده سی موجبجه تبعه محایه دن انتخاب ایدیلان ترجمان وامثالی مأمورلر فرانسه نك تحت حمایه سنه داخل ومأموریتلرینک دوامی مدتیجه حمایه احکامندن مستفید اولورلر.

تجارت بحریه محکمه سی اعضاسندن

فیل جمال الدین دهراند آصاردر

مجلس شورای ملی در جلسه روز شنبه ۱۳۰۲/۱۰/۱۰ در مورد تقاضای قاضی کوی جوارنده قوربغالی درده غارخانه قریه سنده یکی محله ده ساکنه کوی سکنی احمد بک زوجه سی صومر قریه لی امینه خانمک قریه مذکور حدودده بر قطعه ده بش دویم ترلاسی .

قصه مذکور حاجی عبدی محله سندن ۳۱۳۰ نومرولو مستقرض قونیلی محمد افغانک قصه مذکور حدودده اوچ قطعه ده سکر دویم غازی سلیمان پاشا وقفندن باغ یری وطوت باغچه لری .

قصه مذکور چشمه محله سندن ۳۳۳۰ نومرولو مستقرض شریف خواجه زاده حافظ نظیف افندی زوجه سی واطر اوغلی کریمه سی اسما خانمک قصه مذکور حدودده بر قطعه ده اون بش دویم ترلاسی .

قصه مذکور یکجه محله سندن ۳۵۳۳ نومرولو مستقرض قوجه بک اوغلی متوفی محمدک چطاجق قریه سی حدودده طقوز قطعه ده اون یکی بچق دویم ترلاسی .

قصه مذکور چشمه محله سندن ۳۷۸۰ نومرولو مستقرض حمدی بک زاده حمدی بکک قصه مذکور حدودده بر قطعه ده طقوز دویم ترلاسی .

قریه مذکور حاجی عبدی محله سندن ۳۸۱۹ نومرولو مستقرض چتال اوغلی دورمش دامادی دو ققور امین افندی بک قصه مذکور حدودده اوچ قطعه ده اون اوچ دویم ترلاسی یلی ایکی قطعه ده اوچ دویم عرب شیخ وقفندن باغ وبر قطعه ده یارم دویم طوت باغچه سی .

قصه مذکور جمعه محله سندن ۳۸۲۳ نومرولو مستقرض کشاف اوغلی راشید افغانک قصه مذکور حدودده ایکی قطعه ده بش دویم ترلاسی .

قصه مذکور یکجه محله سندن ۳۹۷۵ نومرولو مستقرض ژورنال زاده حاجی علی افندی حنفیدی علی افندی بک قصه مذکور حدودده بر قطعه ده اونوز دویم ترلاسی .

قصه مذکور یکجه محله سندن ۳۹۹۴ نومرولو مستقرض قره دانی اوغلی احمد بن عثمانک قصه مذکور حدودده اوچ قطعه ده یکریمی ایکی دویم ارض میری ترلاسی طوت باغچه سی ،

قصه مذکور صوفی علی محله سندن ۴۰۰۵ نومرولو مستقرض قره علی اوغلی مصطفی بن احمدک قصه مذکور حدودده ایکی قطعه ده سکر دویم ترلاسی .

قصه مذکور چشمه محله سندن ۴۰۲۵ نومرولو مستقرض کیچه سی زاده بوز اوغلی محمد افغانک قصه مذکور حدودده ایکی قطعه ده طقوز دویم ترلاسی .

اعلان

مجلس شورای ملی در جلسه روز شنبه ۱۳۰۲/۱۰/۱۰ در مورد تقاضای قاضی کوی جوارنده قوربغالی درده غارخانه قریه سنده یکی محله ده ساکنه کوی سکنی احمد بک زوجه سی صومر قریه لی امینه خانمک قریه مذکور حدودده بر قطعه ده بش دویم ترلاسی .

قصه مذکور حاجی عبدی محله سندن ۳۱۳۰ نومرولو مستقرض قونیلی محمد افغانک قصه مذکور حدودده اوچ قطعه ده سکر دویم غازی سلیمان پاشا وقفندن باغ یری وطوت باغچه لری .

قصه مذکور چشمه محله سندن ۳۳۳۰ نومرولو مستقرض شریف خواجه زاده حافظ نظیف افندی زوجه سی واطر اوغلی کریمه سی اسما خانمک قصه مذکور حدودده بر قطعه ده اون بش دویم ترلاسی .

قصه مذکور یکجه محله سندن ۳۵۳۳ نومرولو مستقرض قوجه بک اوغلی متوفی محمدک چطاجق قریه سی حدودده طقوز قطعه ده اون یکی بچق دویم ترلاسی .

قصه مذکور چشمه محله سندن ۳۷۸۰ نومرولو مستقرض حمدی بک زاده حمدی بکک قصه مذکور حدودده بر قطعه ده طقوز دویم ترلاسی .

قریه مذکور حاجی عبدی محله سندن ۳۸۱۹ نومرولو مستقرض چتال اوغلی دورمش دامادی دو ققور امین افندی بک قصه مذکور حدودده اوچ قطعه ده اون اوچ دویم ترلاسی یلی ایکی قطعه ده اوچ دویم عرب شیخ وقفندن باغ وبر قطعه ده یارم دویم طوت باغچه سی .

قصه مذکور جمعه محله سندن ۳۸۲۳ نومرولو مستقرض کشاف اوغلی راشید افغانک قصه مذکور حدودده ایکی قطعه ده بش دویم ترلاسی .

قصه مذکور یکجه محله سندن ۳۹۷۵ نومرولو مستقرض ژورنال زاده حاجی علی افندی حنفیدی علی افندی بک قصه مذکور حدودده بر قطعه ده اونوز دویم ترلاسی .

قصه مذکور یکجه محله سندن ۳۹۹۴ نومرولو مستقرض قره دانی اوغلی احمد بن عثمانک قصه مذکور حدودده اوچ قطعه ده یکریمی ایکی دویم ارض میری ترلاسی طوت باغچه سی ،

قصه مذکور صوفی علی محله سندن ۴۰۰۵ نومرولو مستقرض قره علی اوغلی مصطفی بن احمدک قصه مذکور حدودده ایکی قطعه ده سکر دویم ترلاسی .

قصه مذکور چشمه محله سندن ۴۰۲۵ نومرولو مستقرض کیچه سی زاده بوز اوغلی محمد افغانک قصه مذکور حدودده ایکی قطعه ده طقوز دویم ترلاسی .

قصبه مذ كورك چشمه محله سندن ۳۰۳۰ نومرولو مستقرض مؤذن اوغلی محمد افنديك قصبه مذ كور
حدودنده ايكي قطعه ده ايكي دونم سبزه باغچه سي .

قصبه مذ كورك حاجي عبيد محله سندن ۴۰۴۱ نومرولو مستقرض جنار زاده دورمش افنديك قصبه
مذ كور حدودنده اوچ قطعه ده التي بيجق دونم ترالاری ايله ايكي قطعه ده بر بيجق دونم باغلی و بر قطعه ده ايكي
دونم طوت باغچه سي .

قصبه مذ كورك چشمه محله سندن ۴۰۴۲ نومرولو مستقرض يوسف اوغلی محمد كريمه سي و حافظ رضا
افندي زوجة سي فاطمه خانمك قصبه مذ كور حدودنده ايكي قطعه ده بش دونم ترالاری .

قصبه مذ كورك چشمه محله سندن ۴۰۴۳ نومرولو مستقرض حسن خليفه اوغلی تحسینك قصبه مذ كور
حدودنده بر قطعه ده بر دونم طوت باغچه سي .

قصبه مذ كورك چشمه محله سندن ۴۰۴۴ نومرولو مستقرض ايحي اوغلی مصطفى حفيده سي عايشه خانمك
قصبه مذ كور حدودنده بر قطعه ده ايكي دونم طوت باغچه سي .

قصبه مذ كورك چشمه محله سندن ۴۰۴۵ نومرولو مستقرض كورت محمد زوجة سي عايشه خاتونك قصبه
مذ كور حدودنده بر قطعه ده ايكي دونم بر اولك طوت باغچه سي .

قصبه مذ كورك يكيجه محله سندن ۴۰۴۶ سول اوغلی اسماعيل افنديك قصبه مذ كور حدودنده بر قطعه ده
اوچ دونم طوت باغچه سي و قصبه چارشوسنده بر باب آلتش زراع دكان

قصبه مذ كورك چشمه سندن ۴۰۵۱ نومرولو مستقرض حافظ حسين زاده احمد افندي زوجة سي فاطمه
خانمك قصبه مذ كور حدودنده اوچ قطعه ده طقوز دونم ترالاری .

قصبه مذ كورك يكيجه محله سندن ۴۰۵۵ نومرولو مستقرض سمرجي ابراهيم كريمه سي و مهاجر شاك
زوجة سي طوطي خانمك حضار اوزی قريه سي حدودنده بر قطعه ده درت دونم ترالاری .

قصبه مذ كورك چشمه محله سندن ۴۰۵۷ نومرولو مستقرض اشجي اوغلی محمد ايله والده سي عزيزه خانونك
قصبه مذ كور حدودنده بر قطعه ده ايكي دونم بر اولك زمين و اشجاری طوت باغچه سي .

قصبه مذ كورك كبکير محله سندن ۴۰۸۴ نومرولو مستقرض عبيد بك زاده نظيف بكك قصبه مذ كور
حدودنده درت قطعه ده يکرمي ايكي دونم ترالاری .

قصبه مذ كورك يكيجه محله سندن ۳۰۹۳ نومرولو مستقرض قوجه مصطفى اوغلی طاهر اوتباشينك كوی
اوزی قريه سي حدودنده بش قطعه ده اون يدي بيجق دونم ترالاری .

قصبه مذ كورك كبکير محله سندن ۴۱۹۴ نومرولو مستقرض يکمزجي عثمان زوجة سي فاطمه خانمك قصبه
مذ كور حدودنده بر قطعه ده بر دونم طوت باغچه سي .

قصبه مذ كورك چشمه محله سندن ۴۱۲۷ نومرولو مستقرض حاجي محمد حفيدي كشاف اوغلی راشيد افا
مخدومي سليمان افاك ابراهيم اوزی قريه سي حدودنده درت قطعه ده اون ايكي دونم ترالاری .

قصبه مذ كورك چشمه محله سندن ۴۰۲۸ نومرولو مستقرض كشاف اوغلی راشيد افاك قصبه مذ كور حدودنده
بش قطعه ده اون بر دونم اوچ اولك ترالاری بر قطعه ده ايكي دونم زمين و اشجار طوت باغچه لری .

قصبه مذ كورك يكيجه محله سندن ۴۱۳۴ نومرولو مستقرض قبا اوغلی كريمه سي و ملا حسين زوجة سي
امينه خانمك دكرمن اوزی قريه سنده بر قطعه ده درت دونم ترالاری .

قصبه مذ كورك صوفي علی محله سندن ۴۰۴۵ نومرولو مستقرض آتش افا اوغلی محمد افاك قصبه حدودنده
ايكي قطعه ده اون ايكي دونم ترالاری .

قصبه مذ كورك صوفي علی محله سندن ۴۰۵۲ نومرولو مستقرض پارشلی اوغلی نام ديكر كورجي اوغلی
محمدك قصبه مذ كور حدودنده درت قطعه ده اون التي دونم ترالاری .

كوينك قضاسی زراعت باقچه سي صندوقندن بالاده اسمایلی محرر كسانك استقراض ايلدکری مبالی
وعده معينه سنده تأديه ايتدکری جهته وفاء فراغ و ترهين ايلدکری قطعه و دونماتي و انواعي محرر غير

منقوله لرینك تاريخ اعلاندن اعتباراً اون بش كون صكره مزایده سنه باشلانهرق ايكي ماه صكره ده قرار داده
كشیده سيله اوتوز بر كون ظرفنده لاقل يوزده بش ضمه بي قبول ايديلهرك احاله قطعه لری اجرا قلنه جغتک

برنجی و ايكنجی اعلانی حاوی اولق اوزره اشبو اعلان ورقه سي تنظيم اولنديعندن طالب اولانلرك ايضاحات
آلق و شرائطی اوكرنك اوزره معتبر كفيللری و یا ثلث نسبتنده ديپوزيتو اچيله لریه برابر كوينك قضاسی اجرا
دائرة سنه مراجعت ايللری لزومی اعلان اولنور .

اسكيشهر تجارت محكمه سي قراريله اقدجه افلاسی اعلان ايدیلان اسكيشهرده ماليفاطوره جي حاجي جبار
زاده عبيد افندي بودفعه اصحاب مطلوبه اصولی دائرة سنده قونقوردانو عقد ايلش و مذ كور قونقوردانو

محكمه جبهه بالتصديق معامله افلاسیه سندن رفعه ۲۱ مایس سنه ۳۲۹ تاريخنده قرار ویرلش اولديني اعلان اولنور .

ارکوب قصبه سي اهالی سندن اينجه اوغلو قسطا كينك سه سنون قريه سندن فرار يوركي كريمه سي دسيپنه
ذمتنده اله جنی اولان اون بش عدد عثمانلی لیراسنك مع فائض و مصارف تحصيلی ضمننده ارکوب بدايت محكمه سي

حقوق قسمندن صادر اولان ۱۱ ايلول سنه ۳۲۸ تاريخ و ۴۸ نومرولی اعلامك اجراسی مدعی طرفندن
طلب واستدعا ايدلش و مدعی علیه انك الآن محل اقامتی مجهول بولنش اولديندن اجرا قانونك يکرمي طقوزنجی

ماده سنده محرر اولديني اوزره طقسان بر كون ظرفنده اثبات وجود ايتديكي صورتده حکم اعلامك اجراسنه
تشبث اولنه جنی ارکوب اجرا دائرة سندن اعلان اولنور .

ترزی يانقو افندي حاجی انسطاشك آنايا افندي ولد مراد بوستانجی اوغلندن استقراض ايلديكي مبالغ
معلومه يه مقابل داین مومی اليه عهده سنه وفاء مفروغ و فروختی بك اوغلی بدايت محكمه سي ايكنجی حقوق

محکمہ تمیز جزا دائرہ سی مقرراتی — (۱) اصل مادہ وفاقی استاج ایدن ضربہ نیک
مہملردن هانکیسی طرفندن ایقاع ایدلش
اولدیفنک تمینی لازمکیر.

۴۱۱۶ ۳۲۹ مایس ۲۵ { (۲) مہملک مجردا تده اق دائرہ سنده کی افاده سیله
حضور محکمہ ده کی افاده سی آرہ سنده میابت
کوراسی شهادت کاذبه جرمی تشکیل ایتز

۴۱۱۸ ۳۲۹ مارت ۲۵ { (۳) جرمک ادله ثبوتیه سنک مجرمیت قرارنده
بر تفصیل کوستراسی

محکمہ تمیز استر عا دائرہ سی مقرراتی — (۱) هیئت حاکمه میاننده بولنوب اولجه مدعی
عمومی وکالتی ایفا ایتش اولان ااضاملازمنک
اضمام رأیله لاحق اولان قرار مستلزم نقضدر

۴۱۲۳ ۳۲۹ مایس ۲۵ { (۲) تبلیغات

۴۱۲۳ ۳۲۹ مایس ۲۶ { (۳) مسئلہ مستأخره

شورای دولت مضبطہ لری — (۱) ضابطہ عدلیہ مأمورلرینک ایقای وظیفه ائنا
سندہ ارتکاب ابتدکری جرائمک رؤیتی
حاکم عمومیه عائددر

انجمن عدلیہ مقرراتی (۱) فداکاران مات جمعی مسئلہ سندن طولانی
محکوم اولان احمد حمدینک جرمک جرائم
سیاسیه دن غیر معدود اولدیفنه دائر

۴۱۲۵ ۳۲۹ مارت ۱۹ { محکمہ تمیز حقوق دائرہ سنجه تدقیقاتی نتیجه پذیر
اولان دعاوی اعلاماتنک لیسته سی

۴۱۲۷

قسم غیر رسمی

مقالات

ملاحظات جزائیہ عدلیہ ناظر اسبقی ممدوح بک افندی حضر تلرینک ۴۱۲۰

اموال غیر منقولہ نیک تصرفہ عامر موار قانونیه محکمہ تمیز رئیس اولی علی حیدر افندی حضر تلرینک ۴۱۳۸

مفتخیرہ دائر محکمہ تمیز جزا رئیس عثمان بک افندی حضر تلرینک ۴۱۴۴

نصیح شفعه یه دائر ۴۱۴۸